

সোশাল মিডিয়া (Social Media)

হ্যরত মির্যা মসরুর আহমদ (আই.)

নিখিলবিশ্ব আহমদীয়া মুসলিম জামা'তের পঞ্চম খলীফা



بِسْمِ اللَّهِ الرَّحْمَنِ الرَّحِيمِ

সোশাল মিডিয়া

Social Media

হ্যরত মির্যা মসরুর আহমদ (আই.)
নিখিলবিশ্ব আহমদীয়া মুসলিম জামা'তের পথওম খলীফা

প্রকাশনায়
লাজনা ইমাইল্লাহ, বাংলাদেশ

সোশাল মিডিয়া

Social Media

গ্রন্থসম্পত্তি | ইসলাম ইন্টারন্যাশনাল পাবলিকেশন্স লি., ইউ. কে.

লেখক | হযরত মির্যা মসরুর আহমদ (আই.)
খলীফাতুল মসীহ আল খামেস

সংকলন | লাজনা সেকশন মার্কার্যিয়া, যুক্তরাজ্য

প্রকাশক | লাজনা ইমাইল্লাহ, বাংলাদেশ
৪ বকশী বাজার রোড, ঢাকা-১২১১

ভাষান্তর | বাংলাদেশকের সার্বিক তত্ত্ববধানে অনুদিত

প্রকাশকাল | ফেব্রৃয়ারি ২০২০

সংখ্যা | ২০০০ কপি

মুদ্রণে | ইন্টারকন এসোসিয়েটস
৮৫/এ, নিউ আরামবাগ মতিঝিল, ঢাকা-১০০০।

Social Media

সোশাল মিডিয়া

by

Hazrat Mirza Masroor Ahmad^{atba}
Khalifatul Masih V

Published by

Lajna Section Markazia, U. K.

First Published in Bangladesh in February 2020

Translated into bengali by
Bangladesh, London, U. K.

Published by

Lajna Imaillah, Bangladesh
4 Bakshi Bazar Road, Dhaka-1211, Bangladesh

© Islam International Publications Ltd., U. K.

ISBN 978-984-991-279-8

بِسْمِ اللّٰهِ الرَّحْمٰنِ الرَّحِيْمِ

অবতরণিকা

সোশাল মিডিয়ার মাধ্যমে বিভিন্ন ভালো জিনিসের পাশাপাশি সারা বিশ্বে অনেক অপকর্মও ছড়িয়ে পড়ছে। তাই, আমাদের লাজনা ও নাসেরাতদের এটি খুব সাবধানতার সাথে ব্যবহার করা উচিত। এ প্রসঙ্গে বিভিন্ন উপলক্ষে আমি যেসব দিক-নির্দেশনা প্রদান করেছি, কেন্দ্রীয় লাজনা (যুক্তরাজ্য) সেগুলোকে সংকলন করে এই পুস্তকে প্রকাশ করছে। আপনাদের সবার এসব দিক-নির্দেশনা মেনে চলা উচিত।

আল্লাহ তা'লা আপনাদের সবাইকে এর তৌফিক দান কর্তৃন। আমীন।

মির্যা মসরুর আহমদ
খলীফাতুল মসীহ আল খামেস

بِسْمِ اللّٰهِ الرَّحْمٰنِ الرَّحِيْمِ

ভূমিকা

সমস্ত প্রশংসা মহান আল্লাহর, অজস্র দরদ ও সালাম বিশ্বনবী হযরত মুহাম্মদ (সা.)-এর প্রতি ।

আধুনিক প্রযুক্তি ও যোগাযোগ-মাধ্যমের সঠিক ব্যবহারের ফলে মানুষের জীবন অনেক বেশি আনন্দঘন, সহজ ও গতিময় হয়ে উঠেছে । এখন বছরের কাজ দিনে আর দিনের কাজ ঘন্টায় বা মিনিটে করা সম্ভব, চোখের পলকে সংবাদ পৌছে যায় পৃথিবীর এক প্রান্ত থেকে অপর প্রান্তে । যোগাযোগ ব্যবস্থার উন্নয়নের ফলে সামাজিক যোগাযোগের ক্ষেত্রে বিরাট এক বিপ্লব সাধিত হয়েছে । যার ফলে মানুষের ভাব বিনিময় থেকে শুরু করে জাগতিক ও ধর্মীয় জ্ঞানের প্রসার, সংবাদ ও প্রয়োজনী তথ্যাদির প্রচার প্রচারণা এবং স্বাধীন মত প্রকাশের ক্ষেত্রে এক নবদিগন্তের সূচনা হয়েছে । নিঃসন্দেহে এটি খুবই আনন্দের কথা । কিন্তু সামাজিক যোগাযোগ-মাধ্যমের অপব্যবহারে ফলে ব্যক্তি, সমাজ এমনকি রাষ্ট্রীয় ক্ষেত্রেও ভয়ঙ্কর সব বিপর্যয় ঘটে যেতে পারে, যার ভুরিভুরি উদাহরণ রয়েছে আমাদের চোখের সামনে । প্রযুক্তির এই করালগ্রাস থেকে নতুন প্রজন্মকে রক্ষা করতে এবং এর সঠিক ব্যবহারে অনুপ্রাণীত করতে যুগের পথপ্রদর্শক হযরত ইমাম মাহদী(আ.)-এর পঞ্চম খলীফা হযরত মির্যা মসরর আহমদ(আই.) বিভিন্ন উপলক্ষ্যে এই বিষয়ে যেসব গুরুত্বপূর্ণ নির্দেশনা প্রদান করেছেন, যুক্তরাজ্যের কেন্দ্রীয় লাজনা ইমাইল্লাহ (অর্থাৎ আমাদের জামাতের মহিলা সংগঠন) সেগুলো সংকলন করে ‘সোশাল মিডিয়া’ নামে উর্দুভাষায় একটি পুস্তিকা প্রকাশ করেছে ।

আত্মসংশোধনমূলক এ অমূল্য পুস্তিকাটির বাংলা অনুবাদ লাজনা ইমাইল্লাহ বাংলাদেশ প্রকাশের সৌভাগ্য লাভ করায় আল্লাহ তা'লার দরবারে কৃতজ্ঞতা জ্ঞাপন করছি । বাংলাদেশ-এর কর্মীরা নিরলস পরিশ্ৰম করে অনুবাদকৰ্ম্মতি সম্পন্ন করেছেন । আল্লাহ তা'লা তাদের পুরস্কৃত করুন, আমীন ।

পরিশেষে সর্বশক্তিমান আল্লাহর কাছে কায়মনোবাকে আমাদের প্রার্থনা, এই প্রচেষ্টা পাঠকদের জন্য একটি আলোকবর্তিকা সাব্যস্ত হোক আর তিনি আমাদের এই নগণ্য প্রচেষ্টা নিজ করণায় গ্রহণ করুন, আমীন ।

জেন্দুল মেডিয়ার খন চৈত্রী/ ০৩.০২.২০২০
আলহাজ্জ মাওলানা আব্দুল আউয়াল খান চৌধুরী
ন্যাশনাল আমীর,
আহমদীয়া মুসলিম জামা'ত, বাংলাদেশ

بِسْمِ اللّٰهِ الرَّحْمٰنِ الرَّحِيْمِ

সদর সাহেবার বাণী

মহান আল্লাহ্ তা'লার অশেষ কৃপায় আমাদের প্রাণপ্রিয় খলীফা হযরত খালীফাতুল মসীহ্ আল্ খামেস (আই.)-এর নির্দেশনার আলোকে রচিত “সোশাল মিডিয়া” পুস্তকটি লাজনা ইমাইল্লাহ্ বাংলাদেশ বাংলা ভাষায় প্রকাশের তোফিক পেয়েছে, আলহামদুল্লাহ্।

পুস্তকটি অনুবাদ করে ছাপানোর কাজে যারা সহযোগিতা করেছেন আল্লাহ্ তা'লা তাদের সবাইকে উত্তম প্রতিদান দিন, আমীন।

আশা করি, আমার লাজনা ও নাসেরাত বোনেরা এই পুস্তকটি গুরুত্ব সহকারে পড়বেন ও অন্যদেরকে পড়ার জন্য উৎসাহিত করবেন আর সবাই এ থেকে উপকৃত হবেন, ইনশাল্লাহ্।

Rehema
রেহেমা খায়ের
সদর
লাজনা ইমাইল্লাহ্, বাংলাদেশ

সূচিপত্র

| ক্রমিক নং | বিষয় | পৃষ্ঠা |
|-----------|--|----------------------------------|
| ১. | মানব সৃষ্টির উদ্দেশ্য <ul style="list-style-type: none"> • মানব সৃষ্টির উদ্দেশ্য • টিভি ও ইন্টারনেটের অপব্যবহারের ফলে ইবাদতে ঔদাসীন্য | ৯ ১১ ১৩ |
| ২. | মুমিন বৃথা কার্যকলাপ থেকে বিরত থাকে <ul style="list-style-type: none"> • লজ্জাবোধ বা শালীনতার মান উন্নত করার আবশ্যিকতা • সৌন্দর্যের নামে নির্লজ্জতা বা অশালীনতা • আন্তর্জাতিক পরিমণ্ডলে সামাজিক অবক্ষয়ের বিস্তার | ২২ ২৩ ২৪ ২৪ |
| ৩. | সন্তানসন্ততির শিক্ষাদীক্ষায় পিতামাতার ভূমিকা <ul style="list-style-type: none"> • ভবিষ্যৎ প্রজন্যকে মিডিয়ার মন্দপ্রভাব থেকে রক্ষা করণ • শৈশব থেকেই সন্তানদের শিক্ষাদীক্ষার প্রতি দৃষ্টি দিন • অল্পবয়ক শিশুর মোবাইল ফোনের অপ্রয়োজনীয় ব্যবহার • অনেতিক টিভি প্রোগ্রাম ঝুক করে দিন | ২৭ ২৯ ৩১ ৩২ ৩৩ |
| ৪. | বর্তমান যুগে মেয়েদের দায়-দায়িত্ব | ৩৮ |
| ৫. | আহমদী মেয়েদের জন্য উপদেশবাণী <ul style="list-style-type: none"> • সোশাল মিডিয়ায় চ্যাটিং এবং মহিলাদের ছবির মাধ্যমে পর্দাহীনতার প্রবণতা • পর্দা- প্রকাশ্য ও অপ্রকাশ্য অশ্লীলতা থেকে রক্ষা করে • Facebook ব্যবহারে সাবধানতা অবলম্বনের বিভিন্ন দিক • তবলীগের জন্য মেয়েরা শুধুই মেয়েদের সাথে যোগাযোগ করবে • ইন্টারনেট এবং সোশাল মিডিয়ার নেতৃত্বাচক ব্যবহারের ফলে অ-আহমদীদের সাথে বিয়েশাদি এবং পরবর্তী প্রজন্মের দুঃখজনক পরিণতি | ৪৩ ৪৬ ৪৭ ৪৯ ৫০ ৫২ |
| ৬. | জামাঁতের যুব-সম্প্রদায়ের জন্য পথ নির্দেশনা <ul style="list-style-type: none"> • যুব-সম্প্রদায়কে ইসলামী শিক্ষা মেনে চলার তাগিদপূর্ণ নির্দেশ • দৃষ্টি সংযত রাখা কুপ্রবৃত্তির বিরুদ্ধে এক প্রকার জিহাদ | ৫৩ ৫৫ ৫৭ |

| ক্রমিক নং | বিষয় | পৃষ্ঠা |
|-----------|--|--|
| | <ul style="list-style-type: none"> • অভ্যাস- সংশোধনের পথে বাধ সাধে • পাপমুক্ত থাকার জন্য পূর্ণসীন দোয়া | ৫৯ ৬১ |
| ৬. | ওয়াকেফে নও ছেলেমেয়েরা কীভাবে স্পেশাল হতে পারে? | ৬৩ |
| | <ul style="list-style-type: none"> * উন্নত মানে উপনীত হয়ে স্পেশাল হোন * অনেতিক বিষয়াদি থেকে দূরে থাকুন * মিডিয়া সংক্রান্ত বিভিন্ন বিভাগে অধ্যয়ন করুন * MTA-তে নিয়মিত খুতবা শুনুন | ৬৫ ৬৭ ৬৮ ৬৯ |
| ৭. | মিডিয়ার মাধ্যমে মিথ্যা ও প্রতারণা | ৭১ |
| | <ul style="list-style-type: none"> * ভুয়া Facebook একাউন্ট খোলা * সাইবার এ্যটাক (Cyber Attack)-এর মাধ্যমে সিস্টেম অকেজো করা * ধার নিয়ে মোবাইল ফোন ব্যবহারের মাধ্যমে প্রতারিত করা * খলীফাগণের ছবির অপব্যবহার এবং বিদআত থেকে বিরত থাকা | ৭৩ ৭৪ ৭৫ ৭৬ |
| ৮. | সোশাল মিডিয়ার কল্যাণকর দিক | ৭৯ |
| | <ul style="list-style-type: none"> • MTA'র কল্যাণরাজি • MTA খিলাফতের সাথে সম্পৃক্ত হওয়ার মাধ্যম • MTA'র মাধ্যমে তবলীগ • “বিরোধিতা জামা”তের উন্নতিতে প্রতিবন্ধক হতে পারে না” • “রিভিউ অফ রিলিজিয়ন্স” পত্রিকার মাধ্যমে ইসলামের বাণী • alislam.org- ইসলাম প্রচারের অন্যতম মাধ্যম • জুমুআর খুতবা এক আধ্যাত্মিক খাদ্য • খোদার প্রতিশ্রূতি পূর্ণ হওয়া অবশ্যভাবী • وَالثِّيَرِتْ نَسْرٌ | ৮১ ৮৩ ৮৫ ৮৮ ৯১ ৯১ ৯৩ ৯৭ ৯৭ |

মানব সৃষ্টির উদ্দেশ্য

- মানব সৃষ্টির উদ্দেশ্য
- টিভি ও ইন্টাৱনেটেৱ অপব্যবহাৱেৱ ফলে ইবাদতে
ওদাসীন্য

মানব সৃষ্টির উদ্দেশ্য

মানব সৃষ্টির উদ্দেশ্য কী, এর দাবিসমূহ কী কী আর জীবনের লক্ষ্য অর্জনের উপায়গুলোই বা কী- এ বিষয়ে সৈয়দনা হ্যরত খলীফাতুল মসীহ আল খামেস (আই.) তাঁর জুমুআর খুতবা ও বক্তৃতাসমূহে বিভিন্ন সময় বিস্তারিত আলোকপাত করেছেন। জুমুআর এক খুতবায় হ্যুর আনোয়ার (আই.) জামা'তের সদস্যদের এ প্রসঙ্গে উপদেশ প্রদান করে বলেন:

বান্দাদের প্রতি এটি আল্লাহ্ তা'লার অপার অনুগ্রহ যে, মানুষকে সৃষ্টির সেরা জীব বানিয়ে তিনি তাকে এমন বুদ্ধি ও মেধা দান করেছেন যা কাজে লাগিয়ে সে অন্যান্য জীব তথা অন্য সকল সৃষ্টিকে কেবল নিজের অধীনস্থ করে না বরং সেগুলোকে সর্বোত্তমভাবে কাজেও লাগায়। মানুষের এই বুদ্ধিশক্তির সুবাদে প্রতিদিনই নিত্যনতুন আবিক্ষারাদি সামনে আসছে। জাগতিক উন্নতি ও অগ্রগতি আজ যে পর্যায়ে রয়েছে তা দশ বছর পূর্বেও এমন ছিল না। আবার দশ বছর পূর্বে পৃথিবী যতটা উন্নত ছিল, বিশ বছর পূর্বে তা ছিল না। এভাবে যদি আমরা পেছনে যেতে থাকি তাহলে বর্তমান যুগের নতুন নতুন আবিক্ষারাদির গুরুত্ব ও মানুষের মেধাশক্তির সক্ষমতা সম্পর্কে পরিক্ষার ধারণা পেতে পারি। কিন্তু প্রশ্ন হলো, বস্ত্রগত এই উন্নতিই কি মানবজীবনের পরম লক্ষ্য? সকল যুগের বস্ত্রবাদী মানুষ এটিই মনে করে এসেছে যে, আমার এই উন্নতি, আমার এই সক্ষমতা, এই প্রভাব-প্রতিপত্তি, আমার এই পার্থিব ভোগবিলাসে গা-ভাসানো, সম্পদের অহমিকায় নিজের চেয়ে কম সম্পদশালী লোকদের সামনে সম্পদের বড়াই করা, সম্পদকে দৈহিক সুখ-সঙ্গের মাধ্যম হিসেবে অবলম্বন এবং নিজ ক্ষমতাবলে অন্যদেরকে পদানত করাই আমার জীবনের মূল লক্ষ্য! অবশ্য বস্ত্রবাদী একজন সাধারণ মানুষ, যার কাছে ধনসম্পদ নেই, সেও এমনটিই মনে করে থাকে। অধিকন্তু বর্তমান যুগের যুবসমাজ, ধর্মের প্রতি যাদের কোন আকর্ষণ নেই, যারা পার্থিবতার মোহে আচ্ছন্ন, তারা মনে করে, অধুনা বিভিন্ন আবিক্ষার যেমন- টেলিভিশন, ইন্টারনেট ইত্যাদিই সত্যিকার অর্থে আমাদের উন্নতির ধারক বাহক! আর অনেকেই এগুলোর প্রভাবে প্রভাবিত হয়ে পড়ে। কিন্তু এটি একেবারেই ভ্রান্ত ধারণা। এরূপ ধারণা বড় বড় নৈরাজ্যবাদীর জন্য দিয়েছে, এই ধারণা বড় বড় অত্যাচারী ও সীমালঙ্ঘনকারী সৃষ্টি করেছে। এ ধারণা ভোগবিলাসে মন্ত মানুষের জন্য দিয়েছে, এরূপ ধারণা প্রত্যেক যুগে ফিরাউনের জন্য দিয়েছে, যারা ভাবে- আমাদের শক্তি আছে, সম্পদ আছে, আমাদের সম্মান ও প্রতিপত্তি আছে। কিন্তু সমগ্র বিশ্বের প্রভু-প্রতিপালক ও বিশ্বস্তা আল্লাহ্ তা'লা অত্যন্ত জোরালোভাবে এমন ধারণাকে প্রত্যাখ্যান করেছেন। তিনি

বলেন, যেসব বিষয়কে তোমরা তোমাদের নিজেদের জীবনের উদ্দেশ্য বলে মনে কর তা তোমাদের জীবনের মূল উদ্দেশ্য নয়। তোমাদেরকে এজন্য সৃষ্টি করা হয় নি যে, পার্থিব এসব উপকরণ ভোগে মন্ত থাকবে আর পৃথিবী থেকে প্রস্থান করবে, না, বরং আল্লাহ্ তা'লা বলেছেন, **وَمَا حَقُّتِ الْجِنَّةُ وَالْإِنْسَانُ إِلَّا لِيَعْبُدُونِ** অর্থাৎ ‘আর জিন্ন ও মানুষকে আমি কেবল আমার ইবাদতের জন্য সৃষ্টি করেছি’।”
(সূরা আয় যারিয়াত: ৫৭)

(খুতবা জুমুআ, ১৫ জানুয়ারি ২০১০, বাযতুল ফতুহ, লওন;
আল ফযল ইন্টারন্যাশনাল, ০৫ ফেব্রুয়ারি ২০১০)

চিভি ও ইন্টারনেটের অপব্যবহারের ফলে ইবাদতে ঔদাসীন্য

এক জুম্বার খুতবায় তাশাহহুদ, তাআউয ও সূরা ফাতিহা পাঠের পর হ্যুর আনোয়ার (আই.) সূরা নূরের নিম্নোক্ত আয়াতটি তেলাওয়াত করেন এবং এর অনুবাদও উপস্থাপন করেন:-

يَا يَهُواَ الَّذِينَ أَمْنُوا لَا تَتَّبِعُوا حُطُوتَ الشَّيْطَنِ
وَمَنْ يَتَّبِعْ حُطُوتَ الشَّيْطَنِ
فَإِنَّهُ يُمْرِرُ بِالْفَحْشَاءِ وَالْمُنْكَرِ
وَلَوْلَا فَضْلُ اللَّهِ عَلَيْكُمْ وَرَحْمَةً مَازَكُ
مِنْكُمْ مِنْ أَحَدٍ أَبَدًا وَلِكُنَّ اللَّهُ يُزَّكِّي مَنْ يَشَاءُ
وَاللَّهُ سَمِيعٌ عَلَيْهِمْ
১)

অনুবাদ: ‘হে যারা ঈমান এনেছ, তোমরা শয়তানের পদাঙ্ক অনুসরণ করো না। আর যে-ই শয়তানের পদাঙ্ক অনুসরণ করবে তার জানা উচিত, নিশ্চয় শয়তান নির্লজ্জতা এবং অপছন্দনীয় বিষয়েরই নির্দেশ দেয়। তোমাদের প্রতি যদি খোদার করণা না থাকত তাহলে তোমাদের কেউ কখনো পবিত্র হতে পারত না। কিন্তু আল্লাহ্ যাকে চান পবিত্র করেন আর আল্লাহ্ সর্বশোতা (ও) সর্বজ্ঞনী।’ (সূরা আন-নূর: ২২)

এরপর এই আয়াতের বরাতে হ্যুর আনোয়ার (আই.) সেসব কাজ পরিহার করার উপদেশ দিয়েছেন, যেগুলো মানব জীবনের অভীষ্ট লক্ষ্য অর্জনের (অর্থাৎ তার স্রষ্টার ইবাদত করার) পথে অন্তরায়। হ্যুর আনোয়ার (আই.) বলেন:

“অতএব শয়তান থেকে নিরাপদ থাকার জন্য ঘরেই আমাদের এমন দুর্গ গড়ে তুলতে হবে যাতে তার হামলা থেকে শুধু নিরাপদই থাকবে না, বরং তার আক্রমণের দাঁতভাঙ্গা জবাবও দেয়া হবে। শয়তানের ভালোবাসাকে ভালোবাসা জ্ঞান করে তাকে নিজেদের জীবনে অনুপ্রবেশ করতে দেবেন না বরং প্রতিটি মুহূর্ত ইঙ্গেগফারে রত থেকে খোদার আশ্রয়ে আশ্রিত থাকার জন্য প্রত্যেক আহমদীর সচেষ্ট হওয়া উচিত। শয়তান থেকে নিরাপদ থাকার জন্য সবচেয়ে বড় আশ্রয়স্থল হলেন স্বয়ং আল্লাহ্ তা'লা। অতএব বিভাস্তির এই যুগে ইঙ্গেগফার করে আল্লাহ্ নিরাপত্তা বেষ্টনীতে আমাদের আসার চেষ্টা করা উচিত। কেননা ইঙ্গেগফারই হচ্ছে সেই মাধ্যম, যদ্বারা মানুষ খোদার পবিত্র আশ্রয়ের গাণ্ডিতে স্থান পেতে পারে।

কোন মানুষ জেনেশনে কোন পাপের প্রতি আকৃষ্ট হয় না। কোন্ কাজ করলে ক্ষতি হবে, তা জেনেও মানুষ সেই কাজ করার চেষ্টা করবে- এটি মানব প্রকৃতি পরিষ্পত্তি। একজন প্রকৃত মু'মিনকে আল্লাহ্ তা'লা এমনিতেই ভালো ও মন্দের পার্থক্য সুস্পষ্টভাবে বলে দিয়েছেন। অতএব আল্লাহ্ প্রদত্ত শিক্ষানুসারে পাপ-পুণ্য বিশ্লেষণ

করে মানুষের পাপ বর্জন এবং পুণ্যকর্ম সম্পাদনের চেষ্টা করা উচিত। শয়তানের একথা ভালোভাবে জানা আছে, যতক্ষণ মানুষ খোদার নিরাপত্তা বেষ্টনীতে রয়েছে, তাঁর নিরাপত্তা দুর্গে রয়েছে, ততক্ষণ সে তার কোন ক্ষতিই করতে পারবে না। তাই শয়তান মানুষকে এই আশ্রয়স্থল থেকে, এই নিরাপদ দুর্গ থেকে বের করে তার নিজের পেছনে পরিচালিত করে। এটা স্পষ্ট যে, শয়তান প্রথমে পুণ্যের লোভ দেখিয়েই আল্লাহ্ তা'লার আশ্রয় থেকে মানুষকে বের করে, অর্থাৎ পুণ্যের লোভ দেখিয়েই একজন মু'মিনকে আল্লাহর আশ্রয় থেকে বের করা সম্ভব।”

হ্যাঁর আনোয়ার (আই.) আরো বলেন,

“আজকাল বিভিন্ন পাপের মাঝে কতিপয় পাপ টেলিভিশন এবং ইন্টারনেট-সংশ্লিষ্ট। জরিপ চালিয়ে দেখুন! বেশির ভাগ পরিবারে ছোট-বড় অনেকেই ফজরের নামায পড়ে না; এর কারণ হলো, গভীর রাত পর্যন্ত তারা টেলিভিশন দেখে বা ইন্টারনেটে বসে থাকে আর নিজেদের পছন্দের অনুষ্ঠান দেখতে থাকে। সকালে তাদের ঘুম ভাঙে না, বরং এমন লোকদের সকালে নামায পড়ার প্রতি মনোযোগই থাকে না। এ দু'টি বিষয় এবং এ ধরণের বাজে কার্যকলাপ এমন যে, তা কেবল দু'একবারই আপনাদের নামায নষ্ট করে না বরং যাদের অভ্যাস হয়ে যায়, তাদের নিত্যদিনের কাজ হলো, গভীর রাত পর্যন্ত অনুষ্ঠান দেখতে থাকা বা ইন্টারনেটে বসে থাকা। সকালে নামাযের জন্য উঠা তাদের জন্য দুঃক্র বরং তারা উঠবেই না। সত্য কথা হলো, অনেকে এমনও আছে যারা নামাযকে কোন গুরুত্বই দেয় না।

নামায একটি মৌলিক তথা অবশ্য পালনীয় ইবাদত, যা আদায় করা সর্বাবস্থায় আবশ্যিক; এমনকি যুদ্ধ, কষ্ট ও ব্যাধিগত্ত অবস্থায়ও। মানুষ নামায বসে পড়ুক বা শায়িত অবস্থায় পড়ুক অথবা যুদ্ধ ও সফরে কসর করেই পড়ুক না কেন, সর্বাবস্থায় তা পড়া আবশ্যিক। স্বাভাবিকভাবে পুরুষদের জামাতের সাথে এবং মহিলাদেরও সময়মত নামায পড়ার নির্দেশ দেয়া হয়েছে, কিন্তু শয়তান কেবল জাগতিক একটি অনুষ্ঠানের লোভ দেখিয়েও মানুষকে নামাযের কথা ভুলিয়ে দেয়। এছাড়া ইন্টারনেটও এমন একটি বিষয় যাতে বিভিন্ন ধরনের অনুষ্ঠান রয়েছে, বিভিন্ন এপ্লিকেশন রয়েছে। মুঠোফোন, আইপ্যাড, ইত্যাদির মাধ্যমেও (শয়তান) মানুষকে এসব অনুষ্ঠানে জড়তে থাকে। এগুলোতে প্রথমে ভালো অনুষ্ঠান দেখা হয়, এরপর আকর্ষণ বাঢ়তে থাকে আর এরপর ধীরে ধীরে সকল প্রকার নোংরা এবং চরিত্র বিধ্বংসী অনুষ্ঠান দেখা হয়। অনেক পরিবারে অশাস্তির কারণ হলো, স্ত্রীর প্রাপ্য প্রদান করা হচ্ছে না, সন্তানের প্রাপ্য অধিকার প্রদান করা হচ্ছে না। এর মূল কারণ হলো, পুরুষ রাতের বেলা টেলিভিশন এবং ইন্টারনেটে আজে-বাজে

অনুষ্ঠান দেখায় মন্ত থাকে। এমন পরিবারের সন্তানসন্ততি ও একই রঙে রঙিন হয়ে ওঠে আর তারাও সেসব অনুষ্ঠানই দেখে। অতএব একটি আহমদী পরিবারকে এসব রোগব্যাধি হতে মুক্ত থাকার চেষ্টা করা উচিত।

শয়তানের আক্রমণ থেকে মু'মিনদের নিরাপদ রাখার ব্যাপারে মহানবী (সা.) কতইনা উদ্বেগ উৎকর্ষ রাখতেন! তিনি (সা.) কীভাবে তাঁর (সা.) সাহাবীদেরকে শয়তান থেকে নিরাপদ থাকার দোয়া শেখাতেন এবং কত পরিপূর্ণ দোয়া শেখাতেন— একজন সাহাবী তা এভাবে বর্ণনা করেছেন: মহানবী (সা.) আমাদেরকে এই দোয়া শিখিয়েছেন যে, ‘হে আল্লাহ! আমাদের হৃদয়ে ভালোবাসা সংশ্লেষণ কর, আমাদের সংশোধন কর, আমাদেরকে শান্তি এবং নিরাপত্তার পথে পরিচালিত কর, অমানিশা থেকে মুক্তি দিয়ে আমাদেরকে আলোর পানে পরিচালিত কর, আমাদেরকে প্রকাশ্য ও অপ্রকাশ্য অশ্লীলতা থেকে রক্ষা কর আর আমাদের কানে, চোখে, আমাদের স্ত্রী ও সন্তানদের মাঝে আমাদের জন্য কল্যাণ রেখে দাও আর আমাদের প্রতি কৃপাদৃষ্টি দাও, নিশ্চয় তুমি তওবা গ্রহণকারী এবং বারবার কৃপাকারী। আমাদেরকে তুমি তোমার অনুগ্রহের জন্য কৃতজ্ঞ ও সেগুলোর গুণগ্রাহী বানাও এবং তা গ্রহণকারী বান্দায় পরিণত কর আর হে আল্লাহ! আমাদের প্রতি তোমার নিয়ামতকে পূর্ণতা দান কর।’

(সুনান আবু দাউদ, কিতাবুস সালাত, বাব: আত্ তাশাহহুদ, হাদীস নম্বর ৯৬৯)

অতএব এই দোয়াটি হলো, জাগতিক সকল অন্যায় বিনোদন থেকে বিরত রাখার মাধ্যম।”

(খুতবা জুমুআ ২০ মে ২০১৬, গুটেনবার্গ, সুইডেন;
আল ফয়ল ইন্টারন্যাশনাল ১০ জুন ২০১৬)

জুমুআর খুতবা ছাড়াও বিভিন্ন উপলক্ষ্যে ভূয়ুর আনোয়ার (আই.) প্রযুক্তির অপ্রযোবহারকে ইবাদতের পথে প্রতিবন্ধক বলে আখ্যায়িত করেছেন। ওয়াকফে নওদের একটি ক্লাসে উপদেশ দিয়ে বলেন,

“হৃদয়ে আল্লাহ তাঁ'লার ভয় থাকলে (তাঁর জন্য) ভালোবাসাও থাকবে। আল্লাহ তাঁ'লা বলেন, ‘তোমরা যদি আমার পথে এক পা অগ্রসর হও তবে আমি দু'পা অগ্রসর হই আর যখন কেউ আমার দিকে হেঁটে আসে, আমি তার দিকে ছুটে যাই।’”

ভূয়ুর আনোয়ার (আই.) আরো বলেন,

“জাগতিক কামনা-বাসনা যদি বেড়ে যায়, টিভি নাটক ও ইন্টারনেটে লাগামহীন আসক্তির কারণে নামাযে যদি দেরি হয়ে যায় তাহলে খোদার ভালোবাসা সৃষ্টি হতে

পারে না। কিন্তু এই ভালোবাসা অর্জন করতে হলে নিজের চাওয়াপাওয়া বিসর্জন দিতে হয়।”

(ওয়াকফে নও ক্লাস, ০৮ অক্টোবর ২০১১, বায়তুর রশীদ মসজিদ, জামানি;
আল ফযল ইন্টারন্যাশনাল, ০৬ জানুয়ারি ২০১২)

“জাগতিক কামনা-বাসনা যদি বেড়ে যায়, তিভি নটক ও ইন্টারনেটে লাগামহীন আসক্তির কারণে নামাযে যদি দেরি হয়ে যায় তাহলে খোদার ভালোবাসা সৃষ্টি হতে পারে না। কিন্তু এই ভালোবাসা অর্জন করতে হলে নিজের চাওয়াপাওয়া বিসর্জন দিতে হয়।”

আহমদীদের বাহ্যিক আচার আচরণ উন্নত করার পাশাপাশি আল্লাহর অধিকার প্রদানের মান উন্নত করার প্রতিও মনোযোগ আকর্ষণ করে এক জুমুআর খুতবায় হ্যুর আনোয়ার (আই.) বলেন,

“কিছু মানুষ পাশ্চাত্যের এসব দেশে এসে বস্তবাদী পরিবেশে হারিয়ে গেছে আর মৌখিকভাবে ধর্মকে জাগতিকতার ওপর প্রাধান্য দেয়ার অঙ্গীকার করলেও কার্যত তাদের কর্ম এর পরিপন্থি। আমাদের আহমদীরা এখানকার লোকদের সাথে মেলামেশা এবং অন্যদের সাথে উন্নত চরিত্র প্রদর্শনের ক্ষেত্রে অনেক ভালো, কিন্তু ইবাদত ও আল্লাহর প্রাপ্য অধিকার প্রদানের ক্ষেত্রে একজন আহমদীর যে উন্নত মান থাকা উচিত সেই মান পরিলক্ষিত হয় না.....”

এরপর হ্যরত মসীহ মওউদ (আ.)-এর দিক-নির্দেশনার আলোকে হ্যুর আনোয়ার (আই.) কিছু চারিত্রিক দুর্বলতা চিহ্নিত করেন এবং সেগুলো দূরীভূত করার বিষয়ে উপদেশ প্রদান করেন। এর পাশাপাশি বর্তমান যুগের ক্ষতিপয় আবিষ্কারের ক্ষতিকর ব্যবহার সম্পর্কে সতর্ক করে শিরকে কল্যাণিত বৈঠকাদি পরিহার ও ধর্মকে পার্থিবতার ওপর প্রাধান্য দেয়ার উপদেশ প্রদান করেন। হ্যুর আনোয়ার (আই.) বলেন,

“হ্যরত মসীহ মওউদ (আ.) বারবার নিজের জামা’তকে এ বিষয়ে উপদেশ প্রদান করেছেন যে, ‘তাদের কেমন হওয়া উচিত এবং সীমান্তের অবস্থা কীরুপ হওয়া উচিত’- এই বিষয়েও আমি তাঁর (আ.) একটি উদ্ধৃতি উপস্থাপন করছি যেন আমাদের মধ্য থেকে প্রত্যেকেই বয়আত করার পর যে দায়িত্ব বর্তায় তা পালন করতে পারে। নিজ জামা’তকে তিনি (আ.) অত্যন্ত গুরুত্বপূর্ণ এক উপদেশ প্রদান করতে গিয়ে বলেন,

বর্তমানে যুগ চরম অবক্ষয়ের দিকে ধাবমান, হরেক রকম শিরক, বিদআত এবং বিভিন্ন প্রকার বিপন্নি দেখা দিয়েছে। বয়আতের সময় ‘ধর্মকে পার্থিবতার ওপর প্রাধান্য দিব’- মর্মে যে অঙ্গীকার করা হয় এই অঙ্গীকার খোদার সামনে করা হয়।”

প্রণিধানযোগ্য বিষয় হলো, এই অঙ্গীকার খোদার সামনে করা হয় তাই আমৃত্যু এর ওপর যথাযথভাবে প্রতিষ্ঠিত থাকার চেষ্টা করা উচিত নতুবা নিশ্চিত জেনো, বয়আত কর নি। কিন্তু যদি (এই অঙ্গীকারে) প্রতিষ্ঠিত থাক তাহলে আল্লাহ্ ইহলৌকিক এবং পারলৌকিক আশিসে ধন্য করবেন।

তিনি (আ.) বলেন, “তোমরা আল্লাহ্ ইচ্ছানুযায়ী পূর্ণ তাকওয়া অবলম্বন কর। যুগের অবস্থা খুবই ভঙ্গুর। খোদার ক্রোধ প্রকাশমান, খোদার ইচ্ছা অনুসারে যে নিজের ভেতর পরিবর্তন আনবে সে নিজের প্রাণ, পরিবার-পরিজন এবং সন্তানসন্তির ওপর করঞ্চ করবে।” বর্তমানে পৃথিবীর অবস্থায় যে অবনতি ঘটছে সে দিকে দৃষ্টিপাত করে খোদা তা’লার প্রতি অনেক বেশি বিনত হওয়া উচিত।

..... তিনি (আ.) বলেন, “অপরাধ দু’ধরণের। একটি হলো, আল্লাহ্ সাথে কাউকে শরীক করা, তাঁর মাহাত্ম্য অনুধাবন না করা এবং তাঁর ইবাদত ও আনুগত্যে ওদ্দাসীন্য প্রদর্শন করা। দ্বিতীয়টি হলো তাঁর বান্দাদের প্রতি সহানুভূতি প্রদর্শন না করা এবং তাদের অধিকার প্রদান না করা। কাজেই উভয় প্রকার পাপ পরিহার কর আর আল্লাহ্ আনুগত্যে অবিচল থাক। বয়আতের সময় তোমরা যে অঙ্গীকার করেছ, এর ওপর প্রতিষ্ঠিত থাক। আল্লাহ্ বান্দাদের কষ্ট দিবে না, গভীর অভিনিবেশের সাথে কুরআন পাঠ কর এবং তদনুযায়ী আমল কর। সকল প্রকার হাসিঠাট্টা ও বৃথা কার্যকলাপ এবং পৌত্রলিঙ্কতাপূর্ণ বৈঠক পরিহার কর আর পাঁচবেলার নামায কায়েম কর। মোটকথা, ঐশ্বী কোন নির্দেশ যেন তোমাদের দ্বারা লজ্জিত না হয়। দেহকেও পবিত্র রাখ এবং মনকেও সকল প্রকার অন্যায় হিংসা-বিদ্রে থেকে মুক্ত রাখ- এ বিষয়গুলোই খোদা তোমাদের কাছে আশা করেন।” (মলফূয়াত, ৫ম খণ্ড, পৃ. ৭৫-৭৬, ইংল্যাণ্ড সংক্রণ ১৯৮৫)

হযরত আকদাস মসীহ মওউদ (আ.)-এর উপরোক্ত বাণী পড়ে শুনানোর পর হ্যুম্র আন্দোলার (আই.) বলেন,

“এখন প্রত্যেকের আত্মবিশ্লেষণ করা দরকার যে, বৃথা কার্যকলাপ এবং শিরকে কল্যাণিত বৈঠক থেকে নিজেকে সে কতটা দূরে রেখেছে। এমন অনেকেই আছে যারা বলবে, ‘আমরা এক খোদায় বিশ্বাস রাখি, শিরকে কল্যাণিত বৈঠকে আমরা বসি না’। কিন্তু স্মরণ রাখবেন! ইন্টারনেট, টিভি বা যেকোন বৈঠকই হোক না কেন, যা নামায ও ইবাদতের ব্যাপারে উদ্দাসীন করে দেয়- তা শিরকে কল্যাণিত বৈঠকই বটে।”

[খুতবা জুমুআ, ২১ এপ্রিল ২০১৭, ফ্রান্কফোর্ট, জার্মানি;
আল ফযল ইন্টারন্যাশনাল, ১২ মে ২০১৭]

সোশাল মিডিয়ার অপব্যবহারের পরিণতিতে ইবাদতের মান এবং দোয়ার গ্রহণীয়তা কতটা প্রভাবিত হয়, এবিষয়টি ভ্যুর আনোয়ার (আই.) হ্যারত আকদাস মসীহ মওউদ (আ.)-এর একটি উদ্ধৃতির আলোকে তাঁর এক জুমুআর খুতবায় স্পষ্ট করেছেন।

“তিনি (আ.) এক স্থানে বলেন,

‘সম্পূর্ণভাবে খোদামুখী হয়ে যদি দোয়া করা হয় তাহলে দোয়ায় এক অলৌকিক কার্যকারিতা পরিলক্ষিত হয়। কিন্তু এটি স্মরণ রাখতে হবে যে, দোয়া গৃহীত হওয়ার বিষয়টি আল্লাহ ত'লার হাতে। দোয়ার জন্যও একটি বিশেষ সময় বা মুহূর্ত নির্ধারিত থাকে যেমনটি কিনা প্রভাতকালেও এমন একটি বিশেষ সময়ে এসে থাকে। এই সময়ের যে বিশেষত্ব আছে তা অন্য সময়ের মাঝে নেই। মোটকথা, দোয়ার জন্য কিছু বিশেষ মুহূর্ত নির্ধারিত আছে যখন দোয়া গৃহীত হয় বা সে সময়কার দোয়া কার্যকরী হয়ে থাকে।’

(মলফুয়াত, ৪৬ খণ্ড, পৃ. ৩০৯, রাবওয়া সংক্রণ ২০০৩)

প্রভাতে নবোদ্যমে মানুষ যে কাজই করে এর ফলাফল উৎকৃষ্ট হয়ে থাকে। অবশ্য এ যুগে যারা সারা রাত অথবা গভীর রাত পর্যন্ত হয় ইন্টারনেটে বসে থাকে অথবা টিভির সামনে বসে থাকে কিংবা জাগতিক অন্য কোন কাজে লিপ্ত থাকে তাদের কথা ভিন্ন। তাদের রাতের ঘুম পূর্ণ হয় না। সকালে উঠলেও আধ-ভাঙা ঘুম নিয়ে উঠে— এমতাবস্থায় নামায কী হবে? আর তাদের অন্যান্য কাজ কীইবা কল্যাণ বয়ে আনবে? প্রত্যেক ব্যক্তি, সে বস্তবাদী হলেও সর্বোত্তম কর্মফল লাভের জন্য নবোদ্যমে কাজ করার চেষ্টা করে যেন পূর্ণ মনোযোগের সাথে কাজ করতে পারে আর যেন সেই কাজের সর্বোত্তম ফলাফল প্রকাশ পায়। তাই তিনি (আ.) বলেছেন, ‘দোয়া গৃহীত হওয়ার জন্য তোমাদেরকে সর্বোত্তম কাল-ক্ষণ সন্ধান করা উচিত, সেই বিশেষ অবস্থা সৃষ্টির চেষ্টা করা উচিত যার কল্যাণে দোয়া গৃহীত হয়?’

(খুতবা জুমুআ, ১৫ মার্চ ২০১৩, বায়তুল ফতুহ, লঙ্ঘন;
আল ফযল ইন্টারন্যাশনাল, ০৫ এপ্রিল ২০১৩)

ফজর নামাযের গুরুত্ব ও নামায সময়মত পড়ার ক্ষেত্রে কিছু অন্তরায় বা প্রতিবন্ধকর্তার কথা বলতে গিয়ে ভ্যুর আনোয়ার (আই.) তার এক জুমুআর খুতবায় ইবাদত ও জাগতিক কর্মকাণ্ডের মধ্যে ভারসাম্য বজায় রাখার জন্য এভাবে উপদেশ প্রদান করেন:

পিতামাতা যদি সন্তানদেরকে ফজরের নামাযের জন্য জাগিয়ে দেন তবে একদিকে যেখানে তারা নামাযের গুরুত্ব উপলব্ধি করবে সেখানে তারা অনেক বাজে কাজ থেকেও রক্ষা পাবে। বিশেষ করে সশ্তাহাত্তে অনেকেরই রাত জেগে চিভি দেখার

অথবা ইন্টারনেটে বসে থাকার অভ্যাস থেকে থাকে। সুতরাং নামায়ের জন্য সময়মত জগত হলে সময়মত যুমানোর অভ্যাস গড়ে উঠবে আর অথবা সময় নষ্ট হবে না। বিশেষকরে যারা যৌবনে পদার্পণ করছে, সকালে ওঠার কারণে ভারসাম্য বজায় রেখে জাগতিক কাজকর্ম করার প্রতি তাদের দৃষ্টি নিবন্ধ হবে; তবে কিছু অপারগতাও থাকে। দেখার মত ভালো অনুষ্ঠানাদিও থাকে, তথ্যসমৃদ্ধ পোগ্রামও থাকে— এসব অনুষ্ঠান দেখতে আমি বারণ করি না। মূলকথা হলো, প্রতিটি বিষয়ে ভারসাম্য রক্ষা করা প্রয়োজন কিন্তু নামাযকে জলাঞ্জলি দিয়ে এসব জাগতিক বিষয়াদি অর্জন করা নিতান্তই নির্বান্ধিতার শামিল।

এরপর পশ্চিমা দেশগুলোতে বসবাসকারীদের নামায আদায় করা ও যুগ-খলীফার কথা মনোযোগ সহকারে শোনার এবং সেগুলো পালন করার ব্যাপারে মূল্যবান উপদেশ প্রদান করে হ্যার আনোয়ার (আই.) বলেন,

“তাই আমি পুনরায় বলছি, আমাদের প্রত্যেকের আত্মবিশ্লেষণ করা প্রয়োজন। এসব দেশে বসবাসকারী লোকেরা জাগতিক ব্যস্ততার কারণে নামাযের দিকে মনোযোগ দেয় না। বর্তমানে ততীয় বিশ্বের দেশগুলোতে শহরে বসবাসকারী লোকদের অবস্থাও তদুপর্য, তা সত্ত্বেও কিছু লোক এমনও আছেন যারা মসজিদে গিয়ে থাকেন। ইসলামের এ গুরুত্বপূর্ণ ধর্মীয় দায়িত্বের প্রতি আমি বারবার মনোযোগ আকর্ষণ করি আর আমার পূর্বের খলীফাগণও এ বিষয়ের প্রতি অসাধারণ গুরুত্বারূপ করে মনোযোগ আকর্ষণ করেছেন। এ যুগে খোদা তা’লা আমাদেরকে MTA-রূপী নিয়ামতে ধন্য করেছেন। পূর্বে খলীফাদের বাণী পৃথিবীর প্রান্তগুলোতে তাৎক্ষণিকভাবে পৌঁছতো না, কিন্তু এখন তাঁর (খলীফার) আহ্বান, আল্লাহ তা’লা এবং তাঁর রসূলের বাণী সর্বত্র তাৎক্ষণিকভাবে পৌঁছে যাচ্ছে। আমাদের মাঝে কিছু লোক যদি এ বজ্রব্যগুলো না শুনে অথবা শুনলেও অনীহার সাথে শুনে অধিকন্তু এক কানে শুনে অন্য কান দিয়ে বের করে দেয় তাহলে ‘ধর্মকে জাগতিকতার ওপর প্রাধান্য দিব এবং (যুগ-ইমাম) যে ন্যায়সঙ্গত সিদ্ধান্তই প্রদান করবেন তা মেনে চলব, তার পূর্ণ আনুগত্য করব’ মর্মে বয়আতের যে অঙ্গীকার তারা করে তা রক্ষা করা হলো না। এক কানে শুনলাম আর অন্য কান দিয়ে বের করে দিলাম; এটি আনুগত্যের গতি থেকে বেরিয়ে যাওয়ারই নামান্তর। এটি এমন এক কর্ম যা পূর্ণ আনুগত্য থেকে বিচ্ছিন্ন করে দূরে নিয়ে যায়।”

(খুতবা জুমুআ, ২২ জুন ২০১২, বায়তুর রহমান মসজিদ, ওয়াশিংটন, আমেরিকা;
আল ফযল ইন্টারন্যাশনাল, ১৩ জুলাই ২০১২)

যুক্তরাজ্য খোদামুল আহমদীয়ার বার্ষিক ইজতেমায় ভাষণ দিতে গিয়ে হ্যার আনোয়ার (আই.) আহমদী যুবকদের বিশেষভাবে এই উপদেশই প্রদান করেন যে, ‘তাদের উচিত নামাযকে নিজেদের প্রকৃত লক্ষ্য হিসেবে নির্ধারণ করা’। তিনি বলেন,

“খোদামুল আহমদীয়ার সদস্যরা জীবনের এমন অংশে রয়েছে যখন তারা দৈহিকভাবে সবচেয়ে বেশি দৃঢ় থাকে এবং জীবনের যেকোন ক্ষেত্রে উন্নতি করার ও অগ্রসর হওয়ার শক্তিসামর্থ্য রাখে। তাই আল্লাহ্ তা'লার নির্ধারিত ফরয বা আবশ্যকীয় ইবাদতগুলো তাদের জন্য পালন করা কঠিন হওয়া উচিত নয়। সুতরাং খোদাম ও আতফালের উচিত নিয়মিত নামায পড়া এবং যতদূর সম্ভব জামা'তবন্দিভাবে বা বাজামা'ত নামায আদায় করা। আপনাদের প্রত্যেকের উচিত নামায প্রতিষ্ঠা করাকে নিজেদের জীবনের মূল উদ্দেশ্য বানিয়ে নেয়া। কেননা জান্নাতের দ্বারসমূহ খাঁটি ইবাদতের মাধ্যমেই উন্মুক্ত করা হয়।”

(খোদামুল আহমদীয়া যুক্তরাজ্যের বার্ষিক ইজতেমায় যুবকদের উদ্দেশ্যে ভাষণ,
২৬ সেপ্টেম্বর ২০১৬; সাংগঠিক বদর কাদিয়ান, ৭ সেপ্টেম্বর ২০১৭)

মানব সৃষ্টির উদ্দেশ্য

وَمَا خَلَقْتُ الْجِنَّةَ وَالْإِنْسَانَ إِلَّا لِيَعْبُدُونِ^{۱۰۰}

অনুবাদ: আর আমি জিন্ন ও মানুষকে কেবল আমার ইবাদতের জন্য সৃষ্টি করেছি।

(সূরা আয় যারিয়াত: ৫৭)

মু'মিন বৃথা কার্যকলাপ থেকে বিরত থাকে

- লজ্জাবোধ বা শালীনতার মান উন্নত করার আবশ্যিকতা
- সৌন্দর্যের নামে নির্লজ্জতা বা অশালীনতা
- আন্তর্জাতিক পরিমণ্ডলে সামাজিক অবক্ষয়ের বিস্তার

লজ্জাবোধ বা শালীনতার মান উন্নত করার আবশ্যিকতা

আধুনিক আবিক্ষারাদি ও যোগাযোগমাধ্যমের অসতর্ক ব্যবহারের ফলে পৃথিবীর প্রত্যেক সমাজে নৈতিক অবক্ষয় বা চারিত্রিক ব্যাধি আশ্চর্যজনকভাবে বৃদ্ধি পেতে দেখা যাচ্ছে। সমাজের ক্রমবর্ধমান এই অবক্ষয় থেকে জামা'তের সদস্যদের, বিশেষ করে আহমদী যুবকদের বাঁচার প্রতি গুরুত্বারোপ করে হ্যুম্যুনিটির (আই.) বারবার উপদেশ দিয়েছেন। এ প্রসঙ্গে হ্যুম্যুনিটি (আই.) এক জুমুআর খুতবায় বলেন,

“....গুরুত্বে আমি বলেছিলাম, পৃথিবীর আধুনিক আবিক্ষারাদি যেমন টিভি, ইন্টারনেট ইত্যাদি লজ্জাবোধ বা শালীনতার সংজ্ঞাই যেন পাল্টে দিয়েছে। প্রকাশ্য নির্লজ্জতা সত্ত্বেও বলা হয়, ‘এটা নির্লজ্জতা নয়’। তাই কোন একজন আহমদীর লাজ্জাবোধের মানদণ্ড তা হওয়া উচিত নয় যা টিভি বা ইন্টারনেটে মানুষ দেখে। এটি শালীনতা নয়, বরং এটি প্রবৃত্তির কামনা-বাসনার দাসত্ত। বাহ্যিক করক ভদ্র আহমদী পরিবারেও পর্দাহীনতা শালীনতার মানদণ্ড বদলে দিয়েছে। যুগের উন্নতির নামে এমন কিছু কথা বলা হয়, এমন আচার-আচরণ প্রদর্শন করা হয় যা কোন ভদ্র মানুষের পক্ষে দেখা সম্ভব নয়, তা সে স্বামী-স্ত্রীই হোক না কেন। এমন কিছু কাজ রয়েছে যা অন্যদের সামনে করাটা কেবল অবৈধই নয়, বরং তা পাপে পর্যবসিত হয়। আহমদী পরিবারগুলো যদি নিজেদের ঘরকে সেসব অশ্লীলতা থেকে পৰিত্ব না রাখে, তবে তারা সেই অঙ্গীকারেরও কোন তোয়াক্তা করল না, যে অঙ্গীকার তারা এ যুগে যুগ-ইমামের হাতে নবায়ন করেছে; পক্ষান্তরে তারা নিজেদের ঈমানকেও ধ্বংস করল।

মহানবী (সা.) খুব স্পষ্টভাবে বলেছেন,

الْحَيَاءُ شُعْبَةُ مِنَ الْإِيمَانِ

অর্থাৎ ‘শালীনতাবোধ বা লজ্জাশীলতা ঈমানের অন্যতম অঙ্গ’।

(সহীহ মুসলিম, কিতাবুল ঈমান, হাদীস নম্বর ৫৯)

অতএব প্রত্যেক আহমদী যুবকের এটি বিশেষভাবে দৃষ্টিপটে রাখা উচিত যে, প্রচারমাধ্যমে বর্তমান যুগের নোংরামি দেখে এর ফাঁদে পা দেবেন না, নতুবা ঈমান হারিয়ে বসবেন। এসব নির্লজ্জতার কারণেই কেউ কেউ এগুলোতে জড়িয়ে পড়ে এবং তারা সব সীমা ছাড়িয়ে যায় আর একারণেই কর্তককে আবার জামা'তের নেতৃত্ব থেকে বহিক্ষারমূলক শাস্তি ও দিতে হয়। সর্বদা এটি মাথায় থাকা উচিত যে, আমার প্রতিটি কাজ আল্লাহ' তাঁ'র সন্তুষ্টির উদ্দেশ্যে (নিবেদিত হওয়া উচিত)।

একটি হাদীসে বর্ণিত হয়েছে মহানবী (সা.) বলেছেন, নির্জন কাজে লিঙ্গ প্রত্যেক ব্যক্তিকে নির্জনতা কৃৎসিত বানিয়ে দেয় আর লজ্জাবোধ ও শাশীলতা প্রত্যেক লজ্জাশীল ব্যক্তিকে সৌন্দর্যমণ্ডিত করে, চরিত্বাবান করে।”

(সুনান তিরমিয়ী, কিতাবুল বিরারে ওয়াস্স সিলাহ, হাদীস নম্বর: ১৯৭৪)

(খুতবা জুমুআ, ১৫ জানুয়ারি ২০১০, বায়ুল ফতুহ, লক্ষ্মণ;
আল ফযল ইন্টারন্যাশনাল, ০৫ ফেব্রুয়ারি ২০১০)

সৌন্দর্যের নামে নির্জনতা বা অশাশীলতা

বহুবার, বিভিন্ন উপলক্ষ্যে সমাজে ক্রমবর্ধমান নির্জন আচার-আচরণকে হ্যুমান আনোয়ার (আই.) অত্যন্ত ভয়াবহ আখ্যায়িত করেছেন আর একই সাথে এথেকে নিজেকে নিরাপদ রাখার জন্য ‘গায়ে বাসার’ অর্থাৎ দৃষ্টি সংযত রেখে লজ্জাবোধের চেতনায় দৃষ্টি অবনত রাখা-সংক্রান্ত ইসলামী শিক্ষাও বিভিন্ন স্থানে বিশদভাবে বর্ণনা করেছেন। নিজের এক বক্তৃতায় তিনি (আই.) আহমদী নারীদের উদ্দেশ্যে বলেন—“যেমনটি আমি বলেছি, পোশাক-পরিচ্ছদ অশাশীল হয়ে চলেছে। এছাড়া বড় বড় বিজ্ঞাপনী বোর্ডের মাধ্যমে, টিভি ও ইন্টারনেটে প্রচারিত বিজ্ঞাপনের মাধ্যমে এমনকি সংবাদপত্রের মাধ্যমেও অশাশীল বিজ্ঞাপন প্রচারিত হচ্ছে। কোন শালীন ব্যক্তির চোখ যদি এগুলোর ওপর পড়ে, লজ্জায় তার মাথা হেঁট হয়ে যায় আর হওয়া উচিত। সবকিছুই করা হয় আধুনিক সামাজিকতা ও মুক্ত চিন্তার নামে। যাহোক, যেমনটি আমি বলেছি, এই সৌন্দর্য এখন অশাশীলতায় রূপ নিয়েছে, অর্থাৎ সৌন্দর্যের নামে নির্জনতার প্রসার ঘটছে।”

(জার্মানির সালানা জলসায় মহিলাদের উদ্দেশ্যে ভাষণ, ২৯ জুন ২০১৩;

আল ফযল ইন্টারন্যাশনাল, ১৮ অক্টোবর ২০১৩)

আন্তর্জাতিক পরিমণ্ডলে সামাজিক অবক্ষয়ের বিস্তার

বর্তমান যুগে যোগাযোগমাধ্যমের অসাধারণ বিস্তৃতির ফলে চারিত্বিক রোগব্যাধির পরিধি দ্রুত বিস্তৃত হয়ে চলেছে। গুরুত্বপূর্ণ এই বিষয়টির প্রতি জামা'তের সদস্যদের মনোযোগ আকর্ষণ করে হ্যুমান আনোয়ার (আই.) তার এক জুমুআর খুতবায় বলেন:

“বর্তমানে বাস্তবে যে আশংকা বিরাজমান তা হলো পাপের লাগামহীন বিস্তার এবং এর পাশাপাশি ব্যক্তি ও বাক-স্বাধীনতার নামে কিছু নোংরামিকে আইনী বৈধতা প্রদান। ইতোপূর্বে নোংরামি ছিল সীমিত পরিসরে, অর্থাৎ পাড়ার নোংরামি পাড়ায়

বা শহরের নোংরামি শহরে কিংবা দেশের নোংরামি দেশের মাঝেই সীমাবদ্ধ থাকত; অথবা খুব বেশি হলে নিকট প্রতিবেশী তার দ্বারা প্রভাবিত হতো। কিন্তু এখন ভ্রমণের সহজসাধ্যতা, টিভি-ইন্টারনেট ও বিভিন্ন যোগাযোগাধ্যম, প্রত্যেক ব্যক্তিগত ও স্থানীয় পাপকে বা নোংরামিকে আন্তর্জাতিক রূপ দিয়েছে। ইন্টারনেটের মাধ্যমে হাজার হাজার মাইল দূরে যোগাযোগ করে অশ্লীলতা ও নোংরামি ছড়ানো হয়।”

(খুতবা জুমুআ, ০৬ ডিসেম্বর ২০১৩, বায়তুল ফতুহ, লঙ্ঘন;
আল ফযল ইন্টারন্যাশনাল, ২৭ ডিসেম্বর ২০১৩)

মহানবী (সা.)-এর অমৃত বাণী:

آلْحَيَاءُ شُعْبَةُ مِنَ الْإِيمَانِ

অর্থাৎ- শালীনতাও ঈমানের একটি অঙ্গ।

(সহীহ মুসলিম, কিতাবুল ঈমান, হাদীস নম্বর ৫৯)

সন্তানসন্ততির শিক্ষাদীক্ষায় পিতামাতার ভূমিকা

- ভবিষ্যৎ প্রজন্মকে মিডিয়ার মন্দ প্রভাব থেকে রক্ষা করুন
- শৈশব থেকেই সন্তানদের শিক্ষাদীক্ষার প্রতি দৃষ্টি দিন
- অল্লবয়স্ক শিশুর মোবাইল ফোনের অপ্রয়োজনীয় ব্যবহার
- অনৈতিক টিভি প্রোগ্রাম ব্লক করে দিন

ভবিষ্যৎ প্রজন্মকে মিডিয়ার মন্দপ্রভাব থেকে রক্ষা করুন

২০১০ সালের ২৩ এপ্রিল সুইজারল্যান্ডে জামা'তের সদস্যদের উদ্দেশ্যে, বিশেষ করে তরুণ প্রজন্মের সুশিক্ষার বরাতে হ্যাঁর আনোয়ার (আই.) একটি অত্যন্ত গুরুত্বপূর্ণ জুমুআর খুতবা প্রদান করেন, যাতে বিভিন্ন সমাজে মাথাচাড়া দেয়া চারিত্রিক দুর্বলতা, বিশেষ করে পশ্চিমা সমাজে নতুন নতুন প্রযুক্তি উদ্ভাবনের ফলে সৃষ্টি বিভিন্ন চারিত্রিক ব্যাধি সম্পর্কে তিনি সবিস্তারে আলোকপাত করেছেন এবং সেগুলো প্রতিরোধকল্পে পিতামাতার পাশাপাশি জামা'তী ব্যবস্থাপনা ও অঙ্গ সংগঠনগুলোর দায়দায়িত্বের প্রতি দৃষ্টি আকর্ষণ করেন। হ্যাঁর (আই.) বলেন:

“... অনেক সময় সন্তানরাও খোদা তাঁলার নির্দেশের বিপরীতে দাঁড়িয়ে যায়। এটিও এক প্রকারের শির্ক। খোদা তাঁলার স্পষ্ট নির্দেশ অমান্য করে সন্তানদের কথা মানা এক প্রকার প্রচলন শির্ক। বরং কোন কোন ক্ষেত্রে এ বিষয়গুলোই আল্লাহ তাঁলাকে স্মরণ করা ভুলিয়ে দেয়। এমন অনেকেই আছে যারা সন্তানদের কারণে জামা'ত থেকে দূরে সরে আছে। সন্তান'কে অথবা আহাদ করা এবং লাগামহীন ছেড়ে দেয়া একদিকে যেখানে সন্তানকে ধর্ম থেকে দূরে ঠেলে দিয়েছে অপরদিকে স্বয়ং পিতামাতাও ধর্ম থেকে দূরে সরে গেছে। আল্লাহ তাঁলা পবিত্র কুরআনে এক স্থানে বলেন:

يَا يَهُوا إِلَّا مُؤْمِنُو الْأَوَّلِ كُمْ وَلَا أَوْلَادُكُمْ عَرْبٌ ذَكْرُ اللَّهِ

অর্থাৎ হে যারা ঈমান এনেছো! তোমাদের সম্পদ এবং তোমাদের সন্তানসন্ততি যেন তোমাদেরকে আল্লাহ তাঁলার স্মরণে উদাসীন না করে...।” (সূরা আল মুনাফিকুন: ১০)

“অতঃপর হয়রত মসীহ মওউদ (আ.) একজন আহমদীর কাছে এই প্রত্যাশা রেখেছেন যে, সে সকল প্রকার মিথ্যা, ব্যভিচার, কু-দৃষ্টি, ঝগড়াবিবাদ, যুলুম-নির্যাতন, বিশ্বাসঘাতকতা, নৈরাজ্য, বিদ্রোহ ইত্যাদি থেকে সর্বাবস্থায় বিরত থাকবে। সদা আত্মবিশ্লেষণ করতে হবে যে, আমি কি এসব অপকর্ম থেকে বিরত থাকছি? কেউ কেউ এ বিষয়গুলোকে ক্ষুদ্র ও তুচ্ছ জ্ঞান করে। ব্যবসা বাণিজ্যে ও নিজেদের দৈনন্দিন কার্যকলাপে মিথ্যার আশ্রয় নেয়। তাদের কাছে মিথ্যা বলা অতি সামান্য একটি ব্যপার; অথচ আল্লাহ তাঁলা এটিকেও শিরকের সমতুল্য আখ্যা দিয়েছেন। ব্যভিচার ও কু-দৃষ্টির ন্যায় অপকর্মগুলো মিডিয়ার বদৌলতে সর্বত্র ছড়িয়ে পড়ছে। বাড়িয়ের টেলিভিশন এবং ইন্টারনেটের মাধ্যমে এমনসব বাজে এবং নোংরা সিনেমা ও অনুষ্ঠান দেখানো হয় যেগুলো মানুষকে কু-কর্মে প্ররোচিত করে। অনেক আহমদী পরিবারে বিশেষ করে যুবক-যুবতীরা এসব অপকর্মে জড়িয়ে পড়ে। প্রথমে আলোকিত চিত্তাধারা বা আধুনিকতার নামে এই ছবিগুলো

দেখা হয়। এরপর কিছু দুর্ভাগ্য পরিবার কার্যতই এসব অপকর্মে জড়িয়ে পড়ে। অতএব এই ব্যভিচার হল মন্তিক্ষের ব্যভিচার। অপরদিকে চোখের ব্যভিচারও রয়েছে আর এই ব্যভিচারই আরো অগ্রসর হয়ে প্রকৃত কু-কর্মে লিঙ্গ করে। পিতামাতা প্রথম দিকে সাবধানতা অবলম্বন করেন না। বিষয় যখন হাতছাড়া হয়ে যায় তখন হা-হৃতাশ আর কাল্পাকাটি করে বলতে থাকেন, আমাদের সন্তানসন্তি নষ্ট হয়ে গেছে! আমাদের সন্তানরা ধ্বংস হয়ে গেছে! প্রারঙ্গেই দৃষ্টি রাখুন। বাজে প্রোগ্রাম চলাকালীন সময়ে ছেলেমেয়েকে তিভির সামনে বসতে দিবেন না আর তাদের ইন্টারনেট ব্যবহারের প্রতি লক্ষ্য রাখুন।

অনেক এমন পিতামাতা আছেন যারা খুব একটা শিক্ষিত নন। তাদেরকে এসব বিষয়ে অবগত করার দায়িত্ব জামা'তী ব্যবস্থাপনার। অন্যান্য সংগঠন যেমন মজলিস আনসারজ্লাহ, লাজনা ইমাইল্লাহ এবং খোদামুল আহমদীয়াও রয়েছে। নিজ নিজ ব্যবস্থাপনার অধীনে তাদের দায়িত্ব হলো সেসকল মন্দ বিষয়াবলী থেকে মুক্ত রাখার নিমিত্তে প্রোগ্রাম তৈরি করা। যুবক-যুবতী ছেলেমেয়েকে জামা'তী ব্যবস্থাপনার সাথে ও অঙ্গসংগঠনের সাথে এমনভাবে সম্পৃক্ত করুন যেন ধর্ম সর্বদা তাদের কাছে অগ্রণ্য থাকে। এ বিষয়ে পিতামাতাদের জামা'তী ব্যবস্থাপনার সাথে বা অঙ্গসংগঠনসমূহের সাথে পূর্ণ সহযোগিতা করা উচিত। পিতামাতা যদি কোন ধরনের দুর্বলতা দেখান তবে তারা নিজেরাই সন্তানদের ধ্বংসের মুখে ঠেলে দেয়ার জন্য দায়ী হবেন। বিশেষ করে পরিবারের যিনি তত্ত্বাবধায়ক অর্থাৎ পুরুষের সবচেয়ে বড় দায়িত্ব ও কর্তব্য হলো, সন্তানদের সে আগুনে পতিত হওয়া থেকে রক্ষা করা, যে আগুন থেকে আল্লাহ তাঁ'লা আপনাদের ও আপনাদের গুরুজনদের রক্ষা করেছেন এবং নিজ অনুগ্রহে যুগের ইমামকে গ্রহণ করার সৌভাগ্য দিয়েছেন। আজ সমগ্র বিশ্ব বিশেষ করে অন্যান্য মুসলমান এক পথপ্রদর্শক নেতার সন্ধানে চরম অস্ত্রিতায় হাবুড়ুরু খাচ্ছে। কিন্তু আল্লাহ তাঁ'লা আপনাদের প্রতি অনুগ্রহ করেছেন, যার ফলে আপনারা যুগ-ইমামের হাতে বয়আত করে পথের দিশা পেয়েছেন। খিলাফতের সাথে সম্পৃক্ততার সুবাদে পুণ্যের ওপর প্রতিষ্ঠিত থাকার প্রতি অব্যাহতভাবে মনোযোগ আকর্ষণ করা হয়ে থাকে। অতএব আল্লাহ তাঁ'লার এসব অনুগ্রহের দাবি হলো, মনোযোগ আকর্ষণের পর প্রত্যেক পাপ বর্জন করার অঙ্গীকার করে, ‘লাবায়েক’ বলে এগিয়ে চলুন। পুণ্যের পথে নিজেও পদচারণা করুন এবং সন্তানদেরকেও এই পথে চলার উপদেশ দিতে থাকুন অর্থাৎ এই প্রচেষ্টা অব্যাহত রাখুন। খোদা তাঁ'লার নির্দেশ

يَا أَيُّهَا الَّذِينَ آمَنُوا قُوْمًا أَنفَسَكُمْ وَأَهْلِيْكُمْ نَارًا

অর্থাৎ হে মু'মিনগণ! তোমরা নিজেদের এবং তোমাদের সন্তানদেরকে আগুন থেকে
রক্ষা কর।’ – মর্মে আয়াতটি সর্বদা নিজেদের দৃষ্টিপটে রাখুন। (সূরা আত্‌ তাহরীম: ৭)

বর্তমানে জাগতিক চাকচিক্য, ক্রীড়াকৌতুক এবং বিভিন্ন ধরণের অপকর্ম,
যেগুলোকে পশ্চিমা বিশ্বে মন্দকর্ম হিসেবে গণ্য হয় না কিন্তু ইসলামী শিক্ষায়
সেগুলো পাপাচার বলে পরিগণিত হয়, যেগুলো চারিত্রিক স্থলন ঘটায়, তা আজ
সবাইকে গ্রাস করতে উদ্যত। পূর্বেও আমি বলেছি, প্রথমে আলোকিত চিন্তাধারা বা
মুক্ত চিন্তার নামে বিভিন্ন মন্দ কাজ করা হয় এবং পরে সেগুলো ক্রমাগতভাবে
পাপের দিকে ঠেলতে থাকে। এগুলো না কোন বিনোদন আর না কোন স্বাধীনতা
বরং বিনোদন ও স্বাধীনতার নামে এক অঞ্চিতহীন। নিজ বান্দার প্রতি অত্যন্ত সদয়
খোদা, মু'মিনদেরকে স্পষ্টভাবে বলে দিয়েছেন, এ হলো আগুন, এ হলো আগুন,
এই আগুন থেকে নিজেও নিরাপদ থাক এবং সন্তানসন্ততিকেও রক্ষা কর। যেসব
যুবক-যুবতী এই সমাজে বসবাস করছে, তাদের উদ্দেশ্যে আমি বলতে চাই,
তোমরা মনে করো না, এই ক্রীড়া কৌতুকে পড়ে থাকাই তোমাদের জীবনের মূল
উদ্দেশ্য আর এটিই আমাদের জীবনের সবকিছু! বরং আহমদী হিসেবে তোমাদের
এবং অ-আহমদীদের মাঝে স্পষ্ট পার্থক্য দৃশ্যমান থাকা আবশ্যিক।”

(খুতবা জুমুআ, ২৩ এপ্রিল ২০১০, সুইজারল্যান্ড;
আল ফযল ইন্টারন্যাশনাল, ১৪ মে ২০১০)

শৈশব থেকেই সন্তানদের তরবিয়ত বা শিক্ষাদীক্ষার প্রতি লক্ষ্য রাখুন

সন্তানদের মস্তিষ্কে পরিবেশ কীভাবে প্রভাব বিস্তার করে এবং তাদের চারিত্রিক
গঠনে তা কী ধরনের ভূমিকা রাখে- এ বিষয়ে এক জুমুআর খুতবায় হ্যুর
আনোয়ার (আই.) বলেন:

“আল্লাহ তা'লা মানুষের প্রকৃতিতে অনুকরণপ্রিয়তার বৈশিষ্ট্য রেখেছেন, যা শৈশব
থেকেই প্রকাশ হওয়া শুরু হয়ে যায়, কারণ এটি মানব-প্রকৃতির অন্তর্নিহিত
বৈশিষ্ট্য। তাই শিশুদের প্রকৃতিতেও অনুকরণের এই বৈশিষ্ট্য বিদ্যমান। এই
বৈশিষ্ট্য নিশ্চয় আমাদের কল্যাণের জন্যই, কিন্তু এর অপব্যবহার মানুষকে ধৰ্মসও
করে দেয় অথবা ধর্মসের দিকে নিয়ে যায়। এই অনুকরণ-প্রিয়তা ও পরিবেশের
প্রভাবেই পিতামাতার কাছ থেকে সন্তান ভাষাজান লাভ করে অথবা অন্যান্য
কাজের শিক্ষা লাভ করে, ভাল কথাবার্তা শিখে এবং উন্নত চরিত্রের অধিকারী হয়।
পিতামাতা যদি পুণ্যবান, নামাযী ও কুরআন পাঠকারী হন আর পরস্পর

প্রেম-গ্রীতিঘন পরিবেশে বসবাসকারী হন, মিথ্যাচারকে ঘৃণা করেন, তাহলে শিশুরাও তাদের প্রভাবে পুণ্য অবলম্বনকারী হবে। কিন্তু ঘরে যদি মিথ্যাচার, ঝগড়া-বিবাদ, অন্যদের প্রতি ঠাট্টাবিদ্রূপমূলক কথাবার্তা ও জামা'তের মর্যাদার প্রতি শুদ্ধাবোধবিবর্জিত আচরণ প্রদর্শন করা হয় অথবা শিশু যখন এ ধরণের মন্দ বিষয়াদি দেখে তখন প্রকৃতিগতভাবেই অনুকরণ-প্রিয়তার কারণে অবশ্যে সেও এসব পাপই রঞ্জ করে। ঘরের বাইরে গিয়ে বাইরের পরিবেশে ও বন্ধুদের মাঝে সে যা কিছু লক্ষ্য করে তা শেখার চেষ্টা করে। তাই আমি পিতামাতা'র দৃষ্টি বারবার এদিকে আকর্ষণ করে থাকি যে, আপনাদের সন্তানরা বাইরে কেমন পরিবেশে সময় কাটাচ্ছে তার প্রতি দৃষ্টি রাখুন। ঘরে শিশুদের যেসব প্রোগ্রাম রয়েছে আর তারা টিভিতে যে সমস্ত অনুষ্ঠান দেখে অথবা ইন্টারনেট ইত্যাদির যে ব্যবহার তারা করে, তার ওপরও চোখ রাখুন।

(খুতবা জুমুআ, ১৩ ডিসেম্বর ২০১৩, বায়তুল ফতুহ, লঙ্ঘন;
আল ফযল ইন্টারন্যাশনাল, ০৩ জানুয়ারি ২০১৪)

অল্পবয়স্ক শিশুদের মোবাইল ফোনের অপ্রয়োজনীয় ব্যবহার

মোবাইল ফোনসহ আধুনিক প্রযুক্তির অপব্যবহারের ফলে শিশু-কিশোরদের ওপর যে নেতৃত্বাচক প্রভাব পড়তে পারে এই বিষয়ে জার্মানিতে আতফালুল আহমদীয়ার ইজতেমায় তরুণ প্রজন্ম ও শিশু-কিশোরদেরকে উপদেশ দিতে গিয়ে ভ্যূর আনোয়ার (আই.) বলেন :

“বর্তমানে এখানে শিশু-কিশোরদের একটি বড় ব্যাধি হলো- তারা পিতামাতার কাছে আবদার করে বলে, ‘আমাদেরকে মোবাইল ফোন কিনে দাও। দশ বছর বয়সে উপনীত হওয়া মাত্রাই আমাদের হাতে মোবাইল ফোন আসতে হবে।’ (হে শিশু-কিশোরগণ!) আপনারা এমন কী ব্যবসা করছেন? আপনারা এমন কী কাজ করছেন, যেজন্য আপনাদের প্রতি মিনিটে ফোন করে খবরাখবর নিতে হবে? আর জিজ্ঞাসা করলে বলে, আমরা আমাদের ‘আবু-আম্মুকে ফোন করব’। আপনার ফোনের বিষয়ে পিতামাতার যদি চিন্তা না থাকে তবে আপনারও এ নিয়ে ভাবা উচিত নয়। কেননা মোবাইল ফোনের মাধ্যমে ক্ষতিকর বিষয়াদি সামনে আসে। মোবাইল ফোন থাকলে মানুষ যোগাযোগ করে আর পরবর্তীতে শিশু-কিশোরদেরকে ফুসলিয়ে বিভিন্ন বদ-অভ্যাসে অভ্যস্ত করে। অতএব মোবাইল ফোন মারাত্মক ক্ষতিকর জিনিস। ছেলেমেয়েরা বুঝে উঠতে পারেনা যে,

মোবাইলের কারণেই তারা অন্যায় কাজে জড়িয়ে যায়। তাই মোবাইল ফোন এড়িয়ে চলুন। যেভাবে আমি একটু আগে টিভির অনুষ্ঠানাদির কথা বললাম; কাটুন বা টিভির কতক তথ্যসমূহ অনুষ্ঠান দেখা উচিত কিন্তু নির্ধারিত ও বাজে যত অনুষ্ঠানাদি রয়েছে সেগুলো পরিহার করা উচিত”।

(আতফালু আহমদীয়া জার্মানির বার্ষিক ইজতেমায় শিশু কিশোরদের উদ্দেশ্যে ভাষণ,
১৬ সেপ্টেম্বর ২০১১; আল ফযল ইন্টারন্যাশনাল, ০৯ মার্চ ২০১২)

অনৈতিক টিভি প্রোগ্রাম ব্লক করে দিন

বিনোদনের উদ্দেশ্যে কেবল ছোটরা নয় বরং বড়ৱাও টেলিভিশনের সামনে ঘন্টার পর ঘন্টা বসে থাকে, ফলে কারো কারো মাঝে মন্দকে মন্দ মনে করার চৈতন্য লোপ পায়। এ দৃষ্টিকোণ থেকে অশালীন টিভি প্রোগ্রাম দেখা এবং নির্লজ্জতার ভয়ানক পথ এড়িয়ে চলার নসীহত করতে গিয়ে হ্যুম্র আনোয়ার (আই.) বলেন :

“অতএব শয়তানের থাবা থেকে নিরাপদ থাকার জন্য আপ্রাণ চেষ্টা করার প্রয়োজন রয়েছে। এর জন্য আল্লাহ তা’লার উক্তি অনুসারে ‘আহসান কওল’ বা উত্তম কথা আবশ্যক।”

এ প্রসঙ্গে হ্যুম্র আনোয়ার (আই.) সূরা আহযাবের ৭০ নম্বর আয়াতে বর্ণিত ‘কওলে সাদীদ’ (তথা সহজ-সরল-সত্য) বলা সংক্রান্ত নির্দেশের ব্যাখ্যা প্রদান করেন।

“অতঃপর মান-সম্মত সত্য কীভাবে বলা যেতে পারে সে সংক্রান্ত নসীহতের পাশাপাশি এই তাকীদপূর্ণ নির্দেশ দেন যে, যেসব সভায় সত্য কথা বলা হয় না, হীন এবং বাজে আলাপচারিতা হয়, সেখান থেকে তৎক্ষণাত্ম প্রস্থান কর। যেখানে খোদার শিক্ষা-পরিপন্থি কথাবার্তা হয়, সেসব বৈঠকে যাবে না। বর্তমানে অজাতে ঘরোয়া বৈঠকগুলোতে অথবা নিজেদের বৈঠকেও এসব হীন ও বাজে কথাবার্তা চলতে থাকে। নেয়াম বা জামাতের ব্যবস্থাপনার বিরঞ্জনে কথাবার্তা হয়। আমি বেশ কয়েকবার বলেছি, কর্মকর্তাদের বিরঞ্জনে সুনির্দিষ্ট অভিযোগ থাকলে আর নিম্নপর্যায়ে সমাধা না হলে আমাকে অবহিত করুন। কিন্তু মজলিসে বা সভায় বসে এসব আলোচনা করলে তা বৃথা বা বাজে কাজ গণ্য হবে। কেননা, এর মাধ্যমে সংশোধন হয় না বরং আশান্তি ও ঝগড়া-বিবাদ এবং বিশ্বাখলা আরো বৃদ্ধি পায়।

বর্তমান যুগে টিভিতে নোংরা চলচিত্র দেখানো হয়। ইন্টারনেটে চরম নোংরা ও অশ্লীল চলচিত্র রয়েছে আর নৃত্য ও গান-বাজনা প্রদর্শিত হয়। ভারতীয় কিছু চলচিত্রে এমন সব গান-বাজনা রয়েছে যাতে দেব-দেবীর দোহাই দিয়ে যাচনা করা

হয় অথবা তাদের শ্রেষ্ঠত্বের গীত গাওয়া হয়, যা পক্ষান্তরে এক-অদ্বিতীয়, সর্বশ্রেষ্ঠ ও সর্বশক্তিমান খোদা তা'লাকে অস্থীকার করার নামান্তর। অথবা এটি প্রকাশ করা হয় যে, দেব-দেবী বা প্রতিমাগুলো আল্লাহ্ পর্যন্ত পৌঁছানোর মাধ্যম। এগুলোও বাজে কাজ এবং শির্ক বিশেষ। শির্ক এবং মিথ্যা— এক ও অভিন্ন বিষয়। এমন গানও শোনা উচিত নয়।”

হ্যুর আনোয়ার (আই.) আরো বলেন:

“এক স্থানে আল্লাহ্ তা'লা বলেন –

وَإِمَّا يَنْرَعِنَكَ مِنَ الشَّيْطِينِ نَزْغٌ فَاسْتَعِذْ بِاللَّهِ إِنَّهُ هُوَ السَّمِيعُ الْعَلِيمُ
(সূরা হামাম আস্স সাজদা : ৩৭)

অর্থাৎ— শয়তানের পক্ষ থেকে যদি কোন বিভ্রান্তিকর বিষয় তোমার কর্ণগোচর হয়, শয়তান যদি এমন কথা পৌঁছায় যা ‘আহসান কওল’ বা উন্নত কথার পরিপন্থি, সেক্ষেত্রে আল্লাহ্ র সাহায্য যাচ্ছনা কর। তুমি আল্লাহ্ তা'লার আশ্রয়ে আসার জন্য অনেক বেশি দোয়া কর আর ‘আউয়ু বিল্লাহি মিনাশৃ শাইতানির রাজীম’ এবং ‘লা হাওলা ওয়ালা কুওয়্যাতা ইল্লা বিল্লাহ্’ পাঠ কর। সর্বশেতো এবং সর্বজ্ঞনী আল্লাহ্ তা'লা নিশ্চয়তা দিচ্ছেন যে, পবিত্র উদ্দেশ্যে যদি দোয়া করা হয় তাহলে আল্লাহ্ তা'লা অবশ্যই তা শ্রবণ করেন।”

(খুতবা জুমুআ, ১৮ অক্টোবর ২০১৩, মসজিদি বায়তুল হুদা, সিলগী, অস্ট্রেলিয়া;
আল ফয়ল ইন্টারন্যাশনাল, ০৮ নভেম্বর ২০১৩)

নির্ধারিত বা বাজে বিষয়াদি (অর্থাৎ টিভি, ইন্টারনেট প্রভৃতি) থেকে বিরত থাকা প্রসঙ্গে হ্যুর আনোয়ার (আই.) বেশ কয়েকটি স্থানে উপদেশ প্রদান করেছেন।

লাজনা ইমাইল্লাহ্ জার্মানির এক ইজতেমায় হ্যুর (আই.) নির্দেশনা দিয়ে বলেন :

“এছাড়া রয়েছে নির্ধারিত কার্যকলাপ। এ সম্পর্কে আমি বিশেষভাবে শিশু কিশোরদেরকেও বলতে চাই যে, বৃদ্ধারা এক সাথে বসে যেসব খোশগল্প ও বৃথা আলাপচারিতায় মেতে উঠে, কেবল তা-ই নির্ধারিত কথাবার্তা নয়— তারা তো তা করেই থাকে, তাদেরকেও এ থেকে বিরত রাখতে হবে, কিন্তু দশ-বারো বছর বয়সের মেয়ে থেকে শুরু করে যুবতী মেয়েদের জন্য বর্তমানে টিভি এবং ইন্টারনেটে যেসব প্রোগ্রাম রয়েছে সেগুলোও বৃথা কাজের অন্তর্গত। আপনারা যদি সারাদিন বসে বসে এমন সব অনুষ্ঠান দেখতে থাকেন যা ধর্মীয় নীতির পরিপন্থি তাহলে তা বাজে বা বৃথা কার্যকলাপ। ইন্টারনেট কখনো কখনো আপনাদেরকে এমন জায়গায় নিয়ে যায় যেখান থেকে আপনাদের জন্য আর ফিরে আসা সম্ভব হয় না বরং

অশ্লীলতা ক্রমাগতভাবে ছড়াতে থাকে। কখনো কখনো এমন বিষয়াদিও সামনে আসে যে, ছেলেরা মেয়েদেরকে বিভিন্ন দুষ্কৃতকারী দলের জালে ফাঁসিয়ে দিয়েছে, যার ফলে তাদেরকে বাড়ি ছাড়া হতে হয়েছে। এরা নিজেদের পরিবার ও জামা'ত উভয়ের জন্যই দুর্নাম বয়ে এনেছে। এজন্য ইন্টারনেট বা এ ধরণের মাধ্যমগুলোর অপব্যবহার থেকে নিরাপদ দূরত্বে থাকা উচিত। এ ছাড়াও চিন্তাভাবনাকে কল্পুষিত করার জন্য ইন্টারনেটে অনেক প্রোগ্রাম রয়েছে। টিভিতেও অনেক অশালীন প্রোগ্রাম দেখানো হয়ে থাকে। পিতামাতার উচিত, সেসব চ্যানেল ব্লক (Block) করে রাখা যা সন্তানদের চিন্তাচেতনায় নোংরা প্রভাব ফেলে। এগুলো স্থায়ীভাবে লক (Lock) করতে হবে। সন্তানরা দু'এক ঘন্টা অথবা যতক্ষণই টিভি দেখতে চায়, দেখুক! তবে তা হতে হবে শালীন নাটক বা কার্টুন। যদি অশালীন অনুষ্ঠান দেখা হয় তবে এর দ্বায়ভার পিতামাতার ওপরও বর্তায়। তবে বারো-তেরো বছর বয়সের মেয়েরা বিবেকবুদ্ধিসম্পন্ন হয়ে থাকে, তাই নিজ থেকেই তাদের এগুলো পরিহার করা উচিত। আপনারা আহমদী সন্তান, আহমদীদের আচার-আচরণ অতি সুন্দর ও আকর্ষণীয় হওয়া উচিত, যেন দেখেই বুঝা যায় যে, এরা ‘আহমদী সন্তান’।

(লাজনা ইমাইল্লাহ জার্মানির বার্ষিক ইজতেমায় মহিলাদের উদ্দেশ্যে ভাষণ,
১৭ সেপ্টেম্বর ২০১১; আল ফযল ইন্টারন্যাশনাল ১৬ নভেম্বর, ২০১২)

সৈয়দনা হ্যরত খলীফাতুল মসীহ আল খামেস (আই.) প্রদত্ত অতি গুরুত্বপূর্ণ একটি পথ-নির্দেশনা

“আমি বারবার পিতামাতার দৃষ্টি আকর্ষণ করে বলেছি, সন্তানরা বাইরে কেমন
পরিবেশে ওঠা-বসা করে তার প্রতিও দৃষ্টি রাখুন আর ঘরে যখন তারা টিভির
প্রোগ্রাম দেখে বা ইন্টারনেট ইত্যাদি ব্যবহার করে তখনো সজাগ দৃষ্টি রাখুন।

(খুতবা জুমুআ, ১৩ ডিসেম্বর ২০১৩, বায়তুল ফতুহ, লঞ্চ)

বর্তমান যুগে মায়েদের দায়-দায়িত্ব

رَبَّنَا هُبْلَتَأْمِنْ أَرْوَاحِنَا وَذُرِّيَّتَنَا فَرَّةَ أَعْدِينَ وَاجْعَلْنَا لِلْمُتَّقِينَ إِمَامًا

অনুবাদ: হে আমাদের প্রভু! তুমি আমাদের জীবনসঙ্গী এবং সত্তানসন্ততিদের মাধ্যমে আমাদের চেথের স্থিক্ষণ দান কর এবং আমাদেরকে মুক্তাকীদের ইমাম (নেতা) বানিয়ে দাও। (সূরা ফুরকান: ৭৫)

বর্তমান যুগে মায়েদের দায়-দায়িত্ব

ইবাদুর রহমানের (অর্থাৎ রহমান খোদার বান্দাদের) বৈশিষ্ট্যাবলী তুলে ধরতে গিয়ে ভ্যুর আনোয়ার (আই.) নিজ বক্তৃতায় লাজনা ইমাইল্লাহ্'র সদস্যদেরকে বৃথা ও বাজে কার্জকলাপ থেকে বিরত থাকার নসীহত করে বলেন:

“এরপর আল্লাহ্ তাঁলা এক স্থানে বলেন, মু’মিন বৃথা ও বাজে কার্জকলাপ থেকে বিরত থাকে। আরেকটি বৈশিষ্ট্য হলো, বৃথা ও বাজে কার্জকলাপের প্রতি আকৃষ্ট হওয়ার পরিবর্তে সেগুলো এড়িয়ে চলে; (এই বিশ্বাসের সাথে যে,) আমরা আহমদী, তাই বৃথা ও জাগতিক বাজে কাজে সময় নষ্ট করা আমাদের শোভা পায় না। যেমন ধরুন, বর্তমানে বিভিন্ন টিভি চ্যানেলে একেবারেই অর্থহীন এবং বাজে অনুষ্ঠানাদি সম্প্রচারিত হয়। দৈবাং কিছু ভালো অনুষ্ঠানও দেখানো হয় কিন্তু এগুলোর মাঝেও হঠাত করে অর্থহীন ও অশালীন বিজ্ঞাপন আরম্ভ হয়ে যায়। তাই নারী-পুরুষ, শিশু-কিশোর নির্বিশেষে প্রত্যেক আহমদীর উচিত, এ জাতীয় অনুষ্ঠান যদি সম্প্রচারিত হওয়া শুরু হয় অথবা এধরণের বাজে ছবি আসতে থাকে তাহলে টিভি তাৎক্ষণিকভাবে বন্ধ করে দেয়। যেভাবে আমি বললাম, অনুষ্ঠানের মাঝেই বিজ্ঞাপন আরম্ভ হয়ে যায়, সেগুলোও দেখা উচিত নয়। অতএব আহমদী মেয়ে, ছেলে এবং আহমদী মহিলাদের এই ধরনের বাজে অনুষ্ঠানের ধারেপাশেও যাওয়া সমীচীন নয়।

ইন্টারনেটে কিছু সাইটস রয়েছে এগুলোতেও অত্যন্ত জঘন্য অনুষ্ঠান প্রচারিত হয়ে থাকে। এগুলো থেকে নিরাপদ দূরত্ব বজায় রাখা একজন মু’মিনের বৈশিষ্ট্য। একজন প্রকৃত আহমদীর বৈশিষ্ট্য হলো এ জাতীয় বৃথা ও অর্থহীন কার্যকলাপ থেকে নিজেকে বিরত রাখা; কেননা আল্লাহ্ তাঁলার পুরক্ষারে ধন্য হওয়া এবং তা থেকে কল্যাণ লাভের জন্য এটি আবশ্যিক।

অতঃপর আল্লাহ্ তাঁলা বলেন, এই দোয়াও করো আর এ লক্ষণটি এমন লোকদেরই যারা এ দোয়া করে যে,

رَبَّاهُبْ لِكَامِنْ أَرْوَاجِهَا وَدَرِيْتَنَا فَرَّةَ أَعْيَنْ وَأَجْعَلْنَا لِلْمُمْقِيْنَ إِمَاماً

অনুবাদ: “হে আমাদের প্রভু! তুমি আমাদের জীবনসঙ্গী এবং সত্তানসন্তির মাধ্যমে আমাদেরকে নয়নের নিষ্পত্তা দান কর এবং আমাদেরকে মুত্তাকীদের ইমাম (পূর্বসূরী) বানিয়ে দাও” (সূরা ফুরকান: ৭৫)। অতএব এই দোয়া আপনাকে তাকওয়ার ওপর প্রতিষ্ঠিত রাখার পাশাপাশি আপনার সত্তানসন্ততিকেও জাগতিক অনিষ্ট থেকে নিরাপদ রেখে তাকওয়ার পথে পরিচালিত করবে। স্বামী ধর্মের প্রতি উদাসীন এবং নামাযে অনিয়মিত বলে যেসব স্তু অভিযোগ করেন তাদের জন্যেও এই দোয়াটি কাজে আসবে। আমাদের হৃদয়ের অস্তঃস্থল থেকে উৎসারিত দোয়া আল্লাহ্ তাঁলা অবশ্যই গ্রহণ করেন। পুরুষরাই শুধুমাত্র মুত্তাকীদের ইমাম- এমনটি মনে করবেন

না। এমন প্রতিটি মহিলা যে নিজ সন্তানের জন্য দোয়া করে আর আগামী প্রজন্মের মাঝে এই চেতনা সঞ্চারিত করার চেষ্টা করে যে, আল্লাহকে ভালোবাসো, তাঁর সম্মুখে অবনত হও, পুণ্যের ওপর প্রতিষ্ঠিত হও— এরাই মূলত মুভাকীদের ইমাম হওয়ার চেষ্টা করে আর ইমাম হয়ও বটে; নিজ পরিবারের তত্ত্বাবধায়ক হিসেবে সে ইমাম।

(লাজনা ইমাইল্লাহ যুক্তরাজ্যের বার্ষিক ইজতেমায় মহিলাদের উদ্দেশ্যে ভাষণ,

০৪ নভেম্বর ২০০৭; আল ফযল ইন্টারন্যাশনাল, ০৯ ডিসেম্বর ২০১৬)

আয়ারল্যাণ্ডের ন্যাশনাল মজলিসে আমেলার কর্মকর্তাদেরকে দিক-নির্দেশনা দিতে গিয়ে মাঝেদের দায়দায়িত্ব প্রসঙ্গে হ্যার আনোয়ার (আই.) বলেন:

“যেখানে ছেলেমেয়েরা সহশিক্ষা গ্রহণ করে, সেখানে (স্মরণ রাখতে হবে) পড়ালেখা করতে কোন অসুবিধা নেই কিন্তু শর্ত হলো, ছেলেমেয়ে পরস্পর যেন বন্ধুত্ব না গড়ে আর একে অপরের সাথে কেবল প্রয়োজন হলেই যেন কথা বলে; তবে এস.এম.এস, ফেইসবুক, চ্যাট এবং ফোন করা থেকে বিরত থাকবে। পিতামাতাকে বলুন, তারা যেন সন্তানদের প্রতি লক্ষ্য রাখেন। সর্বদা কম্পিউটার ও মুঠোফোন হাতে রাখা ঠিক নয়। যেসব মাঝেরা কম্পিউটার চালাতে জানেন না, তারা শিখে ফেলুন, যেন সন্তানদের প্রতি যথাযথ দৃষ্টি দিতে পারেন”।

(ন্যাশনাল মজলিসে আমেলার মিটিং, লাজনা ইমাইল্লাহ, আয়ারল্যাণ্ড,
১৮ সেপ্টেম্বর ২০১০; আল ফযল ইন্টারন্যাশনাল, ২২ অক্টোবর ২০১০)

এমনিভাবে সামাজিক বৃথা কার্যকলাপের কবল থেকে নিজ পরিবারকে মুক্তরাখা প্রসঙ্গে আহমদী মহিলাদেরকে উপদেশ দিয়ে হ্যার আনোয়ার (আই.) বলেন:

“... একইভাবে নোংরা ও অশ্লীল চলচিত্রও বৃথা কার্যকলাপের অস্তর্ভুক্ত। তেমনিভাবে নোংরা ও অশ্লীল বইপুস্তক, পত্রপত্রিকা এবং সাময়িকীও রয়েছে। এযুগে যৌন সম্পর্কের বিষয়ে জ্ঞান থাকা বাঞ্ছনীয় যেন এর ক্ষতিকর দিক থেকে নিরাপদ থাকা যায়! এমন অজুহাত দেখিয়ে বাজারে এসব পত্রপত্রিকা ছড়ানো হয়ে থাকে। তারা এসবের ক্ষতিকর দিক থেকে রক্ষা পায় কিনা জানি না; কিন্তু যা অবশ্যই ঘটে তা হলো রাস্তাঘাটে, অলি-গলিতে এধরণের বিজ্ঞাপন অবশ্যই চরিত্র-বিধ্বংসী রোগব্যাধিতে সমাজকে নিমজ্জিত করে। যে বিষয়টি মানুষের প্রকৃতির অংশ তা যথাসময়ে স্বাভাবিকভাবেই সে জেনে যাবে। জ্ঞানের নামে মানসিক এই বিকার গ্রস্তা থেকে নিজেকে দূরে রাখা উচিত। তাই তো হ্যারত মসীহ মওউদ (আ.) বলেন, নিজের সকল অঙ্গস্তুপকে ব্যক্তিকার হতে পবিত্র রাখ। অতএব প্রত্যেক মহিলার উচিত এক ব্যাকুলতা নিয়ে নিজ সন্তানদেরকে বুকানো। প্রত্যেক সাবালক মেয়ে, যার চিন্তাভাবনায় পরিপক্ষতা এসেছে, তার এই অনুভূতি থাকা আবশ্যিক যে, এসকল ক্ষতিকর বিষয় তাকে আরো নোংরামীর মাঝে ঠেলে দিবে, তাই এগুলো

এড়িয়ে চলা উচিত। যে জিনিসেরই অবৈধ ব্যবহার আরম্ভ হবে তা-ই বৃথা বা নিরর্থক কার্যকলাপের অন্তর্ভুক্ত। উদাহরণস্বরূপ ইন্টারনেটের কথা আমি আগেও বহুবার বলেছি। এটি অধুনা যুগের আবিক্ষার আর এসব আবিক্ষার হ্যারত মসীহ মওউদ (আ.)-এর যুগের বিশেষত্ব। পরিত্র কুরআনে বিভিন্ন আবিক্ষারের বিষয়ে ভবিষ্যদ্বাণী করা হয়েছে, ইন্টারনেট তন্মধ্যে একটি। টেলিফোন এবং টেলিভিশনও এগুলোর অন্তর্ভুক্ত যেগুলো ইসলাম প্রচারের মাধ্যম হিসেবে ব্যবহার করার কথা।

কিন্তু এই আবিক্ষারগুলোর অপব্যবহার করলে তা বৃথা কাজ হিসেবে পরিগণিত হবে, অথচ এমন বৃথা কাজ করতে আল্লাহ তাঁ'লা বারণ করেছেন এবং বৃথাকাজ পরিহারের নির্দেশ দিয়েছেন। যেভাবে আল্লাহ তাঁ'লা বলেছেন- مُّمِنَنَ عَنِ اللَّهِ مُّعْرِضُونَ অর্থাৎ তারা বৃথা আচার-অনুষ্ঠান এড়িয়ে চলে বা বৃথা কাজ পরিহারকারী। ইন্টারনেটে বন্ধুদের সাথে চ্যাট করা, অন্যদেরকে নিয়ে ঠাট্টাবিদ্রূপ করা, অশালীন কথাবার্তা বলা, ইন্টারনেটকে পরম্পরের বিরুদ্ধে ব্যবহার করা অথবা মানুষের সম্পর্ক-বন্ধনে ফাটল সৃষ্টির জন্য ব্যবহার করা, কারো স্বামীর সাথে ইন্টারনেটে কথা বলে তার জীবন ধ্বংস করে দেয়া অথবা পরচর্চা প্রভৃতি করা হলে এই কাজের জিনিসটিই বৃথা বলে পরিগণিত হবে আর একই সাথে তা পাপেও পর্যবসিত হবে। অধিকন্তু বর্তমানে মোবাইল ফোনে ‘ক্ষুদে বার্তা’ আদান-প্রদান করা হয়ে থাকে। এটিও একটি নতুন রীতি আরম্ভ হয়ে গেছে। বর্তমানে গালগল্প করে এবং না মাহরাম’দের (যাদের সাথে বিবাহ বৈধ) সাথে খোশগল্প করে সময় অপচয় করার সন্তা পদ্ধতি উভাবিত হয়েছে। খুব সহজে মানুষ বলে দেয়, টেক্সট মেসেজই (Text message) তো ছিল, কথাতো বলি নি! এভাবে পরম্পরের সাথে যোগাযোগ বৃদ্ধি পেতে থাকে। বাক্সবীদের মধ্য থেকে কেউ কোন একজনের ফোন নম্বর বন্ধুদের কাছে দিয়ে দেয়। যেকোনভাবে একজনের ফোন নম্বর অন্যজনের হস্তগত হয় আর সাথে সাথে লাগাতার ক্ষুদে-বার্তা আদান প্রদান শুরু হয়ে যায়। আরো দেখো যায়, বারো থেকে চৌদ্দ বছরের শিশু-কিশোররা হাতে মোবাইল নিয়ে ঘোরাফেরা করে আর তথ্য আদান প্রদান করে। এটিই নষ্ট হবার বয়স। একপর্যায়ে সেই অহেতুক কর্মই পাপে পর্যবসিত হয়। কাজেই স্বীয় সন্তুষ্ম রক্ষার্থে, সম্মান রক্ষার্থে এবং বংশের মান-মর্যাদা অঙ্গুল রাখার নিমিত্তে আর নিজেকে যে (আহমদী) জামা’তের সদস্য বলে পরিচয় দেয় এবং যার সাথে সে সম্পৃক্ত, সেই জামা’তের পরিত্রতার প্রতি দৃষ্টি রেখে আহমদী মেয়েদের উচিত ঐ সমস্ত পাপ থেকে নিজেদেরকে দূরে রাখা। একইভাবে আহমদী পুরুষ, যারা আমার এই বক্তৃতা শুনছেন তাদেরও উচিত এসব পাপ থেকে নিজেদেরকে বিরত রাখা।

(লাজনা) ইমাইল্লাহ জার্মানির বার্ষিক ইজতেমায় মহিলাদের উদ্দেশ্যে ভাষণ,

১১ জানুয়ারি ২০০৬; আল ফযল ইন্টারন্যাশনাল, ১৯ জুন ২০১৫)

আহমদী মেয়েদের জন্য উপদেশবাণী

- সোশাল মিডিয়ায় চ্যাটিং এবং মহিলাদের ছবির মাধ্যমে
পর্দাহীনতার প্রবণতা
- পর্দা- প্রকাশ্য ও অপ্রকাশ্য অশ্লীলতা থেকে রক্ষা করে
- Facebook ব্যবহারে সাবধানতা অবলম্বনের বিভিন্ন দিক
- মেয়েদের তবলীগি যোগাযোগ শুধুমাত্র মেয়েদের সাথেই
হওয়া উচিত
- ইন্টারনেট এবং সোশাল মিডিয়ার নেতৃবাচক ব্যবহারের
ফলে আ-আহমদীদের সাথে বিয়েশাদি এবং পরবর্তী
প্রজন্মের দুঃখজনক পরিণতি

আহমদী মেয়েদের প্রতি উপদেশ

আহমদীয়াতের কল্যাণে লক্ষ-আশিশ হতে উপকৃত হবার জন্য ইসলাম-ধর্ম আরোপিত বিধি-নিষেধ শিরোধার্য করা এবং আল্লাহ্ তা'লার আদেশসমূহ মেনে চলা অপরিহার্য। এ বিষয়ে হ্যুর (আই.) বলেন:

“...কোন কোন সময় একটি বয়ঘ্নীমায় পৌছে কিছু যুবতী মেয়ের মনে এ ভাবনার উদয় হয় যে, ধর্ম আমাদের ওপর কিছু বিধি-নিষেধ চাপিয়ে দিচ্ছে। যেমন (আমি বলেছি) কিছু আজে-বাজে ও অপ্রয়োজনীয় টিভি চ্যানেল ও ওয়েবসাইট আছে, সেগুলো দেখবেন না। কিন্তু অন্যদের দ্বারা প্রভাবিত হবার কারণে প্রশ্ন উঠে, এগুলো দেখলে ক্ষতি কী? টিভি চ্যানেলে প্রদর্শিত কর্মকাণ্ডে আমরাতো লিঙ্গ হচ্ছি না। মনে রাখবেন, দু'চারবার বা ছয়বার দেখার পর এসব অপকর্ম করা আরও হয়ে যায়। কিছু পরিবার ধ্বংস হয়েছে এজন্য যে, তারা বলতো, এতে কী আর ক্ষতি হবে! তারা দ্বীন-দুনিয়া দু'টোই হারিয়েছে আর সন্তানসন্ততিও তাদের হাতছাড়া হয়েছে। এটি করলে ক্ষতি কী বা কিছুটা স্বাধীনতা দেয়া প্রয়োজন- এমনটি বলা অত্যন্ত ক্ষতিকর বিষয়। আল্লাহ্ তা'লা তার সৃষ্টজীবের স্বভাব-প্রকৃতি সম্বন্ধে অবগত। একারণেই তিনি বলেছেন যে, তোমরা বৃথাচার বা বৃথা কর্মকাণ্ড এড়িয়ে চল। আল্লাহ্ জানেন, স্বাধীনতার নামে কী ঘটবে এবং কী ঘটে থাকে। সর্বদা একথাটি মনে রাখবেন, শয়তান আল্লাহ্ তা'লাকে এটিই বলেছিল যে, আমি সকল দিক থেকে তোমার বান্দা- তথা আদম সন্তানের কাছে, তাদেরকে বিপথগামী করার মানসে আসবো। ‘ঈবাদুর রহমান’ (অর্থাৎ রহমান খোদার বান্দা) ছাড়া বাকী সবাইকে বশীভূত করবো। প্রকাশ্যেই সে এ চ্যালেঞ্জ ছুঁড়ে দিয়েছিল।

অতএব বর্তমান যুগের বিভিন্ন আবিক্ষারের অপব্যবহারও শয়তানের আক্রমণেরই অঙ্গভূক্ত বিষয়। তাই প্রতিটি আহমদী মেয়ের উচিত, এসব এড়িয়ে চলা। সর্বদা মনে রাখবেন, আমরা আহমদী। আহমদী থাকতে হলে আমাদেরকে এসব বৃথা-কার্যকলাপ বর্জনের চেষ্টা করতে হবে। সর্বদা স্মরণ রাখবেন, আমরা যদি আহমদীয়াতকে সত্য বলে গ্রহণ করে থাকি, হযরত মসীহ্ মওউদ (আ.)-কে সত্যদাবিদার মেনে তাঁর হাতে বয়আত করে থাকি, তাহলে যেসব কর্ম হতে বিরত থাকার আদেশ আল্লাহ্ তা'লা আমাদের দিয়েছেন, সেসব বৃথাকর্ম আমাদের পরিহার করে চলতে হবে। কেবল তবেই আমরা সেসব পুরক্ষার লাভ করতে পারব, যার প্রতিশ্রূতি আল্লাহ্ তা'লা হ্যরত মসীহ্ মওউদ (আ.)-কে দিয়েছেন।”

(লাজনা ইমাইল্লাহ্ যুক্তরাজ্যের বার্ষিক ইজতেমায় মহিলাদের উদ্দেশ্যে ভাষণ,

০৪ নভেম্বর ২০০৭; আল ফযল ইন্সৱন্যাশনাল, ০৯ ডিসেম্বর ২০১৬)

সোশাল মিডিয়াতে চ্যাটিং এবং মহিলাদের ছবির মাধ্যমে পর্দাহীনতার প্রবণতা

সোশাল মিডিয়ার মাধ্যমে ক্রমবর্ধমান পারস্পরিক সম্পর্ক ও মহিলাদের ছবি আদান-প্রদান করা আমাদের নেতৃত্বিক ও চারিত্রিক মূল্যবোধের স্পষ্ট পরিপন্থি। আহমদী যুবক-যুবতীদেরকে এ থেকে সম্পূর্ণরূপে বিরত থাকতে হবে। গুরুত্বপূর্ণ এ বিষয়টির প্রতি দৃষ্টি আকর্ষণ করে হ্যুর (আই.) জামা'তের সদস্যদের সতর্ক করে বলেন:

“বর্তমানে ইন্টারনেট বা কম্পিউটারের মাধ্যমে পরস্পরের সাথে পরিচিত হওয়ার একটি নতুন পন্থা উদ্ভাবিত হয়েছে, যাকে ‘Facebook’ বলা হয়। যদিও এটি তেমন নতুন নয়; তবে এটি কয়েক বছর পূর্বের সৃষ্টি। আমি এটি ব্যবহার করতে একবার বারণ করেছি এবং খুতবাতেও বলেছি যে, এটি লজ্জাহীনতার খোরাক জোগায়, পারস্পরিক লাজলজ্জা, শালীনতাবোধ ও ব্যক্তিগত গোপনীয়তার আবরণকে ছিন্ন করে। গোপনীয়তা ফাঁস করে, অশ্রীলতায় উক্ষে দেয়। এই সাইটটির উভাবক স্বয়ং বলেছে, এ উদ্ভাবনের পেছনে আমার উদ্দেশ্য হলো, মানুষের (দেহে) যা কিছু আছে তা যেন পরিষ্কার ও স্পষ্টভাবে সবার সামনে এসে যায়। তার দৃষ্টিতে খোলাখুলি ও প্রকাশ্যে সামনে আসার অর্থ হলো, কেউ নিজের নগ্ন ছবিও যদি সাইটে দিতে চায়, নিঃসংকোচে সে তা দিক আর সে যদি কাউকে এ নিয়ে মন্তব্য করার আমন্ত্রণ জানায়, তাও সিন্ধ-ইন্না লিল্লাহ! অন্যরাও যে কোন কিছু বা যে কারো সম্পর্কে যা কিছু দেখে, ফেসবুকে তা অন্যায়ে দিতে পারে। নেতৃত্বিক অবক্ষয় ও অধঃপতনের এটি চরমসীমা বৈ আর কী? এহেন নেতৃত্বিক অবক্ষয় ও অধঃপতনের প্রেক্ষিতে বিশ্ববাসীকে নেতৃত্বিকতা ও পুণ্যের উন্নত মার্গ সম্পর্কে অবহিত করা একজন আহমদীরই দায়িত্ব।”

(জার্মানির সালানা জলসার সমাপনী ভাষণ, ২৬ জুন ২০১১;
আল ফযল ইন্টারন্যাশনাল, ০৩ জুলাই ২০১৫)

সোশাল মিডিয়ার অগুভ প্রভাব হতে যুবতী নারীদেরকে রক্ষার নিমিত্তে বিকল্প কাজে ব্যস্ত রাখা বা অনুরূপ ব্যবস্থা গ্রহণের সুযোগ করে দেয়ার লক্ষ্যে আহমদী মায়েদের উপদেশ দিতে গিয়ে হ্যুর (আই.) বলেন,

“বর্তমানে সোশাল মিডিয়ায় অনেক ধরনের পাপ মাথাচাঢ়া দিচ্ছে। পিতামাতার সামনেই যুবক যুবতীরা চুপিসারে চ্যাটিং করতে থাকে আর বার্তা ও ছবির আদান-প্রদান চলতে থাকে। নতুন নতুন প্রোগ্রামে নিজেদের একাউন্ট খোলা হয় আর ফোন, আইপ্যাড অথবা কম্পিউটার ইত্যাদিতে বসে দিনভর সময় নষ্ট করা

হয়। এর ফলে তাদের চরিত্র নষ্ট হয়, তারা খিটখিটে মেজাজের হয়ে যায় আর দেখতে দেখতে নিয়ন্ত্রণের বাইরে চলে যায়। এসব বিষয়ে সজাগ দৃষ্টি রাখা এবং এসব প্রযুক্তির ব্যবহার নিয়ন্ত্রণ করার প্রয়োজন রয়েছে। এর বিকল্প কাজকর্মে তাদের ব্যস্ত রাখার কথাও ভাবতে হবে। তাদেরকে পারিবারিক কাজকর্মে ব্যস্ত রাখুন এবং জামাতের বিভিন্ন কাজে নিয়োজিত করুন। এমন কার্যক্রম হাতে নিন যা তাদের নিজেদের জন্য এবং সমাজের জন্য গঠনমূলক ও কল্যাণকর হবে। এটি অনেক বড় একটি গুরুত্বপূর্ণ যা আহমদী মহিলাদের পালন করতে হবে।”

(লাজনা ইমাইলাহ জার্মানির বার্ষিক ইজতেমা উপলক্ষ্যে প্রেরিত বার্তা, ১০ জুলাই ২০১৬)

পর্দা- প্রকাশ্য ও অশ্লীলতা থেকে রক্ষা করে

অশ্লীলতা ছড়ানোর উদ্দেশ্যে ব্যবহৃত বিভিন্ন মাধ্যমের বরাতে ভ্যূর (আই.) তাঁর এক খুতবায় জামা'তের সদস্যদের এই পাপের ভয়ংকর পরিণাম সম্পর্কে সতর্ক করেছেন। এ পরিপ্রেক্ষিতে তিনি সুরা আনআমের ১৫২, ১৫৩ আয়াত উন্নত করে বিস্তারিতভাবে ইসলামী শিক্ষা তুলে ধরেছেন। ভ্যূর আনোয়ার (আই.) বলেন,

“...আল্লাহ্ তা'লা বলেন, তোমরা এসব অশ্লীলতার ধারে কাছেও যাবে না। অর্থাৎ এমন সব বিষয়, যা অশ্লীলতার প্রতি আকৃষ্ট করে, তা হতে তোমরা বিরত থাক। বর্তমান যুগে এ উদ্দেশ্যে বিভিন্ন মাধ্যম উন্নিবিত হয়েছে। যেমন রয়েছে ইন্টারনেট- এতে অশ্লীল চলচিত্র প্রদর্শিত হয়। ওয়েব সাইট ও টিভিতে আজে-বাজে বা অশ্লীল ছায়াছবি দেখানো হয়। বাজে ও অশ্লীল পত্র পত্রিকাও রয়েছে। এসব আজে-বাজে বা অশ্লীল পত্র-পত্রিকা যাকে পর্নোগ্রাফী নাম দেয়া হয়ে থাকে, এর বিরংদী বর্তমানে এখানেও অনেকেই সোচার হচ্ছে যে, বুকস্টল এবং দোকান-পাটে যেন এসব পত্র-পত্রিকা প্রকাশ্যে প্রদর্শন করা না হয়। কেননা, এর কারণে শিশু-কিশোরদের নৈতিক চরিত্রের ওপর ক্ষতিকর প্রভাব পড়ছে। এসব লোকের এতদিনে বোধোদয় হয়েছে, অথচ পরিত্র কুরআন আজ হতে চৌদশত বছর পূর্বে এই আদেশ প্রদান করে রেখেছে যে, এ সব-ই অশ্লীলতা, তোমরা এর ধারে কাছে যেও না- এগুলো তোমাদেরকে নির্লজ্জ বানিয়ে ছাড়বে, তোমাদেরকে খোদা ও ধর্ম হতে দূরে ঠেলে দেবে, বরং তোমাদেরকে আইন লজ্জনকারী বানিয়ে ছাড়বে। ইসলাম কেবল বাহ্যিক অশ্লীলতা থেকেই বিরত রাখে না, বরং গোপন অশ্লীলতায় জড়াতেও বারণ করে; পর্দা করার আদেশও এ কারণেই দেয়া হয়েছে। অবাধ মেলামেশার কারণে লাগামহীন যে সম্পর্ক ছেলে ও মেয়ের মধ্যে গড়ে ওঠে, পর্দা ও শালীন পোশাক তাতে একটি প্রতিবন্ধকরণে দাঁড়ায়। ইসলাম বাইবেলের মত এ কথা বলে না যে, তোমরা মহিলাদের প্রতি কু-দৃষ্টি দিও না, বরং এ কথা বলে যে, তোমরা তাকাবেও

না। কেননা দৃষ্টি পড়লে আকর্ষণ সৃষ্টি হবে এবং এরপর ক্রমান্বয়ে অশ্লীলতাও ছড়াবে। এমনকি ভালো-মন্দের পার্থক্য নিরূপণের বোধশক্তি থাকবে না। ছেলে-মেয়ে, নারী-পুরুষ যখন এভাবে প্রকাশ্যে অবাধ মেলামেশা ও সহাবস্থান করে, তখন আল্লাহ্ ও তাঁর রসূল (সা.)-এর প্রজ্ঞাপূর্ণ উক্তি অনুযায়ী সেখানে, তোমাদের মধ্যে তৃতীয় এক সত্ত্ব শয়তানও জুড়ে বসবে।

(সুনান তিরমিয়ী, কিতাবুর রেয়া, হাদীস নম্বর ১১৭)

ইন্টারনেট ইত্যাদির যে উদাহরণ আমি দিলাম, এতে Facebook ও Skype প্রভৃতি অর্ডভুক্ত, যেগুলোর মাধ্যমে চ্যাটিং করা হয়। এসবের কারণে আমি বেশ কয়েকটি সংসার ভেঙে যেতে দেখেছি। অত্যন্ত পরিতাপের সাথে বলতে হয় যে, আমাদের আহমদীদের মাঝেও এমন ঘটনা ঘটে থাকে। সুতরাং তোমরা ‘অশ্লীলতার ধারে কাছেও ঘেঁষবে না’ আল্লাহ্ তাঁলার এ আদেশ সর্বদা স্মরণ রাখা উচিত। নতুবা শয়তান তোমাদের ওপর নিজের থাবা বিস্তৃত করবে।

পবিত্র কুরআনের শিক্ষার সৌন্দর্য হলো- পবিত্র কুরআন কেবল একথা বলে না যে, তোমরা তাকাবে না অথবা চোখে চোখ মিলাবে না, বরং সর্বদা দৃষ্টি অবনত রাখার আদেশ দিয়েছে। নারী পুরুষ উভয়কে এ আদেশ দিয়েছে যে, তোমরা তোমাদের দৃষ্টি সর্বদা অবনত রাখবে। দৃষ্টি অবনত থাকলে অবাধ মেলামেশায় নিশ্চয়ই এক অন্তরায় সৃষ্টি হবে। এরপর রয়েছে অশ্লীলতায় লিপ্ত না হওয়ার নির্দেশ। যেসব অশ্লীল ও নোংরা ছবি তারা দেখে, উক্ত নির্দেশ মেনে চলার ফলে সেগুলো দেখাতেও এক অন্তরায় সৃষ্টি হবে। এছাড়া স্বাধীনতার নামে যারা এসব বিষয়ের প্রতি আকর্ষণ বা আগ্রহ রাখে, নিজেদের কল্পকাহিনী শুনায় এবং অন্যদেরকে এদিকে প্রলুক করে, তোমরা এমন লোকদের সাথে উঠা-বসা করবে না। Skype বা Facebook, ইত্যাদির মাধ্যমে নারী বা পুরুষ একে অপরের সাথে আলাপচারিতায় মন্ত হবে না, একে অপরের চেহারাও দেখবে না এবং এগুলোকে পরম্পরের সাথে সম্পর্ক গড়ার মাধ্যমও বানাবে না। কেননা, আল্লাহ্ তাঁলা বলেন, প্রকাশ্য বা অপ্রকাশ্য সকল অশ্লীলতার পরিণামে তোমরা কু-প্রবৃত্তির স্রোতে ভেসে যাবে। তোমাদের চিন্তা-চেতনা ও কাঞ্জড়ান লোপ পাবে এবং অবশেষে আল্লাহ্ তাঁলার আদেশ অমান্য করার কারণে তোমরা তাঁর অসম্মতিকে আমন্ত্রণ জানাবে।

(খুতবা জুমুআ, ০২ অগস্ট ২০১৩, বায়তুল ফতুহ, লঙ্ঘন;

আল ফযল ইন্টারন্যাশনাল, ২৩ আগস্ট ২০১৩)

‘Facebook’ ব্যবহারে সাবধানতা অবলম্বনের বিভিন্ন দিক

ওয়াকফে নও ক্লাসের এক প্রশ্নাত্তর সভায় Facebook সম্পর্কে জনেক কিশোরীর এক প্রশ্নের উত্তরে হ্যুর (আই.) বলেন,

“আমি এ কথা বলি নি যে, এটি না ছাড়লে তুমি পাপাচারী বলে পরিগণিত হবে, বরং আমি বলেছিলাম, এর কল্যাণ নিতান্তই কম বরং ক্ষতি অনেক বেশী। আজকাল যেসব ছেলেমেয়ে Facebook ব্যবহার করে, তারা এর মাধ্যমে এমন এক পর্যায়ে পৌঁছে যায়, যেখানে পাপের বিস্তার ঘটতে থাকে। ছেলেরা সম্পর্ক গঠে। কোন কোন ক্ষেত্রে মেয়েরা ফেঁসে যায় আর Facebook-এ নিজেদের বেপর্দা বা অশালীন ছবি পোস্ট করে বসে। ধরুন, আপনি অকৃত্রিম ও ঘরোয়া পরিবেশে নিজের ছবি বান্ধবীকে পাঠালেন। সেই ছবি সে তার ফেসবুকে পোস্ট করে দিল আর এটি ছড়াতে ছড়াতে হামবুর্গ (জার্মানির শহর) থেকে বেরিয়ে নিউইয়র্ক এবং অন্তেলিয়াতে পৌঁছে গেল; এরপর সেখান থেকে পরস্পরের যোগাযোগ আরভ হয়ে যায়। অধিকন্তু নারী ও পুরুষের গ্রুপ তৈরী হয় আর ছবি বিকৃত করে ব্ল্যাকমেইল করা হয়। এভাবে অপকর্ম বা নোংরামি অনেক বেশি ছড়ায়, তাই অশ্লীলতার ধারেপাশে না যাওয়াই উত্তম।”

হ্যুর আনোয়ার (আই.) আরো বলেন,

“আমার কর্তব্য কেবল উপদেশ প্রদান করা। কুরআন শরীফ বলে, উপদেশ দিতে থাকো, যারা মানবে না তাদের পাপ তাদেরই ওপর বর্তাবে। ফেসবুকে তবলীগ করতে হলে করুন। আল্লাহস্লাম ওয়েব সাইটে এটি রয়েছে। তবলীগের জন্য সেখানে এটি ব্যবহৃত হয়।”

হ্যুর (আই.) আরো বলেন,

“মেয়েরা সহজেই প্রতারিত হয়। অচেনা কেউ তোমার প্রশংসা করলে তুমি নির্বিধায় তাকে বলে দিবে, ‘তোমার চেয়ে ভালো মানুষ আর হয় না’। অথচ পিতামাতা যদি উপদেশ দেন তাহলে তুমি বলবে, আমি জার্মানিতে লেখাপড়া করেছি আর আপনারা তো কোন এক গ্রাম থেকে উঠে এসেছেন!”

একটি হাদীসের বরাতে হ্যুর (আই.) বলেন,

“**أَرْثَاءً أَرْتَهُ أَلْحِبْبَةُ صَالَةُ الْبُؤْمَنِ**”
পাও -তা গ্রহণ কর। এদের সব আবিক্ষার ভালো নয়। যারা কথা মানে না, তারা পরবর্তীতে কাঁদতে কাঁদতে আমাকে চিঠি লিখে যে, ভুল হয়ে গেছে, আমাদেরকে অমুক জায়গায় ফাঁদে ফেলা হয়েছে, ইত্যাদি ইত্যাদি। ...যে ব্যক্তি এই Facebook

বানিয়েছে, সে নিজেই এটি বানানোর উদ্দেশ্য সম্পর্কে বলেছে যে, প্রতিটি ব্যক্তিকে উলঙ্গ করে পৃথিবীর সামনে তুলে ধরাই হলো এর মূল উদ্দেশ্য। আহমদী মেয়েরা কি উলঙ্গ হওয়া পছন্দ করবে? এরপরও যে মানতে না চায়, সে না মানুক।

(ওয়াকেফাতে নও ক্লাস, ০৮ অক্টোবর ২০১১, মসজিদ বায়তুর রশীদ, জার্মানি;
আল ফযল ইন্টারন্যাশনাল, ০৬ জানুয়ারি ২০১২)

তবলীগের জন্য মেয়েরা শুধুই মেয়েদের সাথে যোগাযোগ করবে

ভ্যুর আনোয়ার (আই.) বার বার এই উপদেশ দিয়েছেন যে, তবলীগের জন্য আহমদী মেয়েদের যোগাযোগ কেবল মেয়েদের সাথেই হওয়া উচিত। এ বিষয়ে লাজনা ইমাইল্লাহর কর্মকর্তাদের নসীহত করে ভ্যুর (আই.) বলেন,

“লাজনার তবলীগ বিভাগের উচিত, মহিলা ও মেয়েদের সমষ্টিয়ে কিছু ‘তবলীগ টিম’ গঠন করা এবং তাদেরকে তবলীগের কাজে লাগানো। তবে একটি কথা আলোভাবে স্মরণ রাখা উচিত যে, মেয়েরা যেন কেবল মেয়েদের বা মহিলাদের সাথেই তবলীগের জন্য যোগাযোগ করে। তবলীগের উদ্দেশ্যে কিছু লোকের সাথে ইন্টারনেটের মাধ্যমে যোগাযোগ হয়ে থাকে; সেক্ষেত্রে মহিলাদের যোগাযোগ কেবল মেয়েদের ও নারীদের মাঝেই সীমাবদ্ধ রাখতে হবে। পুরুষদের মাঝে তবলীগের কাজটি পুরুষদের ওপরই ছেড়ে দিন। অন্যথায় কোন কোন সময় কিছু অনভিপ্রেত বিষয়াদি সামনে আসে। বাহ্যৎঃ বলা হয়, আমি তবলীগ করছি, কিন্তু অনেক সময় দেখা গেছে এবং অভিজ্ঞতা বলে যে, ইন্টারনেটে যোগাযোগে এমনকিছু ফলাফল প্রকাশ পায়, যা কোনভাবে এক আহমদী মেয়ে ও মহিলার শোভা পায় না।

এছাড়া কলেজ এবং ইউনিভার্সিটির শিক্ষানবিশ মেয়েদের উচিত, কোন ধরনের দ্বিধাদন্ত ও হীনমন্যতার শিকার না হয়ে নিজেদের সম্পর্কে এবং ইসলাম সম্পর্কে সহপাঠী মেয়েদের সাথে আলোচনা করা। নিজেদের সঠিক পরিচয় তুলে ধরুন, এভাবে ইসলামের পরিচিতি ফুঁটে উঠবে।”

(আন্তেলিয়ার সালানা জলসায় মহিলাদের উদ্দেশ্যে ভাষণ, ১৫ এপ্রিল ২০০৬;
আল ফযল ইন্টারন্যাশনাল, ১২ জুন ২০১৫)

তবলীগ করার জন্য অনেক আহমদী মেয়ে ইন্টারনেট প্রভৃতির ওপর নির্ভর করে আর মনে করে যে, সরাসরি তবলীগ করার পরিবর্তে এ মাধ্যম অধিক নিরাপদ ও কার্যকরী; কিন্তু পরবর্তিতে এরও নেতৃত্বাচক দিকসমূহ প্রকাশ পেতে শুরু করে।

আধুনিক প্রযুক্তির যুগে পর্দা সংক্রান্ত ইসলামী শিক্ষার প্রয়োগ কীভাবে সম্ভব? এ বিষয়ে এক খুতবায় আহমদী মহিলাদের দৃষ্টি আকর্ষণ করে হ্যুর (আই.) খুবই কার্যকরী এক নসীহত প্রদান করেছেন। তিনি (আই.) বলেন,

“এখন আমি ইন্টারনেট সম্পর্কেও (কথা) বলতে চাই, যার মাধ্যমে অবাধে চ্যাটিং করাটাও পর্দাহীনতার শামিল। ইন্টারনেট খুলে চ্যাটিং যখন আরম্ভ করেন, অনেক সময় বুঝা যায় না যে, অপর প্রাণ্তে কে আছে? এখানে আমাদের মেয়েরা বসে আছে (তা আমরা জানি কিন্তু ইন্টারনেটে) অপর প্রাণ্তে ছেলে না মেয়ে, তা জানা যায় না। অনেক ছেলেরা নিজেদের পরিচয় গোপন রেখে মেয়েদের সাথে মেয়ে সেজে চ্যাটিং বা আলাপচারিতা চালিয়ে যায়।

তেমনিভাবে আমি জানতে পেরেছি, (কোন সময়) মেয়ে মনে করে কথাবার্তা আরম্ভ হয়, এরপর জামা'তের পরিচয় দেয়া আরম্ভ হয়ে যায় আর আহমদী মেয়ে খুশী হয়ে যায় যে, আমি তবলীগ করছি। কিন্তু সে জানে না, অন্য প্রাণ্তে থাকা মেয়েটির উদ্দেশ্য কী! যদিও আপনার উদ্দেশ্য সৎ, কিন্তু ইন্টারনেটের অপর প্রাণ্তে মেয়ে সেজে যে ছেলেটি বসে আছে তার উদ্দেশ্য কী- তা আপনি জানেন না। ধীরে ধীরে বিষয় এমন পর্যায়ে গিয়ে ঠেকে যে, ছবির আদান প্রদানও শুরু হয়ে যায়। ছবি দেখানো অনেক বড় পর্দাহীনতার কাজ। কোন কোন ক্ষেত্রে এভাবে ঘটনা বিয়ে পর্যন্ত গড়িয়েছে! সুতরাং আমি যেমনটি বলেছি, (এসবের কারণে) ভয়ানক পরিণতি প্রকাশ পেয়েছে। এমন বিয়েগুলো অধিকাংশ ক্ষেত্রে স্বল্পতম সময়েই ভেঙে যায়।

মনে রাখবেন! তবলীগ করতে হলে বা দাওয়াতে ইলাল্লাহ'র কাজ করতে হলে, মেয়েরা কেবল মেয়েদেরকেই তবলীগ করবেন, ছেলেদের তবলীগ করার প্রয়োজন নাই। এ কাজটি ছেলেদের জন্য ছেড়ে দেন। কেননা, পূর্বেও আমি এ প্রসঙ্গে বলেছি যে, এটি একটি সামাজিক ব্যাধি, যার ভয়ানক পরিণতি প্রকাশ পাচ্ছে।”

(লাজনা ইমাইল্লাহ যুক্তরাজ্যের বার্ষিক ইজতেমায় মহিলাদের উদ্দেশ্যে ভাষণ,

১৯ অক্টোবর ২০০৩; আল ফযল ইন্টারন্যাশনাল, ১৭ এপ্রিল ২০১৫)

ইন্টারনেট এবং সোশাল মিডিয়ার নেতৃত্বাচক ব্যবহারের ফলে জামা'তের বাইরে বিয়ে এবং নতুন প্রজন্মের দুঃখজনক পরিণতি

কতক আহমদী মেয়ে এবং মহিলার ইন্টারনেটের মাধ্যমে অ-আহমদী পুরুষদের সাথে শুরু হওয়া পারস্পরিক যোগাযোগ শেষ পর্যন্ত বিয়েতে গঠিয়েছে। কিন্তু অল্প সময়ের ব্যবধানেই এরূপ বিয়েগুলোর অনুমেয় বা স্বাভাবিক নেতৃত্বাচক পরিণতি প্রকাশ পাওয়া আরম্ভ হয়ে যায়। এর ফলে পরবর্তী প্রজন্মের আহমদীয়াত থেকে দূরে সরে যাওয়ার ভয়ানক পরিণতির দিকও সামনে আসতে থাকে। অত্যন্ত গুরুত্বপূর্ণ এ বিষয়ে আহমদী মহিলাদেরকে সর্তক করে হ্যুর আনওয়ার (আই.) বলেন,

“ইন্টারনেট হলো আজকের যুগের বিষয়, কিন্তু এর পূর্বেও যেসব মহিলা অ-আহমদী পুরুষের সাথে বিয়ে করেছে, তারা উৎকর্ষ ও আক্ষেপের বাহিংপ্রকাশ করে লিখে থাকে যে, জামা'তের বাইরে বিয়ে করে আমরা ভুল করেছি। প্রধানতঃ সন্তানরা অ-আহমদী পিতার প্রতি অধিক আকৃষ্ট থাকে, কেননা এতে স্বাধীনতা বেশি ভোগ করা যায়। আবার কোন কোন ক্ষেত্রে মেয়েরা মায়ের প্রভাবাধীন হয়ে অল্প বিস্তর জামা'তের সাথে সম্পর্ক রাখলেও পিতা তাদেরকে অ-আহমদীর মাঝেই বিয়ে করতে বাধ্য করে। কোন কোন মেয়ে পিতার বিরুদ্ধে অবস্থান নেয়। তারা (অর্থাৎ এমন মেয়েরা) লিখে, আমরা জামা'তের বাইরে বিয়ে করতে চাই না, আমাদের সাহায্য করা হোক; কিন্তু প্রায়শঃই তারা বাইরে বিয়ে করতে বাধ্যই হয়। তাই পিতামাতা উভয়েই এ বিষয়ের প্রতি দৃষ্টি রাখবেন যেন এভাবে ইন্টারনেটে অবাধ যোগাযোগ না হয়। তাদেরকে স্নেহের সাথে ও শান্তভাবে বুঝান। যেসব মেয়ে বুঝার বয়সে পদার্পণ করেছে, তারা নিজেরাও উপলব্ধি করুণ। নতুবা মনে রাখবেন, আহমদী মায়ের গর্ভে জন্ম নেয়া সন্তানকে আপনারা নিজেরাই অন্যের কোলে তুলে দেবেন। আপনারা নিজেদের প্রতি আর নিজেদের বংশধরদের প্রতি কেন এমন অবিচার করছেন?

(লাজনা ইমাইল্লাহ যুক্তরাজ্যের বার্ষিক ইজতেমায় মহিলাদের উদ্দেশ্যে ভাষণ,
১৯ অক্টোবর ২০০৩; আল ফযল ইন্টারন্যাশনাল, ১৭ এপ্রিল ২০১৫)

জামা'তের যুব-সম্প্রদায়ের জন্য পথ নির্দেশনা

- জামা'তের যুব-সম্প্রদায়কে ইসলামী শিক্ষা মেনে চলার তাগিদপূর্ণ নির্দেশ
- দৃষ্টি সংযত রাখা, কুপ্রবৃত্তির বিরুদ্ধে জিহাদ বিশেষ
- অভ্যাস- সংশোধনের পথে বাধ সাধে
- পাপমুক্ত থাকার জন্য পূর্ণসূন্নীন দোয়া

যুব-সম্প্রদায়কে ইসলামী শিক্ষা মেনে চলার তাগিদপূর্ণ নির্দেশ

আহমদী যুব-সম্প্রদায় ও শিশুদেরকে হ্যাঁর আনোয়ার (আই.) বারংবার জামাতি রীতিনীতি এবং নিজেদের অঙ্গীকারের কথা দৃষ্টিপটে রেখে জীবনযাপনের নির্দেশ দিয়েছেন। যেমন- মজলিস খোদামুল আহমদীয়া ভারতের বার্ষিক ইজতেমা উপলক্ষ্যে এক বিশেষ বার্তায় তাদেরকে উপদেশ দিতে গিয়ে হ্যাঁর আনোয়ার (আই.) বলেন:

“আপনারা ইজতেমা ও সভাগুলোতে এই অঙ্গীকারের পুনরাবৃত্তি করে থাকেন যে, ধর্মকে জাগতিকতার ওপর প্রাধান্য দিব; তাই প্রত্যেকের উচিত, নিয়মিত কুরআন তেলাওয়াতের বিষয়টি নিশ্চিত করা। কেননা, এটি হলো সেই আধ্যাত্মিক জ্যোতি, যা আমাদেরকে সত্যিকার অর্থেই ধর্মকে জাগতিকতার ওপর প্রাধান্য দেয়ার শিক্ষা দেয়। পবিত্র কুরআন আমাদেরকে জানিয়েছে যে, সফল মু’মিন বিগলিত চিন্তে ও আকৃতি-মিনতির সাথে নামায পড়ে থাকে। তাই পাঁচ বেলার নামাযকে আপনাদের সবার জীবনের মূল লক্ষ্য নির্ধারণ করা উচিত এবং নামায যথাসাধ্য জামা’তের সাথে পড়া উচিত। কেননা, জামা’তের সাথে নামায পড়ার পুণ্য বা প্রতিদান একাকী নামায পড়ার তুলনায় চের বেশি। জামা’তবন্ধ নামায একতা ও ঐক্য প্রতিষ্ঠার মাধ্যম হিসেবে কাজ করে আর জামা’ত মু’মিনদের সংহতি ও শক্তির বহিঃপ্রকাশ ঘটায়। এছাড়া আপনাদের ইজতেমাগুলো পুণ্য ও তাকওয়ার ক্ষেত্রে পরম্পরের মাঝে প্রতিযোগীতামূলক হওয়া উচিত। খোদাম এবং বড় আতফালের উচিত, সর্বদা ভালো বন্ধু এবং সৎসঙ্গ অবলম্বন করা।

এছাড়া ইন্টারনেট এবং সোশাল মিডিয়ার অবৈধ ব্যবহার সর্বত্র ছড়িয়ে পড়ছে। মন-মস্তিষ্কে যদি কোন জিনিস বা কাজের ক্ষতিকর প্রভাব পড়ে, তবে পবিত্র কুরআনের নীতি অনুযায়ী তা বাজে বা বৃথাকর্ম বলে গণ্য হবে। অথচ মু’মিনের বৈশিষ্ট্য হলো, সে বৃথা কার্যকলাপ এড়িয়ে চলে।

একইভাবে পবিত্রতা ও শালিনতা বা লজ্জাশীলতা বজায় রাখা পুরুষদের জন্যও আবশ্যিক। তাদের জন্য নির্দেশ হলো, দৃষ্টি সংযত রাখার দাবি অনুসারে তারা যেন চোখ অবনত রাখে এবং নোংরা চিন্তাভাবনা ও মন্দ বাসনা থেকে মন-মস্তিষ্ককে পবিত্র রাখে। ইসলামের প্রতিটি নীতি অত্যন্ত প্রজ্ঞাপূর্ণ ও দৃঢ় ভিত্তির ওপর প্রতিষ্ঠিত। দৃষ্টি সংযত রাখার এ নীতির মাধ্যমে ইসলাম আত্মসংবরণের শিক্ষা দেয়। অতএব স্মরণ রাখবেন! পবিত্রতা হলো একজন খাদেমের আবশ্যিক চারিত্রিক বৈশিষ্ট্য, যার মাধ্যমে আপনারা আধ্যাত্মিক উন্নতি সাধন করতে পারেন।”

(ভারতের খোদামুল আহমদীয়া ও আতফালুল আহমদীয়ার বার্ষিক ইজতেমা উপলক্ষ্যে
প্রেরিত বার্তা, ১০ অক্টোবর ২০১৭; সাংগীতিক বদর, কাদিয়ান, ০২ নভেম্বর ২০১৭)

খোদামুল আহমদীয়ার সদস্যদের উদ্দেশ্যে প্রদত্ত বক্তব্যে, যুবকদের উন্নত
গুণবলীসমৃদ্ধ হয়ে রিপুর ওপর নিয়ন্ত্রণ বজায় রাখার বিষয়ে উপদেশ দিতে গিয়ে
হ্যাঁ আনোয়ার (আই.) অত্যন্ত ঘৃত্তিপ্রাণসমৃদ্ধ ও প্রজ্ঞাপূর্ণ নসীহত করে বলেন:

“এছাড়া আরো কিছু মন্দকর্ম ও পাপ রয়েছে যেগুলো বর্তমান সমাজে চারিত্রিক
ব্যাধি ছড়ানোর কারণ হচ্ছে। পরিতাপের বিষয় হলো, প্রতিনিয়ত এগুলো বেড়েই
চলেছে। উদাহরণস্বরূপ, ইন্টারনেট এবং সোশাল মিডিয়ার ভাস্তু ব্যবহার সর্বত্র
বিস্তার লাভ করছে, যাতে ছেলে এবং মেয়েদের পারস্পরিক অসংগত অনলাইন
চ্যাটিংও অন্তর্ভুক্ত। একইভাবে ইন্টারনেটের মাধ্যমে বাজে ও নোংরামীতে ভরা
চলচিত্র দেখা হয়, যাতে অন্তর্ভুক্ত রয়েছে পর্ণোগাফী বা নীল ছবিও। ধূমপান এবং
মাদকের ব্যবহারও ক্রমবর্ধমান বা প্রসারমান পাপগুলোর একটি।

এছাড়া এ কথাও স্মরণ রাখবেন যে, অনেক সময় বৈধ উপকরণের অবৈধ ব্যবহারও
ক্ষতিকর হতে পারে। এর একটি উদাহরণ হলো, এক ব্যক্তি মাঝেরাত পর্যন্ত টিভি
দেখতে থাকে অথবা ইন্টারনেটে কাজ করতে গিয়ে রাত জাগে, যার ফলে তার
ফ্যারের নামায নষ্ট হয়ে যায়। সে ভালো প্রোগ্রাম দেখলেও ফলাফল যা বের হয়,
তাহলো সে পুণ্য ও তাকওয়া থেকে দূরে ছিটকে পড়ে। অতএব এই দৃষ্টিকোণ
থেকে বৈধ একটি কর্মও পাপাচারভুক্ত হলো, যা একজন সত্যিকার মুসলিমানের
মান-মর্যাদার সাথে একেবারেই খাপ খায় না।

অতএব, কারো মন-মন্তিকে কোন কাজের বিষাক্ত বা ক্ষতিকর প্রভাব পড়লে পবিত্র
কুরআনের শিক্ষা অনুসারে সেই কাজ বা বিষয় বৃথাকর্ম বলেই গণ্য হবে।”

সূরা মু’মিনুনের ৬ নম্বর আয়াতের বরাতে হ্যাঁ আনোয়ার (আই.) আরো বলেন—
“আল্লাহ তা’লা মু’মিনের আরো একটি বৈশিষ্ট্যের উল্লেখ করেছেন আর বলেছেন-

وَالَّذِينَ هُمْ لِفُرُوضٍ جِهَمْ حَفْظُونَ

অর্থাৎ— এবং তারা নিজেদের লজ্জাস্থানের সুরক্ষা করে। (সূরা আল মু’মিনুন: ০৬)

নিজের সতীত্ব ও সম্ম-শালীনতা বজায় রাখা কেবল একজন মহিলারই দায়িত্ব নয়,
বরং পুরুষদের জন্যও অবশ্য কর্তব্য। নিজের পবিত্রতা বজায় রাখার অর্থ কেবল এটি
নয় যে, বিবাহিত জীবনের বাইরে এক ব্যক্তি অবৈধ যৌনাচার এড়িয়ে চলবে, বরং
হ্যাঁ মসীহ মওউদ (আ.) আমাদেরকে এর এ অর্থ শিখিয়েছেন যে, একজন
মু’মিনের উচিত তার চক্ষু ও কর্ণকে এমন সব বিষয় থেকে সর্বদা পবিত্র রাখা, যা

অসঙ্গত এবং যা নৈতিক দৃষ্টিকোণ থেকে পাপ বিশেষ। যেভাবে আমি বলেছি, একটি অত্যন্ত নোংরা ও বাজে বিষয় হলো Pornography তথা অশ্লীল চলচ্চিত্র। এটি দেখা নিজের চোখ ও কানের শালীনতা ও পবিত্রতা জলাঞ্জলী দেয়ার নামান্তর। পবিত্রতা ও শালীনতার নিরিখে ছেলে ও মেয়েদের পারস্পরিক অবাধ ও লাগামহীন মেলামেশা এবং তাদের পারস্পরিক অবৈধ সম্পর্ক ও অসঙ্গত বন্ধুত্ব ইসলামী শিক্ষার পরিপন্থি।”
 (খোদামুল আহমদীয়া যুক্তরাজ্যের বার্ষিক ইজতেমায় যুবকদের উদ্দেশ্যে প্রদত্ত ভাষণ;
 ২৬ সেপ্টেম্বর ২০১৬; সাঙ্গাহিক বদর, কাদিয়ান, ০৭ সেপ্টেম্বর ২০১৭)

দৃষ্টি সংযত রাখা কুপ্রবৃত্তির বিরুদ্ধে এক প্রকার জিহাদ

বর্তমান যুগ তরবারির জিহাদের যুগ নয়, বরং কুপ্রবৃত্তির বিরুদ্ধে সংশোধনমূলক জিহাদের যুগ। পবিত্র কুরআনের নির্দেশাবলী অনুসরণের মাধ্যমেই পুণ্যের পথে অবিচল থাকা সম্ভব। এ প্রেক্ষাপটে রিপুর নিয়ন্ত্রণ ও দৃষ্টি অবনত রাখার গুরুত্ব বর্ণনা করতে গিয়ে হ্যাঁর আনোয়ার (আই.) তাঁর এক জুমুআর খুতবায় বলেন:

“আমাদের আহমদীদের সর্বদা স্মরণ রাখা উচিত যে, এ যুগ খুবই ভয়ঙ্কর এক যুগ। শয়তান সব দিক থেকেই প্রবল আক্রমণ হানছে। মুসলমানরা আর বিশেষত সব আহমদী মুসলমান পুরুষ ও মহিলা এবং যুবক মিলে ধর্মীয় মূল্যবোধ বজায় রাখার চেষ্টা যদি না করে, তবে আমাদের বাঁচার কোন নিশ্চয়তা নেই। আমরা অন্যদের চেয়ে আল্লাহ তা’লার বেশি শাস্তি-যোগ্য হয়ে যাব। কেননা, আমরা সত্য চিনেছি-বুঝেছি, হ্যাঁরত মসীহ মওউদ (আ.) আমাদেরকে বুঝিয়েছেন, তবুও আমরা তা মেনে চলি নি। তাই আমরা যদি নিজেদেরকে ধ্বংসের হাত থেকে রক্ষা করতে চাই, তাহলে প্রতিটি ইসলামী শিক্ষার প্রতি পূর্ণ আস্ত্রশীল হয়ে পৃথিবীতে জীবন কাটানো আবশ্যক। এটি মনে করবেন না যে, উন্নত বিশ্বের এই উন্নতিই আমাদের উন্নতি ও জীবনের নিশ্চয়তা আর এর সাথে তাল মিলিয়ে চলার মাঝেই আমাদের স্থায়িত্ব নিহিত। উন্নত এসব জাতি তাদের উন্নতির চরম শিখরে পৌঁছে গেছে, কিন্তু তাদের নৈতিক দুর্দশা ও নৈতিকতা-বিবর্জিত কর্মকাণ্ড তাদেরকে রসাতলে নিয়ে যাচ্ছে এবং এর লক্ষণাবলী প্রকাশ পেয়ে গেছে। এরা আল্লাহ তা’লার ক্ষেত্রে আমন্ত্রণ জানাচ্ছে এবং নিজেদের ধ্বংস ডেকে আনছে। অতএব এমন ভয়াবহ পরিস্থিতিতে তাদের রঙে রঙিন হওয়ার পরিবর্তে মানবিক সহানুভূতির অধীনে সঠিক পথের দিশা দিয়ে তাদেরকে রক্ষা করার চেষ্টা আমাদেরকেই করতে হবে। এসব লোকের সংশোধন যদি না হয়, যা তাদের দাস্তিকতা ও ধর্মের সাথে দূরত্বের কারণে বাহ্যত খুবই কঠিন মনে হয়, তবে (জেনে রাখুন) অদূর ভবিষ্যতে বিশ্বের উন্নতির ক্ষেত্রে কেবল সেসব জাতিই ভূমিকা রাখতে সক্ষম হবে যারা নৈতিক ও ধর্মীয় মূল্যবোধকে সমুন্নত রাখবে।

অতএব, যেভাবে আমি পূর্বেও বলেছি, বিশেষভাবে আমাদের যুব-শ্রেণির আল্লাহ্‌তা'লার মনোনীত শিক্ষার প্রতি গভীরভাবে মনোনিবেশ করা আবশ্যক। জগতের মোহে আকৃষ্ট হয়ে এর অন্ধ অনুকরণের পরিবর্তে বরং জগতকেই নিজেদের পিছনে পরিচালিত করতে হবে।”

ହୃଦୟର ଆନୋଡାର (ଆଇ.) ଆରୋ ବଲେନ,

“ইসলামের উন্নতির জন্য এমন প্রতিটি বিষয়ই আবশ্যিক, যার নির্দেশ খোদা এবং তাঁর রসূল (সা.) দিয়েছেন। পর্দার শিক্ষা কেবল নারীদের জন্যই প্রযোজ্য নয়। ইসলামী অনুশাসন কেবল নারীদের জন্যই নয়, বরং নর-নারী উভয়ের জন্যই প্রযোজ্য। লজ্জাবোধ ও পর্দার নির্দেশ আল্লাহ তা’লা প্রথমে পুরুষদেরকেই দিয়েছেন। তিনি বলেন,

قُلْ لِلّٰمُوْمِنِينَ يَعْضُواْ مِنْ أَبْصَارِهِمْ وَيَحْفَظُواْ فِرْجَهُمْ ذٰلِكَ آذٰنٰكٰ لَهُمْ ط
إِنَّ اللّٰهَ خَيْرٌ مِمَّا يَصْنَعُونَ

ଅର୍ଥାତ୍ - ତୁ ମୁଁ ମିନଦେରକେ ବଲେ ଦାଓ ଯେ, ତାରା ଯେଣ ଦୃଷ୍ଟି ଅବନତ ରାଖେ ଏବଂ ଲଜ୍ଜାହାନେର ହେଫୋଯତ କରେ, ଏହି ତାଦେର ଜନ୍ୟ ଅଧିକତର ପରିବର୍ତ୍ତତାର କାରଣ । ସାଥୀ କିଛି ତାରା କରେ, ନିଶ୍ଚଯ ଆଲ୍ଲାହୁ ସେ ବିଷୟେ ସବିଶେଷ ଅବହିତ । (ସୂରା ଆନ୍ ନୂର: ୩୧)

সর্বপ্রথম আল্লাহ্ তা'লা মু'মিন পুরুষদেরকে সমোধন করেছেন যে, ‘গায়্যে বাসার’ বা দৃষ্টি অবনত রাখার পদ্ধতি অবলম্বন কর। কিন্তু কেন? এর কারণ হলো **لَهُ مَنْ يُرِكُّ**—কেননা, পবিত্রতার জন্য এটি আবশ্যিক। পবিত্রতা না থাকলে খোদাকে পাওয়া যায় না। তাই নারীর পর্দার (কথা বলার) পূর্বে পুরুষদেরকে বলেছেন যে, এমন প্রতিটি বিষয় এড়িয়ে চল যার ফলে তোমাদের কামনা-বাসনা কুৎসিতভাবে মাথাচাড়া দেয়ার আশঙ্কা থাকে। বাছবিচার না রেখে মহিলাদেরকে দেখা, তাদের সাথে মেলামেশা করা (mix up), নোংরা চলচিত্র দেখা, না-মাহরাম (অর্থাৎ যাদের সাথে বিবাহ বৈধ এমন) নারীর সাথে Facebook অথবা অন্য কোন মাধ্যমে চ্যাট করার মত বিষয়গুলো— পবিত্রতার গান্ধিতে কখনো সীমাবদ্ধ থাকে না। এজন্য অনেক জায়গায় হ্যরত মসীহ মওউদ (আ.) এ বিষয়ে স্পষ্টভাবে নসীহত করেছেন। এক স্থানে তিনি (আ.) বলেন,

“এটি সেই খোদারই বাণী, যিনি পরিষ্কার ও সুস্পষ্ট ভাষায় আমাদেরকে প্রতিটি কথা, কর্ম এবং চালচলন ও আচরণে সুনির্দিষ্ট ও সুবিদিত সীমারেখার ওপর প্রতিষ্ঠিত করেছেন আর মানবীয় শিষ্টাচার ও পবিত্র জীবনযাপনের রীতি শিখিয়েছেন। তিনিই সেই সন্তা যিনি চোখ, কান, জিহ্বা ও বিভিন্ন অঙ্গপ্রত্যঙ্গের সুরক্ষার জন্য একান্ত তাকিদপূর্ণ নির্দেশ দিয়ে বলেছেন,

قُلْ لِلّمُؤْمِنِينَ يَعْصُوْا مِنْ أَبْصَارِهِمْ وَيَخْفَظُوا فِرْوَجَهُمْ ذَلِكَ آزْكِ لَهُمْ
 (সূরা আল নুর: ৩১)

অর্থাৎ মু’মিনদের উচিত, তাদের চোখ, কান এবং লজ্জাস্থানগুলোকে না-মাহরাম (অর্থাৎ যাদের সাথে বৈবাহিক সম্পর্ক বৈধ) তাদের কবল থেকে রক্ষা করা আর প্রত্যেক অদর্শনীয়, অশ্রাব্য ও অকরণীয় বিষয় থেকে বিরত থাকা। এ রীতি তাদের অভ্যন্তরীণ পরিব্রহ্মাতার কারণ হবে, অর্থাৎ তাদের হৃদয় প্রবৃত্তির বিভিন্ন প্রকার অবৈধ আকর্ষণ থেকে মুক্ত থাকবে। কেননা এসব অঙ্গপ্রত্যঙ্গই অধিকাংশ ক্ষেত্রে প্রবৃত্তির কামনা বাসনাকে উদ্বৃষ্ট করে এবং পাশবিক ইন্দ্রিয়কে পরীক্ষার মুখে ঠেলে দেয়। এখন দেখুন! পবিত্র কুরআন না-মাহরামদের এড়িয়ে চলার ওপর কত জোর দিয়েছে এবং কত স্পষ্টভাবে বর্ণনা করেছে যে, বিশ্বাসীরা যেন তাদের চোখ, কান ও লজ্জাস্থানকে নিয়ন্ত্রণে রাখে এবং অপবিত্র স্থান ও অপবিত্র উপলক্ষ্য যেন এড়িয়ে চলে।”

(বারাহীনে আহমদীয়া, রহনী খায়ায়েন, ১ম খণ্ড, পৃ. ২০৯ টিকা)

(খুতবা জুমুআ, ১৩ জানুয়ারি ২০১৭, বায়তুল ফতুহ, লগুন;
 আল ফযল ইন্টারন্যাশনাল, ৩ ফেব্রুয়ারি ২০১৭)

অভ্যাস- সংশোধনের পথে বাধ সাধে

ব্যবহারিক সংশোধনের দিকে অগ্রসর হওয়ার ক্ষেত্রে বড় একটি বাধা হলো পুরোনো বা নিত্যকার অভ্যাস। গুরুত্বপূর্ণ এই বিষয়টি সম্পর্কে হ্যুম আনোয়ার (আই.) বলেন,

“একদা এক ব্যক্তির সব কথায় গালি দেয়ার অভ্যাস ছিল। অনেক সময় সে নিজেই বুঝত না যে, সে গালি দিচ্ছে। তার বিরংদে হ্যুম মুসলেহ মওউদ (রা.)-এর নিকট কেউ একজন অভিযোগ করলে তিনি (রা.) তাকে ডেকে জিজেস করলেন- শুনলাম, আপনি নাকি খুব মুখ খারাপ করেন বা গালি দেন? একথা শোনা মাত্রই সে তাকে গালি দিয়ে বসল আর বলল- কে বলে যে আমি মুখ-খারাপ করি। সুতরাং বদঅভ্যাসের কারণে মানুষ কী বলছে, তা বুঝতেই পারে না। কোন কোন মানুষের অভ্যাস পুরোপুরিই বদলে যায়। অভ্যাসের কারণে তাদের চেতনাই লোপ পেয়ে যায়। কিন্তু মানুষ যদি চেষ্টা করে, তাহলে হারানো বা অবলুপ্ত সেই চেতনাবোধ পুনর্বহাল করা যেতে পারে এবং সংশোধনও সম্ভব।

যাহোক, ব্যবহারিক অবস্থার অবনতির ক্ষেত্রে অভ্যাসের অনেক বড় ভূমিকা রয়েছে। বর্তমানে আমরা লক্ষ্য করছি, বাজে চলচিত্র দেখার আগ্রহ খুব বেশি।

মানুষ ইন্টারনেটে আসক্ত, আর কিছু লোকের অবস্থা এমন, যেন তারা নেশান্ত। নাওয়া খাওয়া ভুলে গিয়ে তারা চলচিত্র দেখছে তো দেখছেই, ইন্টারনেটে বসা তো বসেই থাকবে। মুম পেলেও তারা বসে বসে দেখতেই থাকবে। এমন লোকও আছে যারা স্তী-সন্তানের প্রতিও ভঙ্গেপ করে না। অতএব ব্যবহারিক সংশোধনের ক্ষেত্রে এসব অভ্যাস অনেক বড় বাধা হিসেবে কাজ করে থাকে।”

হ্যাঁ আনোয়ার (আই.) আরো বলেন,

“মহিলাদের জন্যও আমি একটি উদাহরণ দেবো- পর্দা ও লজ্জাবোধের বিষয়টিকে নিন। একবার যদি এটি হারিয়ে যায় তাহলে এর পরিণাম অনেকদূর পর্যন্ত গড়ায়। আমি জানতে পেরেছি বয়োজ্যষ্ঠ কিছু মহিলা সম্প্রতি পাকিস্তান থেকে অস্ট্রেলিয়ায় তাদের সন্তানদের কাছে গিয়েছিলেন। তারা যখন দেখেন যে তাদের মেয়েরা পর্দা করে না, তখন পর্দার কথা বলতে গিয়ে তারা তাদেরকে বলেন, কমপক্ষে শালীন পোশাক পরিধান কর, ক্ষার্ফ পর। তখন তাদের কোন কোন মেয়ে যারা পর্দা করত না, তাদেরকে (তথা পাকিস্তানি ঐ মহিলাদেরকে) বলে, এখানে পর্দা করা অনেক বড় অপরাধ, তাই আপনারাও পর্দা করা ছেড়ে দিন। তখন সেই মহিলারা যারা পর্দা করতে বলে, তারা নিজেরাও ‘অপরাধ হবে’- এই ভয়ে বাধ্য হয়েই পর্দা করা ছেড়ে দেয় অথচ সারাটা জীবন তাদের পর্দা করার অভ্যাস ছিলো। সত্য কথা হলো, সেখানে এমন কোন আইনই নেই আর এটি কোন অপরাধও নয়। এমন কোন নিষেধাজ্ঞাও নেই আর এ বিষয় নিয়ে কেউ মাথাও ঘামায় না। মূলত শুধুমাত্র ফ্যাশনের জন্য গুটিকতক যুবতী নারী ও মেয়ে পর্দা ছেড়ে দিয়েছে। বিয়ের সুবাদে পাকিস্তান থেকে সেখানে আসা এক মেয়ে আমাকে লিখেছে, আমাকেও জোরপূর্বক পর্দা ছাড়ানো হয়েছিল অথবা পরিবেশের কারণে আমিও এই ফাঁদে পা দিয়েছিলাম আর পর্দা করা ছেড়ে দিয়েছিলাম। এবার সেখানে আমার সফরকালে সে আমাকে লিখে, জলসা উপলক্ষ্যে মহিলাদের উদ্দেশ্যে আপনি যখন ভাষণ দিয়েছেন এবং পর্দা সম্পর্কে সচেতন করেছেন তখন আমি বোরকা পরিহিত অবস্থায় ছিলাম আর সেই থেকে আমি আর বোরকা ছাড়িনি, এখনও আমি এর ওপর প্রতিষ্ঠিত আছি, এতে প্রতিষ্ঠিত থাকার চেষ্টাও করছি আর দোয়াও করছি। সে আমার কাছে দোয়ার আবেদন করে। অতএব পর্দা-সংক্রান্ত যে নির্দেশ কুরআনে রয়েছে, তা বারবার স্মৃতিপটে জাহাত করা হয় না, আর ঘরেও এ বিষয়টির উল্লেখ করা হয় না, যার ফলে পর্দাহীনতা দেখা দিচ্ছে। সুতরাং ব্যবহারিক সংশোধনের জন্য পাপ-পুণ্যের বিষয়টি বারবার স্মরণ করানো আবশ্যিক।

(খুতবা জুমুআ, ২০ ডিসেম্বর ২০১৩, বায়তুল ফতুহ, লগুন;

আল ফয়ল ইন্টারন্যাশনাল, ১০ জানুয়ারি ২০১৪)

পাপমুক্ত থাকার জন্য পূর্ণাঙ্গীন দোয়া

বর্তমান যুগে, আধুনিক প্রযুক্তি ও মিডিয়ার অপব্যবহার নিঃসন্দেহে একটি শয়তানি কাজ। শয়তানি এমন আক্রমণ থেকে নিরাপদ থাকার জন্য দোয়ার গুরুত্ব পূর্বের চেয়ে অনেক বেড়ে যায়। এ প্রসঙ্গে জামা'তের সদস্যদের উপদেশ দিতে গিয়ে ভ্যূর আনোয়ার (আই.) বলেন,

“মু'মিনদেরকে শয়তানের আক্রমণ থেকে রক্ষা করার জন্য মহানবী (সা.) অত্যন্ত ব্যাকুল থাকতেন। তিনি (সা.) সাহাবীদেরকে শয়তানের খপ্পর থেকে বাঁচার জন্য বিভিন্ন দোয়া শেখাতেন। তিনি (সা.) যে কত সুন্দর আর কত পূর্ণাঙ্গীন দোয়া শেখাতেন, তার বিবরণ এক সাহাবী এভাবে দিয়েছেন যে, মহানবী (সা.) আমাদের এই দোয়া শিখিয়েছেন, “হে আল্লাহ! আমাদের হৃদয়ে ভালোবাসা সৃষ্টি কর, আমাদের সংশোধন কর, আমাদেরকে শান্তি ও নিরাপত্তার পথে পরিচালিত কর, অমানিশা থেকে মুক্তি দিয়ে আমাদেরকে আলোর পানে পরিচালিত কর, আমাদেরকে প্রকাশ্য এবং অপ্রকাশ্য অশ্লীলতা থেকে রক্ষা কর। আমাদের জন্য আমাদের কানে, চোখে এবং আমাদের স্ত্রী ও সন্তান-সন্ততির মাঝে কল্যাণ রেখো আর আমাদের প্রতি করুণার দৃষ্টি দাও; নিশ্চয় তুমই তওবা গ্রহণকারী এবং বার বার কৃপাকারী। আমাদেরকে তোমার কল্যাণরাজীর জন্য কৃতজ্ঞ বান্দা ও এর উভয় স্মৃতিচারণকারী বান্দা এবং তা গভীর আগ্রহের সাথে গ্রহণকারী বান্দায় পরিণত কর। হে আল্লাহ! আমাদের ওপর তোমার নিয়ামতকে পূর্ণ কর।”

(সুনান আবু দাউদ, কিতাবুস সালাত, বাব: আত্ তাশাহহুদ, হাদীস নম্বৰ ১৬৯)

অতএব এ দোয়া হলো প্রথমতঃ জাগতিক অন্যায় বিনোদন থেকে বিরত রাখার জন্য; দ্বিতীয়তঃ সব-ধরনের বৃথা কার্যকলাপ এবং শয়তানি আক্রমণ থেকে সুরক্ষিত রাখার জন্য।

বিনোদনের নামে এযুগেও পৃথিবীতে বিভিন্ন বাজে কার্যকলাপ দেদারসে চলছে। মানুষ যখন কান এবং চোখের কল্যাণের জন্য দোয়া করবে আর শান্তি ও নিরাপত্তা লাভ করার জন্য এবং অন্ধকার থেকে আলোতে যাওয়ার জন্য দোয়া করবে আর স্ত্রীদের অধিকার প্রদানের সামর্থ্য লাভের জন্য দোয়া করবে, অর্থাৎ যখন এই দোয়া করবে যে, সন্তানরা চোখের স্লিপ্পতা বয়ে আনুক, তখন বৃথা কার্যকলাপ এবং অশ্লীল কর্মকাণ্ড থেকে দৃষ্টি এমনিতেই বিরত থাকবে।

আর এভাবে এক মু'মিন তার পুরো ঘর বা পরিবারকে শয়তানের কবল থেকে বাঁচানোর মাধ্যম হয়ে যায়।

(খুতবা জুমুআ, ২০ মে ২০১৬, মসজিদে নাসের, গুটেনবার্গ, সুইডেন;
আল ফয়ল ইন্টারন্যাশনাল, ১০ জুন ২০১৬)

প্রত্যেক মানুষের অবশ্য কর্তব্য হলো, শয়তানসৃষ্টি অঙ্ককার পথ পরিত্যাগ করে প্রতিটি মুহূর্তে আলোর পানে ধাবিত হওয়া, যা শান্তি ও নিরাপত্তার পথ। এই বিষয়টি বর্ণনা করতে গিয়ে হ্যুম্র আনোয়ার (আই.) তাঁর এক জুমুআর খুতবায় বলেন,

“কেউ যখন এ পছায় নিজের সংশোধনের চেষ্টা করে, নিশ্চিত জেনো, এটিই হচ্ছে শান্তি ও নিরাপত্তার পথ। মানুষের নিরাপত্তা ও শান্তির পথ অব্যবহণ করার মাঝেই নিহিত। নতুবা যেভাবে তিনি বলেছেন, তোমরা আলো থেকে অমানিশার দিকে চলে যাবে। আলো থেকে অমানিশার দিকে যাওয়াটাই হলো শয়তানের পথ। অতএব শয়তানের খণ্ডের থেকে নিরাপদ থাকার জন্য আল্লাহর আশ্রয় প্রার্থনা করতে থাক। আল্লাহ তাঁলার কাছে তাঁর অনুগ্রহ যাচনা কর আর এই দোয়া কর, “হে আল্লাহ! আমাদেরকে অমানিশা থেকে মুক্তি দিয়ে আলোর পানে পরিচালিত কর, সকল প্রকার অশ্লীলতা থেকে আমাদেরকে রক্ষা কর, তা অপ্রকাশ্য অশ্লীলতাই হোক না কেন। কিছু ভয়ভীতি এমন আছে যা প্রকাশ্য অপকর্ম থেকে বিরত থাকতে বিশেষ ভূমিকা রাখে। কিন্তু গোপন বা অপ্রকাশ্য অশ্লীলতা এমন যে, মানুষের ওপর তা প্রভাব বিস্তার করে তাকে অনেক দূরে ঠেলে নিয়ে যায়। যেমন- অনেক সময় অশ্লীল দৃশ্য, নোংরা চলচিত্র- একেবারেই নগ্ন চলচিত্র, এধরনের আরো বিভিন্ন জিনিষ দেখে মানুষ চোখের ব্যভিচারে লিঙ্গ হয়। এছাড়াও রয়েছে ব্যভিচারমূলক ধ্যানধারণা। আজে-বাজে ও নোংরা বই-পুস্তক পড়া বা অশ্লীল চিন্তাধারা মাথায় আমদানী করা। কিছু পরিবেশ এমন রয়েছে যেখানে বসে মানুষ এ ধরনের অশ্লীলতার চোরাবালিতে নিমজ্জিত হতে থাকে। এরপর রয়েছে অশ্লীল কথা-বার্তা শোনা। এসব কিছু থেকে বাঁচার জন্য এ দোয়া শিখানো হয়েছে, “হে আল্লাহ! আমাদের অঙ্গকে নিজ কৃপায় পাক-পবিত্র করে দাও। সর্বদা পবিত্র রাখ, যেন আমরা শয়তানের পথে না চলি। আমাদের সবাইকে শয়তানের পথে অগ্রসর হওয়া থেকে রক্ষা কর।”

(খুতবা জুমুআ, ১২ ডিসেম্বর ২০০৩, বায়তুল ফতুহ, লগুন;
আল ফযল ইন্টারন্যাশনাল, ০৬ ফেব্রুয়ারি ২০০৮)

ওয়াকেফে নও ছেলেমেয়েরা কীভাবে স্পেশাল হতে পারে?

- * উন্নত মানে উপনীত হয়ে স্পেশাল হোন
- * অনেতিক বিষয়াদি থেকে দূরে থাকুন
- * মিডিয়া (গণমাধ্যম বা প্রচারমাধ্যম) বিষয়ক পড়ালেখা করুন ও এক্ষেত্রে দক্ষতা অর্জন করুন
- * MTA-তে নিয়মিত খুতবা শুনুন

উন্নত মানে উপনীত হয়ে স্পেশাল হোন

বিভিন্ন উপলক্ষে ওয়াকেফে নও ছেলেমেয়ের পিতামাতার দৃষ্টি আকর্ষণ করে ভ্যুর আনোয়ার (আই.) বলেছেন, নিজ বংশধরকে খোদার পথে উৎসর্গ করার যে সৌভাগ্য লাভ হয়েছে, এর সুবাদে ওয়াকেফে নও ছেলেমেয়ের তরবিয়ত বা সুশিক্ষার গুরুত্বায়িত তাদের (পিতামাতার) ওপরই ন্যস্ত হয়। ওয়াকেফে নও পিতামাতার সর্বদা এটি স্মরণ রাখা উচিত যে, এই সন্তান তাদের কাছে জামা'তের আমানত। তেমনিভাবে বাল্যকাল থেকেই এই সন্তানদের সুশিক্ষা প্রদানের মাধ্যমে জামা'ত এবং সমাজের জন্য কল্যাণকর মানুষে পরিগত করা আমাদের লক্ষ্য হওয়া উচিত। এই প্রেক্ষাপটে ভ্যুর আনোয়ার (আই.) ওয়াকেফে নও ছেলেমেয়ের উদ্দেশ্যে খুতবা ও বক্তৃতা ছাড়াও বিশেষ ক্লাসেও সরাসরি অমূল্য উপদেশাবলী প্রদান করে থাকেন। এক জুমুআর খুতবায় তিনি (আই.) বলেন,

“হযরত ইব্রাহীম (আ.)-এর বরাতে বিশ্বস্ততার বিষয়টি হযরত মসীহ মওউদ (আ.) এক স্থানে সুস্পষ্টরূপে বর্ণনা করেছেন ‘খোদার নৈকট্য অর্জনের পথ হলো, খোদার জন্য নিষ্ঠা ও বিশ্বস্ততা প্রদর্শন করা।’ তোমরা সত্যের ওপর প্রতিষ্ঠিত হও আর তোমাদের বিশ্বস্ততা যেন সত্যিকার বিশ্বস্ততা হয়। হযরত ইব্রাহীম (আ.) আল্লাহ তা'লার যে নৈকট্য অর্জন করেছেন, এর কারণও এটিই ছিল। যেমন আল্লাহ তা'লা বলেন، وَإِبْرَاهِيمَ الْذِي وَقَّعَ (সূরা আল নজর: ৩৮)। অর্থাৎ ইনিই হলেন সেই ইব্রাহীম, যিনি বিশ্বস্ততা প্রদর্শন করেছেন। আল্লাহ তা'লার সাথে বিশ্বস্ততা, নিষ্ঠা এবং আন্তরিকতা প্রদর্শন এক মূত্যর দাবি রাখে। যতক্ষণ পর্যন্ত মানুষ এ বস্তুজগত এবং এর সমস্ত আনন্দ ও মানসম্মানকে পদদলিত করার জন্য প্রস্তুত না হয়ে যায় আর সকল প্রকার লাঞ্ছনা-গঞ্জনা, কাঠিন্য ও সংকীর্ণতা খোদার খাতিরে সহ্য করতে প্রস্তুত না হবে, ততক্ষণ (তার মাঝে) এ বৈশিষ্ট্য সৃষ্টি হতে পারে না। প্রতিমাপূজা কেবল কোন বৃক্ষ বা পাথর পূজাকে বলে না বরং প্রতিটি এমন বস্তুই হচ্ছে প্রতিমা যা খোদার নৈকট্যের পথে অন্তরায় হয় এবং তাঁর চেয়ে অগ্রগণ্য হয়। মানুষ নিজ অন্তরে এতো প্রতিমা লালন করে রেখেছে যে, সে বুঝতেই পারে না ‘আমি প্রতিমা পূজা করছি।’” আজকের যুগে কোথাও নাটক, কোথাও ইন্টারনেট, কোথাও জাগতিক আয়-উপার্জন প্রতিমায় রূপ নিয়েছে আর কোথাও অন্যান্য কামনাবাসনা প্রতিমা হয়ে বসে আছে। তিনি (আ.) বলেন, মানুষ জানেই না যে, সে প্রতিমাপূজায় লিঙ্গ অথচ ভিতরে সে প্রতিমাপূজা করছে।” “যতক্ষণ পর্যন্ত তুমি আন্তরিকভাবে খোদার না হবে এবং তাঁর পথে সকল সমস্যা মাথা পেতে নিতে প্রস্তুত না হবে ততক্ষণ সেই নিষ্ঠা ও আন্তরিকতা সৃষ্টি হওয়া কঠিন।” তিনি (আ.) বলেন, “ইব্রাহীম (আ.) যে উপাধি লাভ করেছেন এটি কি এত সহজেই লাভ

হয়েছে? না, মোটেই না। **إِبْرَاهِيمَ الَّذِي وَفَّى** ধ্বনি তখন এসেছে যখন তিনি সন্তানকে জবাই করতে উদ্যত হয়েছেন। আল্লাহ তা'লা আমল বা কর্ম চান এবং সৎকর্মের কারণেই তিনি সন্তুষ্ট হন আর দুঃখ-বরণের মাধ্যমেই সৎকর্মের সৌভাগ্য লাভ হয়।” দুঃখের ফলে সৎকর্ম সম্পাদিত হয় অর্থাৎ মানুষকে পুণ্যকর্ম সম্পাদনের জন্য এবং আল্লাহ তা'লাকে সন্তুষ্ট করার জন্য ত্যাগ স্বীকার করতে হয় এবং নিজেকে দুঃখকষ্টের মাঝে নিপতিত করতে হয়। কিন্তু মানুষ সব সময় দুঃখের মাঝে থাকে না। তবে মানুষ যখন খোদার জন্য দুঃখ বরণে প্রস্তুত হয়ে যায় তখন আল্লাহ তা'লা তাকে দুঃখকষ্টে নিপতিত করেন না। ... ইব্রাহীম (আ.) যখন আল্লাহ তা'লার আদেশ পালনের জন্য স্বীয় পুত্রকে জবাই করতে চাইলেন এবং পূর্ণ প্রস্তুতি গ্রহণ করেন তখন খোদা তা'লা তার সন্তানকে রক্ষা করেন। ছেলের জীবনও রক্ষা পেল আর সন্তানকে কুরবানী করার ফলে পিতার যে মর্মাতনা পাওয়ার ছিল, সে কষ্ট থেকেও তিনি রক্ষা পেলেন।’ তিনি (আ.) বলেন, ‘ইব্রাহীম (আ.) আগুনে নিষ্কিঞ্চ হয়েছেন। কিন্তু আগুন তাঁর ওপর কোন প্রভাব বিস্তারে সক্ষম হয় নি।’ তিনি (আ.) বলেন, ‘মানুষ যদি আল্লাহ তা'লার পথে কষ্ট সহ্য করতে প্রস্তুত হয়ে যায়, তাহলে আল্লাহ তা'লাও তাকে দুঃখকষ্ট থেকে রক্ষা করেন।’

(মলফুয়াত, ৪ৰ্থ খণ্ড, পৃ. ৪২৯-৪৩০, ইংল্যাণ্ড সংক্রান্ত ১৯৮৫)

অতঃপর হ্যুর (আই.) বলেন,

“সংক্ষেপে কিছু প্রশাসনিক বিষয় এবং জীবন উৎসর্গকারীদের কর্মবিধির প্রতি দৃষ্টি আকর্ষণ করতে চাই। অনেকেই এ প্রশ্ন উত্থাপন করে যে, কোন কোন ওয়াকফে নও-এর মাথায় এ ভাস্ত ধারণা রয়েছে যে, ওয়াকফে নও হিসেবে তাদের আলাদা একটি পরিচিতি রয়েছে। অবশ্যই তাদের একটি পৃথক পরিচিতি রয়েছে কিন্তু এই পরিচিতির কারণে তাদের সাথে অসাধারণ বা স্বতন্ত্র কোন ব্যবহার করা হবে না, বরং এ পরিচিতির সুবাদে তাদেরকে তাদের ত্যাগের মান উন্নত করতে হবে। কোন কোন ব্যক্তি তাদের ওয়াকফে নও সন্তানের মাথায় একথা চুকিয়ে দেয় যে, তোমরা স্পেশাল সন্তান। এর ফলে বড় হয়েও তাদের মাথায় এ ধারণাই বদ্ধমূল থেকে যায় যে, আমরা স্পেশাল। এখানেও এ ধরণের কথা আমার কর্ণগোচর হয়েছে। তারা ওয়াকফের চেতনা বা মর্মকে খাটো করে দেয় আর ওয়াকফে নও-এর উপাধিকেই তারা জীবনের মূল উদ্দেশ্য মনে করে অর্থাৎ আমরা স্পেশাল হয়ে গেছি।”

হ্যুর (আই.) আরো বলেন,

“আমি যেভাবে বলেছি, ওয়াকফে নও অবশ্যই স্পেশাল। কিন্তু স্পেশাল হওয়াটা তাদেরকে প্রমাণ করতে হবে। কী প্রমাণ করতে হবে? প্রমাণ দিতে হবে যে, খোদার

সাথে সম্পর্ক গড়ার ক্ষেত্রে তারা অন্যদের তুলনায় অগ্রগামী আর তখনই তারা স্পেশাল বলে আখ্যায়িত হবে। তাদের মাঝে খোদাভীতি যদি অন্যদের চেয়ে বেশি হয় তবেই তারা স্পেশাল বলে গণ্য হবে। তাদের ইবাদতের মান যদি অন্যদের তুলনায় অনেক উন্নত হয় তখন তারা স্পেশাল বা বিশেষ বলে সাব্যস্ত হবে। তারা যদি ফরয়ের পাশাপাশি নফলও আদায় করে তবেই তারা স্পেশাল আখ্যায়িত হবে। তাদের সার্বিক চারিত্রিক মান হবে অতি উন্নত – স্পেশাল হওয়ার এটি একটি লক্ষণ। তাদের কথাবার্তা ও আচার আচরণ অন্যদের তুলনায় অনেক ভিন্ন হবে যাতে স্পষ্টভাবে বুঝা যায়, তারা বিশেষভাবে তরবিয়তপ্রাপ্ত এবং ধর্মকে সর্বাবস্থায় জাগতিকতার ওপর প্রাধান্য দানকারী মানুষ, তবেই তারা স্পেশাল হবে। মেয়ে হলে তাদের পোষাক-পরিচ্ছদ এবং পর্দা সঠিক ইসলামী শিক্ষার আদলে হতে হবে যা দেখে অন্যরাও ঈর্ষ্য করে এ কথা বলতে বাধ্য হবে যে, এ সমাজে বসবাস করা সত্ত্বেও তাদের পোষাক ও পর্দা সত্যিই অসাধারণ এক দৃষ্টান্ত আর তখনই এরা স্পেশাল বলে বিবেচিত হবে। ছেলে হলে তাদের দৃষ্টি লজ্জাবন্ত থাকবে আর এদিক সেদিক মন্দ কাজের প্রতি দৃষ্টি না দিলে তবে তারা স্পেশাল হবে। ইন্টারনেট এবং অন্যান্য মাধ্যমে বৃথা ও বাজে কিছু দেখার পরিবর্তে সেই সময়টুকু ধর্মীয় জ্ঞানার্জনে ব্যয় করলে স্পেশাল বলে গণ্য হবে। ছেলেদের চেহারা-সুরত ও বৈশিষ্ট্য যদি অন্যদের মাঝে তাদেরকে স্বতন্ত্র প্রমাণ করে তবেই তারা স্পেশাল বলে গণ্য হবে।”

(খুতবা জুমুআ, ২৮ অক্টোবর ২০১৬, মসজিদ বায়তুল ইসলাম, টরেন্টো, কানাডা;
আল ফযল ইন্টারন্যাশনাল, ১৮ নভেম্বর ২০১৬)

অনৈতিক বিষয়াদি থেকে দূরে থাকুন

অনৈতিক ক্রিয়াকলাপ শুধু পাপই নয় আর তা কেবল পথভ্রষ্টতার দিকেই নিয়ে যায় না, বরং মানুষের স্বত্বাবের ওপরও এর যথেষ্ট ক্ষতিকর প্রভাব পড়ে। এ বিষয়ে ওয়াকেফে নওদের উদ্দেশ্যে স্বর্গালী উপদেশ প্রদান করে এক স্থানে হ্যুর (আই.) বলেন-

“মু’মিনের আরেকটি লক্ষণ হলো, সে অসঙ্গত এবং অনৈতিক কার্যাবলী থেকে দূরে থাকে। বিশেষ করে যুবক বয়সে পশ্চিমা বিশ্বে অশ্লীলতায় প্রভাবিত হয়ে পথভ্রষ্ট হওয়ার যথেষ্ট আশংকা থাকে। উদাহরণস্বরূপ, অশালীন ও অশ্লীল প্রোগ্রাম টিভিতে নিয়মিত প্রদর্শিত হয় আর ইন্টারনেটে সেগুলো সহজলভ্য হওয়া সেখানে একটি সামান্য বিষয়। এগুলো একেবারেই ঘৃণ্য বিষয় এবং পাপের মূল কারণ যা থেকে একজন মু’মিনের অবশ্যই দূরে থাকা উচিত। বিশেষ করে একজন ওয়াকেফে নও সন্তানের তো আবশ্যিকভাবে অনৈতিক কার্যকলাপ থেকে দূরে থাকা উচিত যার

পিতামাতা তার জন্মের পূর্বেই এই অঙ্গিকার করেছিল যে, তাদের ঘরে আগত সন্তান আজীবন ধর্মসেবায় অতিবাহিত করবে। আল্লাহ্ তাঁ'লা বলেন, এমন বিষয়াদি মানুষকে ধর্ম থেকে দূরে নিয়ে যায়। তাই এমন বাজে কাজ এবং সকল প্রকার ভাস্তু বিষয়াদি থেকে প্রকৃত মু'মিনদের উচিত নিজেদেরকে দূরে রাখা।”

(যুক্তরাজ্যের ন্যাশনাল ওয়াকফে নও ইজতেমার ভাষণ, ২৮ ফেব্রুয়ারি ২০১৬;

আল ফযল ইন্টারন্যাশনাল, ১২ আগস্ট ২০১৬)

মিডিয়া সংক্রান্ত বিভিন্ন বিভাগে অধ্যয়ন করুন

আন্তর্জাতিক পরিমণ্ডলে গণমাধ্যমের ব্যাপকতা ও পরিব্যাপ্তির বিষয়টি দৃষ্টিপটে রেখে এক্ষেত্রে আহমদীদের দক্ষতা অর্জনের প্রতি বিশেষ মনোযোগ নিবন্ধ করা উচিত। মিডিয়া জগতে গুরুত্বপূর্ণ ভূমিকা পালনের লক্ষ্যে ভবিষ্যতে মিডিয়া বিশেষজ্ঞ তৈরি এবং এই বিভাগে জামা'তের প্রয়োজনের প্রতি আলোকপাত করতে গিয়ে হ্যুর (আই.) বারবার ওয়াকেফে নও ছেলেমেয়েদের দৃষ্টি আকর্ষণ করেছেন, যেমন এক স্থানে হ্যুর (আই.) বলেন,

“আমাদের মিডিয়া ও গণমাধ্যমের বিভিন্ন শাখায় পড়াশোনা করা এবং প্রশিক্ষণপ্রাপ্ত ওয়াকেফীনদের প্রয়োজন রয়েছে। MTA-র কাজ দিন দিন ব্যাপকতা লাভ করছে আর এখন আমরা Voice of Islam-রেডিও স্টেশনও চালু করেছি। বর্তমানে এই রেডিও স্টেশন প্রাথমিক পর্যায়ে রয়েছে, কিন্তু আমরা এটিকে পর্যায়ক্রমে আরো শক্তিশালী করা এবং এর গভীরে আরো বিস্তৃত করার বাসনা রাখি। এর জন্য আমাদের যোগ্যতাসম্পন্ন লোকবল প্রয়োজন। এছাড়া MTA ইন্টারন্যাশনালের পাশাপাশি অন্যান্য স্থানীয় MTA স্টুডিওসমূহও রয়েছে। কিছু স্থানে হয় নতুন MTA স্টুডিও চালু করা হচ্ছে অথবা বিভিন্ন দেশে বিদ্যমান MTA ব্যবস্থাপনাকে আরো উন্নতর করা হচ্ছে। তাই আপনাদের মাঝে যাদের যোগ্যতা আছে কিংবা এ বিভাগের প্রতি আগ্রহ রাখে, তাদের শিক্ষা গ্রহণের ক্ষেত্রে ব্রডকাস্ট মিডিয়া বা ‘গণ-সম্প্রচার’-এর কারিগরি বিষয়াদি তাদের নির্বাচন করা উচিত। সাংবাদিক এবং মিডিয়াতে দক্ষ লোকেরও আমাদের প্রয়োজন রয়েছে। কেননা গণমাধ্যমের প্রভাব ও গুরুত্ব প্রতিনিয়ত বৃদ্ধি পাচ্ছে। তাই আমাদের প্রয়োজন নিজেদের এমন লোক, যারা ইসলামের প্রকৃত শিক্ষামালাকে মিডিয়ার মাধ্যমে জগতের সামনে তুলে ধরবে। অতএব ওয়াকেফে নও হিসেবে জামা'তের প্রয়োজনকে আপনাদের সামনে রাখা উচিত। সেই প্রয়োজন ও চাহিদার নিরিখে শিক্ষা গ্রহণ করা উচিত এবং যথাসাধ্য পরিশ্রম করা উচিত। সংশ্লিষ্ট বিভাগে আপনাদের পড়াশোনা ও প্রশিক্ষণ গ্রহণ সমাপ্ত হওয়ার পর এ সম্পর্কে জামা'তকে অবহিত করা এবং নিজেকে রীতিমত ওয়াকেফে

যিন্দেগী হিসেবে উপস্থাপন করার বিষয়টি নিশ্চিত করুন। অতঃপর জামা'তের কাজ করার জন্য প্রস্তুতি গ্রহণ করুন।”

(যুক্তরাজ্যের ন্যাশনাল ওয়াকফে নও ইজতেমার ভাষণ, ২৮ ফেব্রুয়ারি ২০১৬;
আল ফয়ল ইন্টারন্যাশনাল, ১২ আগস্ট ২০১৬)

গুরুত্বপূর্ণ এই বিষয় সম্পর্কে উপরোক্ত বক্তৃতা প্রদানের একদিন পূর্বেও হ্যার আনোয়ার (আই.) ওয়াকেফে নও মেয়েদের বার্ষিক ইজতেমায় প্রদত্ত ভাষণে বলেছিলেন:

“আমাদের জামা'তে আহমদী মেয়েদের ডাক্তার কিংবা শিক্ষক হওয়ার বিশেষ প্রয়োজন রয়েছে। এছাড়া মিডিয়ার বিভিন্ন শাখায় লেখাপড়া করা মেয়েদের সেবাও প্রয়োজন, যারা MTA এবং জামা'তের অন্যান্য বিভাগে দায়িত্ব পালন করতে পারবে; অধিকন্তু সাংবাদিকতা বিভাগেও আমাদের মেয়েদের প্রয়োজন রয়েছে। আপনাদের যারাই এসব বিষয়ে আগ্রহ রাখেন তাদের উচিত এসব বিভাগে ভর্তি হয়ে পড়াশোনা করা।”

(যুক্তরাজ্যের ন্যাশনাল ওয়াকেফাতে নও ইজতেমার ভাষণ, ২৭ ফেব্রুয়ারি ২০১৬;
মরিয়ম, ওয়াকেফাতে নও, সংখ্যা: ১৮, এপ্রিল-জুন, ২০১৬)

MTA-তে নিয়মিত খুতবা শুনুন

আহমদীদের আধ্যাত্মিক জীবনের নিশ্চয়তা এবং ভবিষ্যত প্রজন্মের সংশোধন ও তরবিয়তের জন্য যুগ-খলীফার নির্দেশনা অত্যন্ত গুরুত্বপূর্ণ মাধ্যম হয়ে থাকে। এ কারণে জুমুআর খুতবা শোনার প্রতি বিশেষভাবে ওয়াকেফে নও ছেলে ও মেয়েদের দৃষ্টি আকর্ষণ করে হ্যার আনোয়ার (আই.) বলেন:

“অন্ততপক্ষে আমার খুতবাসমূহ MTA-তে রীতিমত শুনতে হবে। এই কথাগুলো শুধু ওয়াকেফীনে নও-এর পিতামাতাদের জন্যই আবশ্যিক নয়, বরং প্রত্যেক আহমদী, যারা ভবিষ্যৎ প্রজন্মকে জামা'তের ব্যবস্থাপনার সাথে সম্পৃক্ত রাখতে চায়, তাদের উচিত নিজেদের ঘরকে জগৎপূজারিদের ঘর নয় বরং আহমদী ঘরে পরিণত করা। নতুবা ভবিষ্যৎ প্রজন্ম বস্তুজগতের পিছনে ছুটে শুধু আহমদীয়াত থেকেই দূরে সরে যাবে না, বরং খোদা থেকেও দূরে চলে যাবে এবং নিজেদের ইহকাল ও পরকাল উভয়ই বরবাদ করবে।

আল্লাহ্ তা'লার কাছে আমার দোয়া থাকবে যে, শুধু ওয়াকেফীনে নও শিশুরাই যেন খোদা তা'লার নৈকট্য অর্জনকারী ও তাকওয়ার পথে বিচরণকারী না হয় বরং তাদের আত্মায়স্বজনের কর্মও যেন তাদেরকে সকল প্রকার দুর্নাম থেকে রক্ষাকারী

হয়। বরং প্রত্যেক আহমদীই যেন সেই প্রকৃত আহমদী হয়ে যায় যে সম্পর্কে
হ্যরত মসীহ মওউদ (আ.) বারবার আমাদেরকে নসীহত করেছেন, যাতে আমরা
স্বল্পতম সময়ে পৃথিবীতে আহমদীয়াত তখা প্রকৃত ইসলামের পতাকা উড়টীন
দেখতে পাই।”

(খুতবা জুমুআ, ২৮ অক্টোবর ২০১৬, মসজিদ বায়তুল ইসলাম, টরেন্টো, কানাডা;
আল ফযল ইন্টারন্যাশনাল, ১৮ নভেম্বর ২০১৬)

মিডিয়ার মাধ্যমে মিথ্যা ও প্রতারণা

- * ভুয়া Facebook একাউন্ট খোলা
- * সাইবার এ্যাট্যাক (Cyber Attack)-এর মাধ্যমে সিস্টেম অকেজো করা
- * ধার নিয়ে মোবাইল ফোন ব্যবহারের মাধ্যমে প্রতারিত করা
- * খলীফাগণের ছবির অপব্যবহার এবং বিদআত থেকে বিরত থাকা

ভুয়া Facebook একাউন্ট

মিডিয়ার মাধ্যমে বর্তমানে কেবল সব ধরনের চারিত্রিক গুণাবলীকেই পদদলিত করা হচ্ছে না, বরং অনেকেই লোকদেখানো ও প্রতারণার নানান পছ্ন্য অবলম্বন করে অন্যদেরকে শুধু প্রতারিত করে না বরং তাদের ক্ষতিও সাধন করে থাকে। এ ধরনের প্রতারণা থেকে নিরাপদ থাকতে জামা'তের সদস্যদেরকে নসীহত করে হ্যাঁ আনোয়ার (আই.) বলেন:

“তৃতীয় বিষয় হিসেবে আজ আমি এটি বলতে চাই, আমি জানতে পেরেছি, বর্তমানে ইন্টারনেট ইত্যাদিতে আমার নামে Facebook রয়েছে। আমার নামে একটি Facebook একাউন্ট খোলা হয়েছে যে সম্পর্কে আমি ঘুণাক্ষরেও কিছু জানি না। আমি কখনোই এটি খুলি নি আর এতে আমার কোন আগ্রহও নেই, বরং আমি তো কিছুকাল পূর্বে জামা'তকে এ ব্যাপারে সতর্ক করেছিলাম যে, এই Facebook এড়িয়ে চলুন, এর অনেক ক্ষতিকর দিক রয়েছে। এটি জানা নেই যে, কেউ বোকামির কারণে এই কাজ করেছে নাকি কোন বিরোধী এমন করেছে, নাকি কোন আহমদী সৎ উদ্দেশ্যে তা করেছে। কিন্তু যে কারণেই করে থাকুক তা বন্ধ করার চেষ্টা করা হচ্ছে আর তা বন্ধ হয়ে যাবে, ইনশাআল্লাহ্। কেননা এর ক্ষতিকর দিক বেশি আর উপকারিতা কম। বরং ব্যক্তিগতভাবেও আমি মানুষকে বলে থাকি যে, ফেসবুকের মাধ্যমে ভাস্ত কিছু কথা ছড়িয়ে পড়ে যা পরবর্তীতে ঐ ব্যক্তির জন্যও দুশ্চিন্তার কারণ হয়ে দাঁড়ায়, বিশেষত মেয়েদের অনেক বেশি সাবধানতা অবলম্বন করা উচিত। সার্বিকভাবে আমি এ ঘোষণা দিতে চাই যে, ফেসবুকে যাদের নিজস্ব একাউন্ট আছে, তারা অবাধে এই একাউন্টে চুকে এর পোস্ট পড়ে আর নিজেদের মন্তব্যও দিচ্ছে, যা নিতান্তই গর্হিত কাজ। সুতরাং এ কাজ পরিহার করুন এবং কেউই যেন এতে না জড়ায়।

জামা'তীভাবে Facebook ধরনের কোন কিছু যদি আরভ করতে হয় তাহলে তা সুরক্ষিত করে চালু করা হবে যাতে সবার প্রবেশাধিকার থাকবে না এবং তাতে শুধুমাত্র জামা'তের অবস্থানই সামনে আসবে আর যে চাইবে সে এর সাথে যুক্ত হতে পারবে। কেননা আমাকে বলা হয়েছে যে, (বর্তমানে) কোন কোন বিরোধীও উল্লিখিত একাউন্টে নিজেদের মন্তব্য লিখে দিচ্ছে। কোন ব্যক্তিকে না জানিয়ে তার নামে কোন কাজ শুরু করা এমনিতেই একটি অনৈতিক বিষয়, যদিও তা সৎ উদ্দেশ্যেই করা হোক। তাই যে ব্যক্তিই এটি করেছে, তার উদ্দেশ্য মহৎ হলেও তার উচিত অনতিবিলম্বে তা বন্ধ করে দেয়া এবং ইস্তেগফার করা। কিন্তু এটি যদি দুর্ক্ষিতমূলক হয়ে থাকে তাহলে আল্লাহ্ তা'লাই তাদের সাথে বোঝাপড়া করবেন।

আল্লাহ্ তা'লা আমাদেরকে সকল অনিষ্ট থেকে রক্ষা করণ এবং জামা'তকে ক্রমাগতভাবে উন্নতির পথে পরিচালিত করণ।”

(খুতবা জুমুআ, ৩১ ডিসেম্বর ২০১০, বায়তুল ফতুহ, লগুন;
আল ফযল ইন্টারন্যাশনাল, ২১ জানুয়ারি ২০১১)

সাইবার এ্যাটাক (Cyber Attack)-এর মাধ্যমে সিস্টেম অকেজো করা

পৃথিবীর বিবদমান কিছু দেশের মাঝে বিরাজমান উভেজনাকর পরিস্থিতির কথা উল্লেখ করতে গিয়ে নিত্যনতুন পদ্ধতিতে একে অপরের ক্ষতি সাধনের প্রচেষ্টার কথা উল্লেখকালে এক জুমুআর খুতবায় হ্যুর আনোয়ার (আই.) নিজের আশঙ্কার কথা ব্যক্ত করে বলেন:

“এরপর রয়েছে নতুন আবিক্ষারাদি। পারস্পরিক যোগাযোগ, রেকর্ড সংরক্ষণ এবং অর্থনৈতিক ও অন্যান্য ব্যবস্থাপনা পরিচালনার জন্য মানুষ অনেক সহজসাধ্য পদ্ধতি উদ্ভাবন করেছে। কম্পিউটার অনেক কাজ সামলে নিয়েছে। কিন্তু এসব আবিক্ষারই পৃথিবীর ধ্বংসের কারণও হতে পারে। আজকাল বারবার কখনো কোন বিশেষ দেশে আবার কখনো সারা বিশ্বে সাইবার হামলা হচ্ছে আর তাতে পুরো ব্যবস্থাপনাই বিপর্যস্ত হয়ে পড়ে। এখানকার NHS বা স্বাস্থ্য ব্যবস্থা বিপর্যস্ত হয়ে পড়েছে। এয়ারপোর্টের ব্যবস্থাপনা অকেজো হয়ে গেছে। সমরাত্ম্ব ব্যবহারের ক্ষেত্রে এবং যুদ্ধের কারণ হিসেবেও এই সাইবার হামলা ভয়াবহ ভূমিকা পালন করতে পারে এবং মারাত্ক ধ্বংসযজ্ঞ ডেকে আনতে পারে, যেমন NATO সদস্যদেশের একজন প্রতিনিধি স্পষ্ট ভাষায় বলেছেন যে, ন্যাটোর ওপর অথবা পৃথিবীর স্পর্শকাতর স্থাপনাগুলোর কোন একটিতেও যদি সাইবার হামলা হয় তাহলে সেটি ধ্বংসাত্মক যুদ্ধে পর্যবসিত হতে পারে আর এ ধরনের কোন হামলা সহ্য বা লাঘব করার মতো সামর্থ আমাদের নেই। এই সতর্কবাদী তিনি ইতোমধ্যেই শুনিয়েছেন। অতএব পৃথিবীর মানুষ নিজেরাই নিজেদের ধ্বংস ডেকে আনছে। তারা মনে করছে যে, জগৎপূজারিদের উন্নতি তাদের নিরাপত্তার নিশ্চয়তা দিবে, অথচ এটি তাদের ধ্বংসের কারণ হতে পারে। এছাড়া বন্ধবাদী মানুষ এবং বিভিন্ন বন্ধপূজারি রাষ্ট্রপ্রধানরা ব্যক্তিশার্থ উদ্বারে বেপরোয়া হয়ে উঠেছে, বিশেষ করে পৃথিবীর সবচেয়ে বড়, বাহ্যত শক্তিশালী দেশের প্রেসিডেন্ট যখন নিজের খোলসে বসে অলীক বুলি আওড়ান আর মনে করেন যে, পৃথিবী এখন আমার কথা অনুসারে চলবে, তখন তার এসব কথা পরিস্থিতিকে আরো অনিশ্চয়তার মুখে ঠেলে দেয়ার কারণ হয়। এ থেকে একটি কথা

স্পষ্ট যে, অহঙ্কারের কারণে তিনি তার সব বিরোধীকে আর মুসলমানদের প্রতি ঘৃণার কারণে মুসলমানদেরকে ধ্বংস করতে উদ্যত। নিজের বিরোধীদের ধ্বংস করতে তিনি বন্ধপরিকর; সে যে-ই হোক না কেন। আর এ বিষয়ে তার কোন মাথাব্যথা নেই যে পৃথিবীতে বিভিন্ন কারণে যে পরিস্থিতির উভ্র হচ্ছে এর ভয়াবহ পরিণতি থেকে তিনি নিজেও নিরাপদ থাকবেন না।”

(খুতবা জুমুআ, ৩০ জুন ২০১৭, বায়তুল ফতুহ, লগুন;
আল ফযল ইন্টারন্যাশনাল, ২১ জুলাই ২০১৭)

ধার নিয়ে মোবাইল ফোন ব্যবহারের মাধ্যমে প্রতারিত করা

অপরিচিত বা পরিচিত কোন ব্যক্তিকে নিজের মোবাইল ফোন ব্যবহার করতে দেয়া চরম বিপজ্জনকও হয়ে উঠতে পারে। যদিও বিভিন্ন সময় সাহায্য করতেই হয়। যেমন— সিরিয়া, যা বহু বছর যাবৎ যুদ্ধ-বিগ্রহের শিকার, সেখানকার একজন নিষ্পাপ আহমদীও এমনই কোন প্রতারণার শিকার হয়েছেন। তার জানায়ার নামায পড়ানোর ঘোষণা দিতে গিয়ে হ্যার (আই.) বলেন:

“আমি এক ব্যক্তির গায়েবানা জানায়াও পড়াব। এটি সিরিয়া নিবাসী জনাব আব্দুল নূর জাবী সাহেবের জানায়। তিনি ১৯৮৯ সালে জন্মগ্রহণ করেন। খুব স্বচ্ছ সেখানকার সরকারী বাহিনী তাকে গ্রেফতার করেছে। তার সাথে সম্পর্কযুক্ত তথ্য সঠিকভাবে লেখা হয় নি। যাহোক, যেসব তথ্য সামনে রয়েছে তদনুযায়ী কয়েকমাস পূর্বে তিনি বিশ্ববিদ্যালয় থেকে বিজেন্স ম্যানেজমেন্টে স্নাতক করেছেন। ২০১৩ সনের ৩১ ডিসেম্বর সেখানকার সরকারী এজেন্ট তাকে গ্রেফতার করেছিল আর গ্রেফতার করার কারণ ছিল, কেউ তার মোবাইল ফোন ধার করে সিরিয়ান বিদ্রোহীদেরকে ফোন করেছিল। এটি প্রারম্ভিক দিনগুলোর কথা যখন সিরিয়ায় পরিস্থিতির অবনতি ঘটে। সেসময় প্রয়োজন সাপেক্ষে কাউকে ফোন ধার দেয়া আপত্তিকর কোন ব্যাপার ছিল না। যাহোক, বিদ্রোহীদের কেউ তার ফোন ধার নিয়ে নিজের সঙ্গীদের সাথে অর্থনৈতিক লেনদেন-সংক্রান্ত কথা বলে। সরকারী এজেন্সিসমূহ এধরনের ফোনকলে আড়ি পেতে থাকে বা চেক করে। তারা এ কথোপকথন রেকর্ড করে ফেলে। তদন্তে প্রমাণিত হয় যে, তার ফোন থেকেই ফোন করা হয়েছিল আর (তাদের ধারণানুসারে) বিদ্রোহীদের সাথে তার যোগাযোগ ছিল। এ কারণে তাকে গ্রেফতার করা হয় এবং এরপর তাকে শহীদও করা হয়। মেডিকেল রিপোর্ট অনুযায়ী গ্রেফতার হওয়ার তৃতীয় দিন মাথায় মারাত্মক

আঘাতের কারণে মরহুম মৃত্যু বরণ করেন, কেননা পুলিশ চরম নির্যাতন করে থাকে। বিদ্রোহীদের অবস্থা যেমন, সরকারী বাহিনীর অবস্থাও তদৃপ্তি। যাহোক তার পরিবার মৃত্যুর সংবাদ পায় ২২ ফেব্রুয়ারি ২০১৬ । ”
 إِنَّا لِلّهِ وَإِنَّا إِلَيْهِ رَجُুْنَ

(খুতবা) জুমুআ, ১৮ মার্চ ২০১৬, বায়তুল ফতুহ, লগুন;

আল ফযল ইন্টারন্যাশনাল, ০৮ এপ্রিল ২০১৬)

খলীফাগণের ছবির অপব্যবহার ও বিদআত থেকে দূরে থাকা

যত্রত্র ছবির প্রচার ও প্রদর্শন (যেমন সামাজিক যোগাযোগমাধ্যমে ছবি ছড়ানোর মাধ্যমে) বিদআত ছড়িয়ে পড়ার ভয়ঙ্কর পরিণতির কথা বর্ণনা করতে গিয়ে হ্যাঁর আনোয়ার (আই.) জামা'তের সদস্যদেরকে বিস্তারিত দিক-নির্দেশনা প্রদান করেছেন।

এক স্থানে তিনি (আই.) বলেন:

“হ্যাঁরত মুসলেহ মওউদ (রা.) একটি ঘটনা বর্ণনা করেন যে, হ্যাঁরত মসীহ মওউদ (আ.) নিজের ছবি উঠিয়েছেন কিন্তু তাঁর কাছে যখন তাঁর নিজ ছবিসম্বলিত একটি কার্ড (বা পোস্টকার্ড) উপস্থাপন করা হয়, তিনি (আ.) বলেন, এর অনুমতি দেয়া যায় না। একই সাথে জামা'তকে নির্দেশ দেন, কেউ যেন এমন কার্ড ত্রয় না করে। এর ফলে পরবর্তীতে আর কেউ এমনটি করার সাহস দেখায় নি।

(খুতবাতে মাহমুদ, ১৪শ খণ্ড, পৃ. ২১৪)

ইদানিং পুনরায় কোন কোন স্থানে, কোন টুইটস্-এ বা হোয়াট্স্ এ্যাপ-এ আমি দেখেছি, মানুষ কোন স্থান থেকে সেই পুরোনো কার্ড পুনরায় বের করে বা প্রবীণ বুর্যুর্গদের কাছ থেকে তা সংগ্রহ করে অথবা কেউ কেউ পুরোনো বইপুস্তকের দোকান থেকে ত্রয় করে তা ছাড়ানোর চেষ্টা করছে। এটি একটি ভাস্ত রীতি যা বন্ধ করা উচিত। তাঁর (আ.) ছবি উঠানোর কারণ হলো দূরদূরান্তের মানুষ, বিশেষতঃ ইউরোপীয় মানুষ, যারা চেহারা চেনে, তারা তাঁর ছবি দেখে পরখ করে সত্য সন্ধান করবে এবং তাদের অনুসন্ধিৎসা জাগবে। কিন্তু যখন তিনি (আ.) দেখেন, কার্ডে ছবি ছাপিয়ে মানুষ সোটিকে ব্যবসার মাধ্যম বানানোর চেষ্টা করছে বা কোথাও না আবার ব্যবসার মাধ্যম বানিয়েই বসে অধিকন্তু যখন তাঁর এই আশঙ্কা হয় যে, এর ফলে কোথাও আবার বিদআত না ছড়িয়ে পড়ে অথবা এটি না আবার বিদআত ছাড়ানোর কারণ হয়ে দাঁড়ায়, তখন তিনি কর্তৃরভাবে এতে বাধা দেন বরং কোন কোন ক্ষেত্রে তিনি বলেন, এগুলো নষ্ট করে ফেলা হোক। সুতরাং যেসব মানুষ

ছবির ব্যবসা করে, যারা ছবিকে ব্যবসার মাধ্যম হিসেবে বেছে নিয়েছে এবং এর জন্য চড়া মূল্য আদায় করে তাদের এদিকে দৃষ্টি নিবন্ধ করা উচিত। এছাড়া কিছু লোক এমনও আছে যারা হ্যারত মসীহ মওউদ (আ.)-এর ছবিতে রঙিন ইফেন্ট দেয়ার চেষ্টা করে, অথচ হ্যারত মসীহ মওউদ (আ.)-এর কোন রঙিন ছবিই নেই। এটিও সম্পূর্ণভাবে ভাস্ত রীতি, এটি থেকেও বিরত থাকা উচিত। অনুরূপভাবে, খলীফাদের ছবির অপব্যবহার করা থেকেও বিরত থাকা উচিত।

একবার এক শূরা^১’য় হ্যারত মুসলেহ মওউদ (রা.)-এর সামনে সিনেমা বা চলচিত্র এবং বায়োক্সেপ সম্পর্কে বিতর্ক আরঙ্গ হয়। তখন তিনি (রা.) বলেন, সিনেমা বা বায়োক্সেপ অথবা ফোনোগ্রাফ নিজ সত্তায় মন্দ জিনিস— একথা বলা সঠিক নয়। হ্যারত মসীহ মওউদ (আ.) স্বয়ং ফোনোগ্রাফ শুনেছেন বরং এর জন্য তিনি নিজে একটি কবিতাও লিখেছেন এবং পড়িয়েছেন আর সেখানকার হিন্দুদের ডেকে তিনি সেই নথম শুনেয়েছেন। সেই নথমের একটি পঞ্জিক হলো,

আওয়ায আ রাহী হ্যাইয়ে ফোনোগ্রাফ সে
চুন্ডো খোদা কো দিল সে, না লাফ ও গুয়াফ সে

অর্থ: ফোনোগ্রাফ থেকে এই ধৰনি ভেসে আসছে যে, খোদা তা’লাকে আন্তরিকভাবে সন্ধান কর শুধু কথার ক্ষে ফুটিয়ে নয়।

সুতরাং সিনেমা নিজ বৈশিষ্ট্যে মন্দ নয়। (মানুষ বারংবার বলে যে সিনেমায় যাওয়াতো পাপ নয়! সত্য, এটি নিজ বৈশিষ্ট্যে মন্দ নয়) বরং এই যুগে এর যে বিভিন্ন রূপ রয়েছে, সেগুলো চারিত্ব বিধবংসী। কোন চলচিত্র যদি একান্তই প্রচার ও শিক্ষমূলক হয় এবং তাতে অশালীন কোন কিছু না থাকে, তবে তাতে কোন অসুবিধা নেই।” (তবে কোন নাটকীয়তা যেন না থাকে।) হ্যারত মুসলেহ মওউদ (রা.) বলেন, আমার মতামতও এটিই। তবলীগের ক্ষেত্রেও নাটকীয়তা অবৈধ। এটি এক ভুল পছ্টা। (রিপোর্ট মজালিসে মুশাভিত ১৯৩৯, পৃ. ৮৬)

অতএব যারা বলে, MTA-তে বিভিন্ন অনুষ্ঠানে কখনো যদি মিউজিক বা সঙ্গীত অন্তর্ভুক্ত করা হয় তাতে কোন অসুবিধা নেই অথবা ভয়েস অব ইসলাম নামে যে রেডিও আরঙ্গ হয়েছে তাতেও যদি তা যোগ করা হয় তাহলে কোন অসুবিধা নেই, তাদের সামনে এটি স্পষ্ট হওয়া উচিত যে, এসব কথা এবং এসব বিদআত নির্মূলের জন্যই হ্যারত মসীহ মওউদ (আ.) এসেছেন। তাঁর আগমনের যে লক্ষ্য এবং উদ্দেশ্য ছিল, আমাদের চিন্তাধারাকে সে অনুসারে পরিবর্তন করতে হবে। নতুন নতুন আবিষ্কার থেকে কল্যাণমণ্ডিত হওয়া নিষিদ্ধ নয় আর এটি বিদআতও নয়, কিন্তু এসবের অপব্যবহারই এগুলোকে বিদআতে পর্যবসিত করে।

কেউ কেউ এই প্রস্তাবও দেয় যে, তবলাগী বা তরবিয়তী অনুষ্ঠানগুলো নাটকের মত করে বানানো হলে এর ইতিবাচক প্রভাব পড়বে। তাদের স্মরণ রাখা উচিত যে, আপনারা যদি একটি ভাস্ত রীতিতে প্রবেশ করেন বা কোন ভাস্ত বিষয় নিজেদের অনুষ্ঠানমালায় সংযোজিত করেন তাহলে কিছুকাল পর শত প্রকার বিদআত নিজ থেকেই অনুপ্রবেশ করবে। অ-আহমদীদের দৃষ্টিতে হয়তো কুরআন শরীফও মিউজিকের সাথে পড়া বৈধ, কিন্তু একজন আহমদীকে বিদআতের বিরুদ্ধে সংগ্রাম করতে হবে। তাই আমাদের এসব বিষয় হতে দূরত্ব বজায় রাখা উচিত, বরং দূরে থাকার সর্বাত্মক চেষ্টা করা উচিত।”

অতঃপর হয়ুর (আই.) বলেন: “এক অ-আহমদী পত্রিকায় একটি প্রবন্ধ লিখেছে যা একটি চুটকি বা কৌতুক বটে কিন্তু এর মাধ্যমে এক মৌলভী সাহেবের অঙ্গতারও প্রমাণ পাওয়া যায়, অধিকন্তু তাদের চিন্তাধারা কেমন তারও ধারণা পাওয়া যায় অর্থাৎ এরা এসব বিষয়কে বৈধ মনে করে। সেই লেখক লিখেছে, এক জায়গায় এক আরব গায়িকা আরবিতে বাদ্যের তালে তালে গান গাইছিল। সেই মৌলভী সাহেবকেও সেখানে নিয়ে যাওয়া হয়। তিনি গভীরভাবে বিমোহিত হয়ে তা শুনছিলেন। তখন তিনি জিজ্ঞেস করেন, মৌলভী সাহেব! আপনি এই আরবি শুনে এত বিমোহিত হচ্ছেন কেন? সেই মৌলভী সাহেব, একই সাথে সুবহানাল্লাহ্, মাশাআল্লাহ্ এবং আল্লাহ্ আকবরও বলছিলেন। তিনি (অর্থাৎ লেখক) বলেন, আপনি এত আত্ম-নিমগ্ন হচ্ছেন কেন? তিনি (অর্থাৎ মৌলভী) বলেন, তুমি কি দেখতে পাচ্ছ না, সে কত সুলিলি কঠে কুরআন শরীফ পড়ছে? গানটি যেহেতু আরবি ভাষায় ছিল তাই তিনি একে কুরআন বানিয়ে দিয়েছেন। অতএব এভাবে বিদ্যাত ছড়িয়ে পড়লে মানুষের চিন্তাধারাও বিকতির শিকার হয়।”

(খুতবা জুমুআ, ১৮ মার্চ ২০১৬, বায়তুল ফতুহ, লঙ্ঘন;
আল ফযল ইন্টারন্যাশনাল, ০৮ এপ্রিল ২০১৬)

সোশাল মিডিয়ার কল্যাণকর দিক-

- MTA'র কল্যাণরাজি
- MTA খিলাফতের সাথে সম্পৃক্ত রাখার মাধ্যম
- MTA'র মাধ্যমে তবলীগ
- বিরোধিতা জামা'তের উন্নতির পথে অন্তরায় হতে পারে না
- “রিভিউ অব রিলিজিয়ন্স” পত্রিকার মাধ্যমে ইসলামের বাণী প্রচার
- alislam.org- ইসলাম প্রচারের মাধ্যম
- জুমুআর খুতবা একটি আধ্যাত্মিক খাদ্য
- আল্লাহ্ তাঁ'লার প্রতিশ্রূতি পূর্ণ হবেই
- ﴿وَالنِّسْرُ تِنْشِرٌ﴾ অর্থ: আর তাদের (কসম) যারা ব্যাপকভাবে ছড়ায় (সূরা আল মুরসালাত: ৮)

হ্যুর আনোয়ার (আই.) তাঁর বক্তৃতাসমূহে আমাদের দৃষ্টি বার বার এদিকে আকর্ষণ করেছেন যে, সামাজিক যোগাযোগমাধ্যমগুলিকে ধর্মের সাথে দৃঢ় সম্পর্ক গড়ার কাজে ব্যবহার করুন, যাতে আপনারা এই জ্ঞানমূলক ও আধ্যাত্মিক খাদ্য হতে লাভবান হতে পারেন। এসব মাধ্যমই পৃথিবীর পুণ্যাত্মাদেরকে সঠিক পথ-পানে আকৃষ্ট করে ইসলামের কোলে আশ্রয় দিচ্ছে।

MTA'র কল্যাণরাজি

মুসলিম টেলিভিশন আহমদীয়া ইন্টারন্যাশনাল আধ্যাত্মিক খাদ্যের এমন এক মাধ্যম যার কল্যাণরাজি বিশ্বের বিভিন্ন প্রান্ত পর্যন্ত বিস্তৃত। এ থেকে কল্যাণমণ্ডিত হওয়া সম্পর্কে উপর্যুক্ত দিতে শিয়ে হ্যুর আনোয়ার (আই.) বলেন:

“কাজেই আমরা এখন যে যুগ অতিবাহিত করছি তাতে প্রচারমাধ্যম আমাদেরকে পরম্পরারের নিকটবর্তী করে দিয়েছে। তবে দুর্ভাগ্যজনকভাবে পুণ্যের ক্ষেত্রে নিকটবর্তী করার পরিবর্তে শয়তানের পদাক্ষ অনুসরণের অধিক নিকটতর করে দিয়েছে আর এটি নির্দিষ্ট কোন একটি রাষ্ট্রের কথা নয়, বরং গোটা বিশ্বের অবস্থাই এমন। এমতাবস্থায় এক আহমদীকে নিজের অবস্থা সম্পর্কে অনেক বেশি সচেতন থাকতে হবে। আল্লাহ তা'লা আমাদেরকে স্যাটেলাইট টেলিভিশন MTA দান করেছেন। আল্লাহ তা'লা আমাদেরকে জামা'তের আধ্যাত্মিক ও জ্ঞানমূলক কার্যক্রম পরিচালনার জন্য ওয়েবসাইটও দান করেছেন। আমরা যদি আমাদের পূর্ণ মনোযোগ এদিকে নিবন্ধ করি তবেই আল্লাহ তা'লার নৈকট্য লাভ করার প্রতি আমাদের দৃষ্টি থাকবে আর আমরা শয়তানের কবল থেকে বাঁচতে সক্ষম হব।”

(খুতবা জুমুআ', ২০ মে ২০১৬, মসজিদ নাসের, গুটেনবার্গ, সুইডেন;
আল ফযল ইন্টারন্যাশনাল, ১০ জুন ২০১৬)

২০১৫ সালের ডিসেম্বরে অনুষ্ঠিত অন্তর্লিয়া জামা'তের বার্ষিক জলসায় সৈয়দনা হযরত আমীরুল মু'মিনীন খলীফাতুল মসীহ আল্লাহ খামেস (আই.) জামা'তের সদস্যদের জন্য যে বাণী প্রেরণ করেছেন তার ইতি টানেন নিম্নোক্ত বচনে:

“সমগ্র পৃথিবীর আহমদীদের দৃষ্টি বারংবার আমি এদিকে আকর্ষণ করেছি যে, MTA-তে যেসব অনুষ্ঠান সম্প্রচার করা হয় তা দেখুন। পিতামাতারাও এদিকে দৃষ্টি দিন আর আপনাদের সন্তানদেরকেও MTA'র সাথে সম্পৃক্ত করুন। এটি আধ্যাত্মিক খাদ্য যাতে রয়েছে আপনার আধ্যাত্মিক জীবনের নিশ্চয়তা। এর মাধ্যমে আপনার ধর্মীয় জ্ঞান বৃদ্ধি পাবে, আধ্যাত্মিকতায় উন্নতি হবে এবং

খিলাফতের সাথে নিবিড় সম্পর্ক গড়ে উঠবে আর বিশ্বের অন্যান্য চ্যানেলের বিষাক্ত ছোবল থেকে নিরাপদ থাকবেন। আল্লাহু তা'লা আপনাদেরকে আমার এসব উপদেশ মেনে চলার সামর্থ দান করুন। আমীন।

(অস্ট্রেলিয়ার সালানা জলসা উপলক্ষ্যে প্রেরিত বাণী, ২৪ ডিসেম্বর ২০১৫;

আল ফযল ইন্টারন্যাশনাল, ১৫ জুলাই ২০১৬)

একইভাবে MTA’র কল্যাণরাজি থেকে পুরোপুরি লাভবান হওয়ার জন্য বিশেষভাবে গুরুত্বপূর্ণ করে হ্যার আনোয়ার (আই.) একবার লাজনা ইমাইল্লাহ্র উদ্দেশ্যে বলেন:

“যেমনটি আজ আমি বলেছি, আমাদের শিক্ষা প্রচারের জন্য আমরা আধুনিক প্রযুক্তির সাহায্য নিতে পারি। MTA ছাড়াও জামা’তের বিভিন্ন ওয়েবসাইট রয়েছে যাতে জ্ঞান ও তথ্যসমূহ অনুষ্ঠানমালা এবং বইপুস্তক খুবই সহজলভ্য। আপনাদের উচিত এসব মাধ্যম ব্যবহার করে সব সময় নিজেদের জ্ঞান বৃদ্ধির কাজে লেগে থাকা।

লাজনা ইমাইল্লাহ্র প্রত্যেক সদস্যার উচিত নিজেকে MTA’র সাথে সম্পৃক্ত করা এবং নিয়মিত এর অনুষ্ঠানমালা দেখা। নিদেনপক্ষে এটি নিশ্চিত করুন যে, জুমুআর খুতবা এবং খলীফাতুল মসীহ্র অন্যান্য প্রোগ্রাম ও অবশ্যই দেখবেন। অনুরূপভাবে তাদের সন্তুরাও বসে এসব অনুষ্ঠান অবশ্যই দেখবে- এটিও নিশ্চিত করুন। এখানে যুক্তরাজ্যে যে সমস্ত ছেলেমেয়ে বড় হয়েছে তাদেরও উচিত MTA এবং জামা’তের বিভিন্ন ওয়েবসাইটের সাথে যুক্ত থাকার বিষয়টি নিশ্চিত করা। এটিও তাদের সুনির্ণিত করা উচিত যে, যুগ-খলীফার প্রোগ্রাম তারা অবশ্যই দেখবে। কেননা এটি তাদের আধ্যাত্মিক ও নৈতিক প্রশিক্ষণে সহায়ক হবে আর ধর্মীয় বিষয়েও তাদের জ্ঞান বৃদ্ধি পাবে।

বিশ্বের সকল প্রান্তের মানুষ MTA’র মাধ্যমে সত্যকে অনুধাবন করে আহমদীয়াতের ক্রোড়ে আশ্রয় নিচ্ছে। যেমন কিছুকাল পূর্বে ফ্রান্সের নিকটবর্তী খুবই ছেট একটি দ্বীপের বাসিন্দা এক ব্যক্তি লিখেন, ঘটনাক্রমে আমার MTA দেখার সুযোগ ঘটে আর তখন আমার (অর্থাৎ খলীফাতুল মসীহ্র) খুতবা সম্প্রচারিত হচ্ছিল। সেই খুতবায় আমি সোসা (আ.)-এর মৃত্যুর বিষয়টি উল্লেখ করি। সেই ব্যক্তি এটি শুনে বলেন, আমার নিশ্চিত বিশ্বাস জন্মায় যে, এটিই সঠিক শিক্ষা। এরপর তিনি ইন্টারনেটে জামা’ত সম্পর্কে গবেষণা করেন এবং YouTube-এ আমাদের অনুষ্ঠান দেখেন। তিনি বলেন, পরবর্তীতে আহমদীয়াতের সত্যতা সম্পর্কে আমার দৃঢ় বিশ্বাস জন্মে আর এভাবে আল্লাহু তা'লা কৃপায় তিনি

বয়আত গ্রহণ করেন। অনুরূপভাবে বেশ কিছু ভদ্রমহিলাও আমাদের জামা'তভুক্ত হয়েছেন এবং তারা স্টানের ওপর খুবই দৃঢ়ভাবে প্রতিষ্ঠিত।"

(লাজনা ইমাইল্লাহ যুক্তরাজ্যের বার্ষিক ইজতেমায় মহিলাদের উদ্দেশ্যে ভাষণ,
২৫ অক্টোবর ২০১৫; আল ফযল ইন্টারন্যাশনাল, ২৫ মার্চ ২০১৬)

MTA-খিলাফতের সাথে সম্পৃক্ত হওয়ার মাধ্যম

মুসলিম টেলিভিশন আহমদীয়া একটি মহান নিয়ামতের চেয়ে কম নয় যা থেকে সঙ্গাব্য সব কল্যাণ অর্জন করা উচিত। অতএব ভূয়ুর আনোয়ার (আই.) বলেন:

"যেমনটি আমি বিভিন্ন উদাহরণ দিয়েছি, এ যুগে এমন অনেক বিষয় আছে যা মানুষকে আল্লাহ তা'লার অসন্তুষ্টির পথে নিয়ে যায়। সেগুলোর যথাযথ ব্যবহার পাপ নয় কিন্তু সেগুলোর অপব্যবহার বিভিন্ন পাপের প্রসার, নোংরামি ও পাপাচার বিস্তারের অনেক বড় মাধ্যমে পরিণত হয়েছে। কিন্তু এসব উপকরণ পুণ্য বিস্তারেরও মাধ্যম। যেমন টিভি; যা একদিকে তথ্যবলুন এবং জ্ঞানগর্ত বিষয়ে প্রচার করে আর অপরদিকে এর মাধ্যমে সর্বত্র অশ্লীলতা ও ছড়াচ্ছে। এ যুগে টিভি'র সর্বোত্তম ব্যবহার আমরা আহমদীরাই করছি বা আহমদীয়া জামা'ত করছে। জলসার দিনগুলোতেও আমি দৃষ্টি আকর্ষণ করেছিলাম আর কতিপয় লোকের ওপর এর ভালো প্রভাব পড়েছে। তারা আমাকে বলেছে, ইতোপূর্বে আমরা MTA দেখতাম না, কিন্তু এখন আপনার নির্দেশ ও দৃষ্টি আকর্ষণের পর আমরা MTA দেখতে আরম্ভ করেছি। তারা এখন অনুত্তাপ করে যে, পূর্বে কেন MTA দেখি নি, কেন আমরা এর সাথে যুক্ত হই নি। কেউ কেউ লিখেছেন, (MTA'র কল্যাণে) এক সংগৃহ বা দশ দিনের মধ্যেই আমাদের আধ্যাত্মিক ও জ্ঞানগত মানের উন্নয়ন ঘটেছে; জামা'ত সম্পর্কে আমরা সঠিকভাবে অবগত হয়েছি।

অতএব আমি পুনরায় স্মরণ করাচ্ছি- এদিকে অনেক বেশি মনোযোগ দিন আর নিজেদের পরিবারকে এই নিয়ামত থেকে উপকৃত করুন যা আমাদের তরবীয়ত বা শিক্ষাদীক্ষার জন্য, আমাদের জ্ঞান ও আধ্যাত্মিকতার উন্নতির জন্য, আমাদের ভবিষ্যৎ প্রজন্মের আহমদীয়াতের ওপর প্রতিষ্ঠিত থাকা নিশ্চিত করার জন্য আল্লাহ তা'লা আমাদেরকে দান করেছেন। অতএব আমাদের উচিত নিজেদেরকে MTA'র সাথে সম্পৃক্ত করার চেষ্টা করা। এখন খুতবা ছাড়াও আরো অনেক লাইভ অনুষ্ঠান প্রচার করা হচ্ছে। এগুলো যেখানে ধর্মীয় ও আধ্যাত্মিক উন্নতির মাধ্যম, সেখানে জ্ঞানগত উন্নতিরও মাধ্যম। জামা'ত প্রতিবছর এর পেছনে লক্ষ লক্ষ ডলার ব্যয় করে যাতে জামা'তের সদস্যদের তরবিয়ত হয়। জামা'তের সদস্যগণ যদি এথেকে পুরোপুরি লাভবান না হয় তাহলে নিজেরাই নিজেদেরকে বাধ্যত করবে।

অ-আহমদীরা এথেকে অনেক বেশি লাভবান হচ্ছে এবং জামা'তের সত্যতা তাদের কাছে প্রতিভাত হচ্ছে আর আল্লাহ তা'লার একত্রবাদ ও ইসলামের সত্যতা সম্পর্কে তারা পূর্ণভাবে জ্ঞাত হচ্ছে এবং প্রকৃত সত্য তারা জানতে ও বুঝতে পারছে। কাজেই, এখানে বসবাসকারী আহমদীদের এবং বিশ্বের সকল আহমদীর উচিত MTA থেকে পুরোপুরি লাভবান হওয়া। MTA'র আরো একটি কল্যাণ রয়েছে আর তা হলো এটি জামা'তকে খিলাফতের কল্যাণের সাথে সম্পৃক্ত করারও অনেক বড় এক মাধ্যম। অতএব, এথেকে লাভবান হওয়া উচিত।”

(খুতুবা জুমুআ, ১৮ অক্টোবর ২০০৩, মসজিদ বায়তুল হুদা, সিডনী, অস্ট্রেলিয়া;
আল ফযল ইন্টারন্যাশনাল, ০৮ নভেম্বর ২০১৩)

আহমদী মেয়েদের শিক্ষাদীক্ষার বিষয়ে ভূয়ি আনোয়ার (আই.) বার বার নির্দেশনা প্রদান করছেন। এ প্রসঙ্গে এক বাণীতে তিনি (আই.) বলেন:

“লাজনা ইমাইল্লাহ-ও জামা'তেরই একটি অঙ্গসংগঠন, যাদের একটি শাখা হচ্ছে নাসেরাতুল আহমদীয়া যা পনের বছর বয়়সীয়ামায় উপনীত আহমদী কিশোরীদের সংগঠন। কাজেই, খোদা তা'লার কৃপায় আপনারা জামা'তের সুপ্রতিষ্ঠিত ও সক্রিয় (সাংগঠনিক) কাঠামোর অংশ, যাদের কাজ হচ্ছে বিশ্ববাসীকে ইসলাম ও আহমদীয়াতের শিক্ষা সম্পর্কে অবহিত করা। এজন্য আপনাদের ব্যাপক ধর্মীয় জ্ঞান থাকা আবশ্যিক। নিজেদের ধর্মবিশ্বাস সম্পর্কে সম্যক ধারণা থাকতে হবে এবং ইসলামী শিক্ষামালা মেনে চলতে হবে। যেমন- শালীন পোশাক পরিধান করুন, কোট ও বোরকা পরিধানের বয়স হলে এগুলো না পরে ঘর থেকে বের হবেন না। গল্পগুজবের আসর, অনৈতিক বন্ধুত্ব আর ইন্টারনেট ও মোবাইল ফোন ইত্যাদির বিভিন্ন ক্ষতিকর দিক থেকে নিজেকে দূরে রাখুন।

হযরত মসীহ মওউদ (আ.) তাঁর “কিশতিয়ে নৃহ” পুস্তকে যারা কুসংসর্গ এবং মন্দ আড়ত পরিত্যাগ করে না তাদেরকে খুবই শক্তভাবে সতর্ক করেছেন। অতএব সর্বদা এ শিক্ষাকে স্মৃতিপটে জাগরূক রাখুন।

নাসেরাতের বয়স হচ্ছে শিক্ষার্জনের বয়স। নিজের শিক্ষার প্রতি বিশেষ দৃষ্টি দিন আর উজ্জ্বল ভবিষ্যতের লক্ষ্যে পরিশ্রম করুন এবং বেশি বেশি দোয়া করুন। নিজেদের কর্মপরিকল্পনা আপনারা এমনভাবে করুন যদ্বারা ধর্মের প্রতি আপনাদের ভালোবাসা প্রকাশ পায়। উদাহরণস্বরূপ প্রত্যেক শুক্রবারে MTA'তে যখন আমার খুতুবা সম্প্রচার হয় তখন তা শোনার ব্যবস্থা করুন। কিছু কথা সঙ্গে সঙ্গে টুকেও রাখুন যাতে খুতুবার প্রতি পূর্ণ মনযোগ নিবন্ধ থাকে। যেসব কথা বুঝতে না পারেন, বাড়ির কোন জ্যেষ্ঠ সদস্যের কাছে তা জিজেস করুন। এতে যুগ-খলীফার সাথে

আপনার ব্যক্তিগত সম্পর্ক গড়ে উঠবে, ধর্মীয় জ্ঞান বৃদ্ধি পাবে, চিন্তাধারা ও মন-মানসিকতা পরিব্রত হয়ে যাবে এবং ধর্মসেবা ও জামা'তী অনুষ্ঠানাদিতে অংশগ্রহণের আগ্রহ বৃদ্ধি পাবে। স্মরণ রাখবেন! নিজেকে আপনি যতটা ধর্মের কাছে রাখবেন, সামাজিক কল্যাণ বা অবক্ষয় থেকে ততটাই নিরাপদ থাকতে পারবেন। এর মাধ্যমেই আত্মিক প্রশান্তি লাভ হবে। তবলীগ করলে (আপনাদের) কথা মানুষের হাদয়ে দাগ কাটবে।”

(লাজনা ইমাইল্লাহ জার্মানির উদ্দেশ্যে প্রেরিত বার্তা, ত্রৈমাসিক গুলদাস্তা,
২০ মার্চ ২০১৭; আল ফযল ইন্টারন্যাশনাল, ০৯ জুন ২০১৭)

MTA'র মাধ্যমে তবলীগ

MTA'র মাধ্যমে জামা'তের উন্নতি ও অগ্রগতির বৃত্তান্তও প্রচারিত হয়ে থাকে আর তবলীগ বা প্রচারের কাজও অব্যাহত থাকে যার ফলে মহিলারাও কল্যাণমণ্ডিত হচ্ছে। এ প্রসঙ্গে একবার ভুয়ুর আনোয়ার (আই.) বলেন:

“আমি ঐশ্বীকৃপারাজি আর আল্লাহ্ তা'লার পক্ষ থেকে কাজ সহজসাধ্য করার কথা বলেছি। এ মর্মে আজও কতিপয় উদাহরণ আপনাদের সামনে তুলে ধরছি, (যাতে স্পষ্ট হবে) কীভাবে আল্লাহ্ তা'লা জগন্মাসীর হৃদয় উন্মুক্ত করছেন- যাদের অস্তর্ভুক্ত রয়েছে নারীরাও। মাত্র কয়েকজন নারীর উদাহরণ আমি নিয়েছি, যাদেরকে আল্লাহ্ তা'লা সেসব লোকের অস্তর্ভুক্ত করেছেন যারা সর্বোত্তম উন্মত হবার দাবি পূরণার্থে সম্মুখে এগিয়ে চলেছেন।

সিরিয়া থেকে আমাদের একজন বোন হালওয়ানী সাহেবা তার কয়েকটি স্পন্দন তুলে ধরছেন। তিনি বলেন, প্রথম স্পন্দে আমি আলেমদের একটি দল দেখি আর মনে হচ্ছিল, তারা ‘আল হিওয়ারুল মুবাশের’-এ (যা আমাদের MTA'র একটি আরবী অনুষ্ঠান) বসে আছেন এবং হয়রত আকদাস মসীহ মওউদ (আ.)-এর জীবনী সম্পর্কে কথা বলছেন। জাগ্রত হবার পর শুধু ‘পাঞ্জাব’ শব্দটি আমার স্মৃতিপটে গেঁথে ছিল যা আমি এর পূর্বে কখনো শুনি নি। অতএব আমি আমার এক আহমদী বাস্তবীকে স্বপ্নটি শোনানোর পর এ শব্দের অর্থ জিজ্ঞেস করি তখন সে খুব বিস্মিত হয়। এর কিছুদিন পর আমি আরেকটি স্পন্দে একটি নূর বা জ্যোতি দেখতে পাই যা এমন এক ব্যক্তির অবয়বে ছিল যিনি পাগড়ী পরিহিত আর তিনি হাঁটু গড়ে বসে ছিলেন এবং আমাকে বলেন- আমিই মাহ্নী। ঘুম ভাঙ্গার পর আমি খুবই আনন্দিত ছিলাম। আমি বয়আত করার ইচ্ছা ব্যক্ত করি, কিন্তু কোন কারণে আমার বয়আত করতে বিলম্ব হয়ে যায়। তিনি বলেন, তৃতীয় স্পন্দে আমি দেখি, দিনের বেলা আরাম

করছি আর তখন একটি আওয়াজ আমাকে উদ্দেশ্য করে বলছে, আমি তোমাকে তৃতীয়বার বলছি যে, আমিই মাহ্নী। তুমি কিসের অপেক্ষায় আছ? এরপর আমার মেয়ে আমাকে (যুম থেকে) জাগিয়ে দেয় আর তখন আমি বিস্মিত ও উদ্বিগ্ন ছিলাম। অতএব আমি তৃরিত বয়আত করে নেই।”

(লাজনা ইমাইল্লাহ জার্মানির বার্ষিক ইজতেমায় মহিলাদের উদ্দেশ্যে ভাষণ,
১৭ সেপ্টেম্বর ২০১১; আল ফযল ইন্টারন্যাশনাল, ১৬ নভেম্বর ২০১২)

একজন আফ্রিকান যুবকের MTA’র প্রতি ভালোবাসা এবং এথেকে উপকৃত হওয়া সম্পর্কে হ্যাঁ আনোয়ার (আই.) বলেন:

“আইভরিকোস্টের একটি শহরে বসবাসকারী বাসাম (Bassam) নামের এক যুবকের উদাহরণ আমি উপস্থাপন করছি:

তিনি বলেন, তিনি একজন অ-আহমদী মুসলমান এবং ইসলামের প্রতি তার গভীর আকর্ষণ ছিল। তিনি অ-আহমদীদের মসজিদে যাতায়াত করতেন কিন্তু তারা পারস্পরিক বাগড়াবিবাদে লিঙ্গ থাকত। এটি দেখে তিনি খুবই নিরাশ হতেন, তার অনেক দুঃখ হতো আর এ কারণে অনেক আক্ষেপও করতেন। কিছুদিন পর আল্লাহ তাঁ’লার কৃপায় তাকে আহমদীয়া জামা’তের সাথে পরিচয় করানো হয়। এরপর তিনি আমাদের মসজিদে নামায পড়তে আরম্ভ করেন এবং কুরআনের দরসও শুনতেন আর পাশাপাশি স্থানীয় আহমদীরা তাকে তবলীগও করে। এভাবে অচিরেই তার সামনে আহমদীয়াতের সত্যতা স্পষ্ট হয়ে যায় আর তিনি বয়আতও গ্রহণ করেন। কিন্তু তিনি শুধু বয়আত করেই ক্ষাত্ত হন নি বা শুধুমাত্র বয়আত করাকেই যথেষ্ট মনে করেন নি, বরং স্থানীয় জামা’তে মনোযোগের সাথে নিয়মিত MTA দেখতে থাকেন। MTA দেখে তিনি এতটাই প্রভাবিত হন যে, কয়েক মাসের মধ্যেই টাকা জমিয়ে নিজ বাড়িতে স্যাটেলাইট ডিশ লাগিয়ে নেন। আহমদীয়া জামা’তের যে অনুষ্ঠানই তিনি দেখতেন তার ভাষ্য অনুসারে তা তার ঈমান বৃদ্ধির কারণ হতো। যদিও তিনি ফরাসি ভাষায় কথা বলেন, কিন্তু এমন অনুষ্ঠানও দেখতেন যা ফরাসি নয় এবং তিনি MTA’র শিডিউল বা অনুষ্ঠানসূচী পুরো মুখ্যত করে ফেলেছিলেন। তিনি বলেছেন, আমার বিভিন্ন খুতবা তার জন্য বিশেষভাবে আত্মিক প্রশান্তির কারণ হয় এবং একইভাবে অন্যান্য অনুষ্ঠানও (তাকে প্রশান্তি দিয়ে থাকে)। অতএব, আল্লাহ তাঁ’লা প্রদত্ত MTA রূপী এই নেয়ামতকে প্রত্যেক আহমদী মুসলমানের মূল্যায়ন করা উচিত আর কোনভাবেই এর অবমূল্যায়ন করা উচিত নয়।

মহানবী (সা.)-এর ভবিষ্যদ্বাণী অনুযায়ী প্রথিবী বিভিন্ন যুগচক্র বা যুগ-পরিক্রমার মধ্য দিয়ে অতিবাহিত হয়েছে আর এখন ইসলাম সেই চিরস্থায়ী খিলাফতের যুগে

প্রবেশ করেছে যার প্রতিশ্রূতি আল্লাহ্ তা'লা দিয়েছেন। এজন্য প্রত্যেক আহমদীর জন্য আবশ্যিক হলো খিলাফতের সাথে নিজের বন্ধন ও সম্পর্ককে সুদৃঢ় করা আর আইভরিকোস্টের এই যুবকের দ্রষ্টান্ত অনুকরণ করা। সে যুবক একথাও বলেছেন যে, হযরাত খলীফাতুল মসীহৰ জুমুআর খুতবা শোনা অথবা হযরাত খলীফাতুল মসীহৰ কোন অনুষ্ঠান দেখা তিনি বাদ দেন নি, প্রতিটি অনুষ্ঠান দেখেছেন। তিনি সব সময় এমন কোন কথা পান, যা তার ঈমান আরো বৃদ্ধির কারণ হয়। এজন্য প্রত্যেক আহমদী যুবককে নিজের Preference বা পছন্দ পাল্টানো উচিত আর আল্লাহ্ তা'লার সেই পুরক্ষারের জন্য সত্যিকার অর্থে কৃতজ্ঞ হওয়া উচিত যা তিনি MTA রূপে আমাদেরকে দান করেছেন। আমাদের উচিত MTA'র সাথে সম্পৃক্ত হয়ে যাওয়া। আল্লাহ্ তা'লার কৃপায় বিভিন্ন বিষয়বস্তু সম্বলিত এবং বিভিন্ন পরিস্থিতি ও ঘটনার আলোকে MTA খুবই আকর্ষণীয় অনুষ্ঠানমালা প্রস্তুত ও সম্পূর্ণ করছে। আপনাদের উচিত এসব অনুষ্ঠান দেখে বিভিন্ন বিষয়ে এবং বিভিন্ন প্রশ্ন সম্পর্কে ইসলামের দৃষ্টিভঙ্গি অবগত হওয়া, যাতে আপনাদের ধর্মীয় জ্ঞান বৃদ্ধি পায় আর এভাবে ইসলাম ও জামা'তের সাথে আপনাদের বন্ধনও দৃঢ় হবে ইনশাআল্লাহ্।”

(খোদামুল আহমদীয়া যুক্তরাজ্যের বার্ষিক ইজতেমায় যুবকদের উদ্দেশ্যে ভাষণ,
১৪ জুন ২০১৫; আল ফযল ইন্টারন্যাশনাল, ১৪ এপ্রিল, ২০১৭)

অগণিত অন্যান্য মানুষের মত আরবদেরও ইসলাম আহমদীয়াতে যোগ দেওয়ার মাধ্যম হয়েছে, এই MTA। এমনি একজনের স্মৃতিচারণ করতে গিয়ে হ্যুম্র আনোয়ার (আই.) বলেন:

“জর্ডানের আহমদ সাহেব বলেন, MTA'র মাধ্যমে জামা'তের সাথে তার পরিচয় হয় আর এতে উপস্থাপিত ব্যাখ্যা ও বিশ্লেষণ শুনে আন্তরিক প্রশান্তি নিয়ে তিনি খোদা তা'লার কাছে পথনির্দেশনা কামনা করে দোয়া করতে থাকেন। তিনি বলেন, এ দোয়ার পর আমি স্বপ্নে এক ব্যক্তিকে দেখি, যিনি বাড়ির ছাদের ওপর দাঁড়িয়ে ফজরের আযান দিচ্ছেন। আযান শেষ করার পর তিনি অনেকটা এভাবে বলেন, ‘হাইয়া আলাল আহমদীয়াহ, হাইয়া আলাল আহমদীয়াহ’ অর্থাৎ আহমদীয়াতের দিকে এসো, আহমদীয়াতের পানে এসো। স্বপ্নে মুয়ায়্যিন আরো কিছু বাক্য বলেন কিন্তু আমার শুধু এটিই স্মরণে আছে। আশ্চর্যের কথা হল, আমি যখন সজাগ হলাম, তখন পাড়ার মসজিদে মুয়ায়্যিন ফজরের আযান দিচ্ছিলেন। এই সুস্পষ্ট স্বপ্ন দেখার পর আমি বয়আত করার সিদ্ধান্ত নেই আর নিজ পুত্রদের ও পরিবারের অন্যদেরকে সাথে নিয়ে আমি বয়আত গ্রহণ করি।”

(যুক্তরাজ্যের সালানা জলসার ভাষণ, ১৩ আগস্ট, ২০১৬;
আল ফযল ইন্টারন্যাশনাল, ২০ জানুয়ারি ২০১৭)

MTA'র কল্যাণে সংঘটিত আরেকটি আধ্যাত্মিক পরিবর্তনের উল্লেখ করতে গিয়ে হ্যুর আনোয়ার (আই.) বলেন:

“গান্ধিয়ার আমীর সাহেব লিখেন, অ-আহমদী মৌলভীদের প্ররোচনায় ‘মামত ফান্না’ (Mamt Fanna) গ্রামে জামা’তের তীব্র বিরোধিতা হয়। গ্রামে যারা আহমদীয়াত গ্রহণ করেছিল তারা MTA'র সংযোগ নেয় আর অনুষ্ঠান দেখতে থাকে। এর ফলে আহমদীয়াতের প্রতি লোকদের আগ্রহ বাড়তে থাকে আর ধীরে ধীরে বিরোধীরাও MTA'র অনুষ্ঠান দেখতে আরম্ভ করে। যারা জামা’তের ঘোর বিরোধী ছিল, খুতবা শুনা ও দেখার পরে তারাই বলে, এই ব্যক্তির তো বিরোধিতা হওয়া উচিত নয়। (আমীর সাহেব) আরো বলেন, সেখানে ৩৫০জন আহমদীয়াত গ্রহণ করেন।

গান্ধিয়ার আমীর সাহেব আরো লিখেন, ‘মামত ফান্না’ গ্রামে একজন মহিলা আহমদী হওয়ার পর MTA'র অনুষ্ঠানাদি দেখতে আরম্ভ করেন। উক্ত মহিলার স্বামী আহমদীয়াতের ঘোর বিরোধী ছিল। জামা’ত ও খিলাফত সম্পর্কে তিনি বাড়িতে কথা বললে তার স্বামী রাগান্বিত হয় এবং বলে, আজকের পর বাড়িতে আহমদীয়াত সম্পর্কে কোন কথা হবে না এবং মানুষের উপস্থিতিতে স্ত্রীকে চরম ভাষায় গালমন্দ করে। উক্ত মহিলা দৃঢ় মনোবল ও ধৈর্যের সাথে স্বামীর কথা হজম করলেও অবিচলতার সাথে আহমদীয়াত ধরে রাখেন এবং নিয়মিত MTA দেখতে থাকেন। কিছুদিন পর (তার) স্বামীও MTA দেখতে আরম্ভ করে আর এর ফলে এক মাস পর উক্ত মহিলার স্বামীও আহমদীয়াত গ্রহণ করে।

(যুক্তরাজ্যের সালানা জলসার ভাষণ, ২২ আগস্ট ২০১৫;

আল ফযল ইন্টারন্যাশনাল, ১২ ফেব্রুয়ারি ২০১৬)

“বিরোধিতা জামা’তের উন্নতিতে প্রতিবন্ধক হতে পারে না”

আহমদীয়া জামা’তের বিরোধীরা আমাদের প্রকাশিত বইপুস্তক ও পত্রপত্রিকার ওপর নিষেধাজ্ঞা আরোপ করে আহমদীয়াতের তবলীগ বন্ধ করতে পারবে বলে মনে করে। কিন্তু প্রচারমাধ্যম ও অন্যান্য মাধ্যমের সুবাদে খোদা তাঁলা আহমদীয়াতের শুভবার্তা পৃথিবীর প্রান্তে প্রান্তে পৌঁছে দিচ্ছেন। পাঞ্জাব সরকারের নেয়া শক্রতামূলক কর্মকাণ্ডের স্বরূপ উন্মোচন করে হ্যুর আনোয়ার (আই.) বলেন:

“গত জুমুআয় আমি বলেছিলাম, জামা’তের কয়েকটি সাময়িকী ও পুস্তকের ওপর পাঞ্জাব সরকার প্রকাশ, প্রচার এবং প্রদর্শন (Display) ইত্যাদি করা যাবে না মর্মে নিষেধাজ্ঞা আরোপ করেছে। সেখানকার কিছু পত্রপত্রিকা এ বিষয়ে সংবাদও প্রকাশ করেছে। বর্তমানে সেল ফোনের মাধ্যমেই ছবি, ক্ষুদ্রেবার্তা (Messages) এবং

বিভিন্ন ধরনের বার্তা প্রেরণের যে পদ্ধতি রয়েছে, সেগুলোর মাধ্যমে মিনিটেই পুরো পৃথিবীতে সংবাদ ছড়িয়ে পড়ে। এগুলো দেখে ও শুনে লোকেরা আমার কাছে চিঠি ও ফ্যাক্স ইত্যাদির মাধ্যমে উদ্বেগ প্রকাশ করে। আমাদের স্মরণ রাখা উচিত, এসব নতুন কোন বিষয় নয়। আহমদীয়া জামা'তের ইতিহাসে নামধারী এসব আলেমের দাবিতে এ ধরনের অপকর্ম পূর্বেও হয়েছে এবং হয়েই থাকে। সূচনা থেকেই, তথা জামা'তে আহমদীয়ার প্রতিষ্ঠালগ্ন হতেই এরা এ ধরনের অপকর্ম করে আসছে আর করতে থাকবে। এসব অপকর্মের ফলে পূর্বেও কখনো জামা'তের কোন ক্ষতি হয় নি এবং ভবিষ্যতেও ইনশাঅল্লাহ্ তা'লা হবে না আর ক্ষতি করার সামর্থ্যও এদের নেই। কোন 'মা' এমন সন্তান জন্ম দেয় নি যে, এমনটি করে হ্যারত মসীহ মওউদ (আ.)-এর ঐশ্বী মিশনকে প্রতিহত করতে পারে। নামধারী এসব আলেম আর সেসব সরকার যারা তাদের পথপানে চেয়ে থাকে, তারা আহমদীয়াতের উন্নতি দেখে হিংসা প্রকাশের কোন না কোন অজুহাত খুঁজে। হিংসায় তারা এতটাই অঙ্গ হয়ে গেছে যে, তারা সম্পূর্ণরূপে কাঙ্গাল হারিয়ে বসে। বাহ্যত শিক্ষিত মানুষ অথচ তারা অজ্ঞদের চাইতেও হীন আচরণ প্রকাশ করতে থাকে। ইসলামের প্রকৃত শিক্ষা এবং মহানবী (স.)-এর মহিমা ও মর্যাদাকে হ্যারত মসীহ মওউদ (আ.) কীভাবে বর্ণনা করেছেন এবং আহমদীয়া জামা'তের প্রকাশনায় এগুলো যে কত সুন্দরভাবে উপস্থাপন করা হয়েছে, তারা তা কখনো জানা ও দেখার চেষ্টাই করে নি। আরব ও অন্যান্য জাতির ন্যায়পরায়ণ মুসলমানগণ যখন প্রকৃত সত্য দেখে, জামা'তের বিভিন্ন প্রকাশনা ও পুস্তকাদি দেখে বাস্তবতা উপলব্ধি করে, তখন তারা অবাক হয়ে যায় যে, এসব নামধারী আলেম, যারা নিজেদেরকে ইসলামের ধর্মাধারী জ্ঞান করে, তারা কতটা ঘৃণ্য, মিথ্যা ও প্রতারণার আশ্রয় নিয়ে হ্যারত মসীহ মওউদ (আ.)-এর ধ্যাণধারণা, শিক্ষামালা ও তাঁর রচনাসমগ্রকে বিকৃতভাবে উপস্থাপন করছে এবং অনবরত মিথ্যাচার করে যাচ্ছে। মহানবী (স.)-এর মর্যাদা ও ইসলামের অনুপম শিক্ষার মহিমাকে হ্যারত মসীহ মওউদ (আ.) যেভাবে বর্ণনা করেছেন আর আমাদের টেলিভিশন (চ্যানেল) MTA'তে সরাসরি যে অনুষ্ঠান হয় তা দেখে, তাতে এবং চিঠিপত্রের মাধ্যমেও অধিকাংশ মানুষ যারা এখনো আহমদী হয় নি, একথাই প্রকাশ করে যে, এই মর্যাদা ও মহিমা সম্বন্ধে এখনই আমরা জানতে পারলাম। নতুন বা এসব আলেম-উলামা তো আমাদেরকে অজ্ঞতার পর্দায় আচ্ছন্ন করে রেখেছিল। সত্যটা জেনে লোকদের কাছে একথা সুস্পষ্ট হয় যে, আহমদীয়াতের শক্রতায় এরা ইচ্ছাকৃতভাবে বা অজান্তে মহানবী (সা.) ও ইসলামকে আপত্তির লক্ষ্যে পরিণত করছে।

যাহোক, এসব আলেমের ধর্মই হচ্ছে শক্রতা ও নৈরাজ্য সৃষ্টি করা আর এ কারণেই এরা প্রকৃত সত্য জ্ঞানের চেষ্টা কখনোই করবে না, এতে অতিসরল মুসলমানদের

যত ক্ষতিই হোক না কেন! যাহোক, এগুলো তাদের কাজ আর তারা এসব করতেই থাকবে, কেননা তাদের কাছে ধর্মের চাইতে ব্যক্তিস্বার্থ চরিতার্থ করা অধিক প্রিয়। কিন্তু বিরোধীদের এহেন কর্মকাণ্ড অতীতের ন্যায় আমাদের ঈমানে ঔজ্জ্বল্য সৃষ্টি ও হ্যরত মসীহ মওউদ (আ.)-এর সাথে সম্পর্ক আরো নিবিড় করার ক্ষেত্রে ফলনবৃদ্ধি সারের ভূমিকা পালন করা উচিত। হ্যরত মসীহ মওউদ (আ.)-এর পুস্তকাদি পাঠের প্রতি যদি আমাদের মনোযোগ কম থেকে থাকে তাহলে এখন মনোযোগ বৃদ্ধি পাওয়া উচিত।

এক পাঞ্জাব সরকারের বাধা তো দূরের কথা গোটা বিশ্বের সব রাষ্ট্রের বাধায়ও এ কাজ বন্ধ হতে পারে না; কেননা এটি মানবীয় চেষ্টা-প্রচেষ্টায় সাধিত হওয়ার মত কাজ নয়; বরং এটি খোদা তাঁলার কাজ। তিনি হ্যরত মসীহ মওউদ (আ.)-কে জ্ঞান ও তত্ত্বভাগের সমৃদ্ধ করে প্রেরণ করেছেন আর সফলতার প্রতিশ্রুতি দিয়েছেন। বড় বড় বাধা-বিপত্তি ও বিরোধিতার পর জামা'তের উন্নতি আরো ব্যাপকভাবে হয়েছে; আমরা সব সময় এটিই দেখেছি। তাদের ধারণা অনুসারে তারা আমাদের বিরুদ্ধে যে মোক্ষম পদক্ষেপ নিয়েছে বলে মনে করে, তা খুবই নগণ্য এক প্রতিবন্ধকতা। আমাদেরকে দমনের চেষ্টা যত বেশি করা হয় আল্লাহ তাঁলা (আমাদের প্রতি) স্বীয় কৃপারাজি ততই বৃদ্ধি করেন। ইনশাআল্লাহ তাঁলা এখনো মঙ্গলই হবে, কাজেই চিন্তার কিছু নেই; বেশি উদ্বিগ্ন ও উৎকর্ষিত হবারও কোন প্রয়োজন নেই। কেননা হ্যরত মসীহ মওউদ (আ.)-এর পুস্তকাদি এখন পৃথিবীর অন্যান্য দেশেও ছাপানো হচ্ছে, ওয়েব সাইটগুলোতেও সহজলভ্য। বিভিন্ন বইয়ের অডিও সংস্করণও পাওয়া যাচ্ছে এবং বাকিগুলোও অচিরেই সরবরাহের চেষ্টা করা হবে। এমন এক যুগও ছিল যখন এ চিন্তা হতো যে, প্রকাশনার ওপর নিষেধাজ্ঞা আরোপে জামা'তের ক্ষতি হতে পারে। আল্লাহ তাঁলার কৃপায় এই জ্ঞান ও তত্ত্বভাগের এখন আকাশে বাতাসে ছড়িয়ে আছে, একটি বোতাম টিপতেই যা আমাদের সামনে এসে যায়। আমাদের কাজ হচ্ছে, হ্যরত মসীহ মওউদ (আ.)-এর ধর্মীয় সাহিত্য ও পুস্তকাদি থেকে বেশি বেশি লাভবান হবার চেষ্টা করা। এখন MTA'তেও ইনশাআল্লাহ তাঁলা হ্যরত মসীহ মওউদ (আ.)-এর পুস্তকাদির ভিত্তিতে পূর্বাপেক্ষা অধিক সময় ধরে দরস সম্প্রচার করা হবে। এভাবে পাকিস্তানের একটি প্রদেশের আইনের কারণে বিশ্বজুড়ে ছড়িয়ে থাকা আহমদীদের উপকার হবে। প্রতিটি বাধা ও বিরোধিতা আমাদের জন্য কল্যাণ বয়ে আনে আর নতুন পথ ও মাধ্যমের প্রতি আমাদের মনোযোগ নিবন্ধ হয়। এর কল্যাণে ইনশাআল্লাহ তাঁলা কেবল মূল ভাষায়ই পুস্তক ছাপা হবে না এবং দরস বা আলোচনা হবে না, বরং অনেক জাতির স্থানীয় ভাষায়ও এসব তথ্যভাগের

সহজলভ্য হবে। যেহেতু লোকেরা এ ব্যাপারে আমাকে লিখে থাকে তাই আমাকে এ কথা বলতে হচ্ছে যে, যাদের অঙ্গে কোন প্রকার উদ্দেশ্য-উৎকর্ষ আছে তারা তা মন থেকে ঝোড়ে ফেলুন।

(খুতুবা জুমআ, ১৫ মে ২০১৫, বায়তুল ফতুহ, লগুন;
আল ফযল ইন্টারন্যাশনাল, ০৫ জুন ২০১৫)

“রিভিউ অফ রিলিজিওন্স” পত্রিকার মাধ্যমে ইসলামের বাণী

ইংরেজি ভাষা-ভাষী লোকদের মাঝে ইসলাম প্রচারের উদ্দেশ্যে উদ্দৃত ও ইংরেজি উভয় ভাষায় হ্যারত মসৌহ মওউদ (আ.) যে পত্রিকা ১৯০২ সনে কাদিয়ান থেকে প্রকাশ করেন, সেটি আজ প্রিন্ট মিডিয়া (মুদ্রণ মাধ্যম) ছাড়াও ইলেক্ট্রনিক মিডিয়ার মাধ্যমেও সমগ্র বিশ্বের (ইংরেজি, জার্মান ও ফরাসি ভাষা-ভাষী) শিক্ষিত শ্রেণির সামনে ইসলামের জ্যোতিকে উপস্থাপন করার সৌভাগ্য লাভ করছে। এ পত্রিকার উল্লেখ করে হ্যার আনোয়ার (আই.) তাঁর এক বক্তৃতায় বলেন:

“রিভিউ অফ রিলিজিওন্স” (Review of Religions) যার সূচনা হ্যারত মসৌহ মওউদ (আ.) ১৯০২ সনে করেছিলেন, এখন এর প্রচার ব্যক্তিকাল ১১৪ বছর। আল্লাহ তা’লার কৃপায় আধুনিক যুগের বিভিন্ন উপায় ও মাধ্যম ব্যবহার করে এখন এটিকে একটি মাল্টি প্ল্যাটফর্মে নিয়ে আসা হয়েছে। আল্লাহ তা’লার কৃপায় এ পত্রিকার মুদ্রিত সংস্করণ, ওয়েব সাইট, সামাজিক যোগাযোগমাধ্যম, ইউটিউব এবং বিভিন্ন প্রদর্শনীর মাধ্যমে বিশাল সংখ্যক মানুষের কাছে ইসলামের বাণী পৌছানো হচ্ছে আর বিভিন্ন প্ল্যাটফর্ম ব্যবহার করার সুবাদে প্রায় দশ লক্ষাধিক মানুষের কাছে ইসলামের বাণী পৌছে যাচ্ছে।”

(যুক্তরাজ্যের সালানা জলসার ভাষণ, ১৩ আগস্ট ২০১৬;
আল ফযল ইন্টারন্যাশনাল, ২০ জানুয়ারি ২০১৭)

“alislam.org” ইসলাম প্রচারের অন্যতম মাধ্যম

“আল ইসলাম ডট অর্গ” (alislam.org) এমন একটি ওয়েব সাইট, যেখানে তবলীগ ও তরবিয়তের লক্ষ্যে বিভিন্ন ভাষায় সকল প্রকার প্রয়োজনীয় বিষয়াদি এক জায়গায় একত্রিত করা হয়েছে। এর উপকারিতার ধারণা কেবল তারাই করতে পারে, যারা এ থেকে লাভবান হওয়ার চেষ্টা করে। স্বেচ্ছাসেবকদের একটি দল এই ওয়েব সাইটটিকে যথাসম্ভব উন্নত থেকে উন্নততর

করার চেষ্টায় অহর্নিশ রত থাকে। এর উল্লেখ করতে গিয়ে এক জুমুআর খুতবায় হ্যুর (আই.) বলেন:

“আরেকটি কথা যা আজ আমি বলতে চাই আর আমি কাদিয়ানের সালানা জলসার সমাপনী অধিবেশনেও বলেছিলাম যে, আমাদের ওয়েব সাইট, alislam কর্তৃপক্ষ আল্লাহ্ তা’লার কৃপায় এতে একটি নতুন বিষয়ের সংযোজন করেছে, অর্থাৎ হ্যরত মসীহ মওউদ (আ.)-এর রূহানী খায়ায়েনের সবকটি গ্রন্থকে এমন একটি সার্চ ইঞ্জিনে (Search Engine) অন্তর্ভুক্ত করেছে যে, আপনারা যদি এতে কোন শব্দ যেমন আল্লাহ্ র নাম, ইউসু মসিহৰ নাম, মুহাম্মদ (সা.)-এর নাম খুঁজতে চান, তাহলে সেই নাম এবং উদ্বৃত্তি অন্যায়েই আপনার সামনে চলে আসবে, তা সেই নাম হ্যরত মসীহ মওউদ (আ.)-এর রূহানী খায়ায়েনের খণ্ডসমূহে অন্তর্ভুক্ত কিতাবের যেখানেই ব্যবহৃত হয়ে থাকুক না কেন। অধিকস্ত যারা ইন্টারনেটে আগ্রহ রাখেন বা alislam ব্রাউজ করেন, তারা সেটি বের করে মূল বইয়ের পরবর্তী পৃষ্ঠাগুলোও দেখতে পারেন। অতএব এটি একটি অনেক বড় অগ্রগতি যা ছিল খুবই কঠিন একটি কাজ; আল্লাহ্ তা’লার কৃপায় আমাদের যুবকদের একটি সেবক দল এ কাজ সম্পাদন করেছে।”

হ্যুর (আই.) আরো বলেন:

“অতএব তারা এটি অনেক বড় একটি কাজ সম্পাদন করেছে, কিন্তু যে বাহ্যিক দৃষ্টিতে দেখে সে তা অনুভবও করে না। প্রতিটি পুস্তক পাঠ করা, প্রতিটি পুস্তক থেকে শব্দ খুঁজে বের করা, এরপর সূচীপত্র প্রস্তুত করা, তারপর সেই সূচীর সাথে সম্পর্কযুক্ত উদ্বৃত্তি ও পৃষ্ঠাগুলোর প্রোগ্রাম বানানো একটি অনেক বড় কাজ ছিল, যা আল্লাহ্ তা’লার কৃপায় আমাদের যুবকরা সম্পাদন করেছে। আল্লাহ্ তা’লা তাদের সবাইকে উত্তম পুরক্ষারে ভূষিত করুন এবং জগদ্বাসী এর মাধ্যমে কল্যাণমণ্ডিত হবে— এটিই আমার প্রত্যাশা।”

আপন্তিকারীরা বর্তমানে হ্যরত মসীহ মওউদ (আ.)-এর পুস্তকসমূহের বিরংদে আপন্তি উত্থাপন করে থাকে। চিন্তা করলে স্পষ্টভাবে প্রতিভাত হবে যে, এ যুগে এটিই একমাত্র ধনভাণ্ডার যা জগদ্বাসীর সংশোধনের উপায় হতে পারে। কিন্তু যাদের ওপর প্রভাব পড়বার নয়, তারা কুরআন করিমের আয়াতকেও এ মর্মে হাসি ঠাট্টার লক্ষ্যে পরিণত করে যে, তাদের ওপর (কুরআনেরও) কোন প্রভাব পড়ে নি। আল্লাহ্ তা’লা জগদ্বাসীকে বিবেকবুদ্ধি দান করুন।”

(খুতবা জুমুআর, ৩১ অক্টোবর ২০১০, বায়তুল ফতুহ, লগুন;
আল ফযল ইন্টারন্যাশনাল, ২১ জানুয়ারি ২০১১)

জুমআর খুতবা এক আধ্যাত্মিক খাদ্য

যুক্তরাজ্যের মজলিসে শুরা'র সমাপনী বক্তব্যে শুরার প্রতিনিধিগণকে MTA হতে বেশি বেশি উপকৃত হওয়ার লক্ষ্য নিয়মিত খুতবা জুমআ শ্রবণ করার প্রতি জোর তাগিদ প্রদান করে সৈয়দনা হ্যুর (আই.) বলেন:

“আরেকটি কথা, যেদিকে আমি কর্মকর্তাদের এবং মজলিসে শুরার প্রতিনিধিদের দৃষ্টি বিশেষভাবে আকর্ষণ করতে চাই তা হলো তাদের এবং তাদের পরিবারের লোকদের যতটুকু সম্ভব MTA থেকে উপকৃত হওয়া উচিত। বরং আপনারা অন্যান্য বন্ধুদেরও MTA থেকে কল্যাণ লাভের জন্য উদ্বৃদ্ধ করুন। প্রাথমিকভাবে আপনি যা করতে পারেন তাহলো প্রত্যহ MTA-তে আপনার পছন্দের অনুষ্ঠান দেখার জন্য একটি সময় নির্ধারণ করুন। যেমন, যেসব বন্ধু ইংরেজি অনুষ্ঠান শ্রবণ করতে পছন্দ করেন তাদের জন্য খুবই উন্নত কতিপয় ইংরেজি অনুষ্ঠান প্রাত্যহিকভাবে MTA-তে সম্প্রচার করা হয়; তাদের সেই সকল অনুষ্ঠান নিয়মিতভাবে দেখা উচিত।”

যে বিষয়টির প্রয়োজন সবচেয়ে বেশি তা হলো, আপনারা প্রত্যেক শুক্রবারে সম্প্রচারিত খুতবা জুমআ নিয়মিত শ্রবণ করুন, সেই সাথে সেসকল অনুষ্ঠানও দেখুন, যেগুলোতে আমি নিজে অংশ গ্রহণ করে থাকি, যেমন অমুসলমানদের উদ্দেশ্যে প্রদত্ত বক্তব্য, জলসায় প্রদত্ত আমার বক্তৃতাসমূহ বা অন্যান্য বৈঠক, ইত্যাদি। এ সকল অনুষ্ঠান দেখা আপনাদের জন্য কল্যাণকর হবে ইনশাআল্লাহ্ আর এই উদ্দেশ্যেই আপনাদের এ সকল অনুষ্ঠান দেখা উচিত।

(মজলিসে শুরা যুক্তরাজ্য, ১৬ জুন ২০১৩, বাইতুল ফতুহ, লগুন;
আল ফযল ইন্টারন্যাশনাল, ২৫ অক্টোবর ২০১৩)

আহমদীয়া মুসলিম জামা'ত যুক্তরাজ্যের ওয়াকেফীনে নও ন্যাশনাল ইজতেমায় প্রদত্ত সমাপনী ভাষণে খলীফাতুল মসীহ আল খামেস (আই.) বিভিন্ন বিষয়ে স্বর্ণালী উপদেশ প্রদান করেন ও গুরুত্বপূর্ণ দিক-নির্দেশনা দেন। সেই বক্তব্যে হ্যুর আনোয়ার (আই.) জুমআর খুতবা থেকে উপকৃত হওয়ার জন্য বিশেষ উপদেশ দেন, কেননা এর মাধ্যমে যুগ-খলীফার সাথে জামা'তের সদস্যগণের এক দৃঢ় সম্পর্ক-বন্ধন তৈরী হতে পারে। হ্যুর আনোয়ার (আই.) দিক-নির্দেশনা প্রদান করে বলেন:

“আপনাদের এ কথায়ও পূর্ণ ঈমান থাকা আবশ্যক যে, এ যুগে অর্থাৎ হযরত মসীহ মওউদ (আ.)-এর যুগে ইসলাম প্রচারের কাজকে সম্পূর্ণ করার জন্য আল্লাহ্ তাঁ'লা বিভিন্ন উপায় উপকরণ সৃষ্টি করেছেন। হযরত মুহাম্মদ (সা.)-এর যুগে ধর্মীয়

বিধান পূর্ণতাপ্রাপ্ত হয়ে গিয়েছে। তিনি (সা.) ছিলেন ‘খাতামান নবীউল্লেখ’ অর্থাৎ নবীগণের মোহর। কিন্তু ইসলামের বাণীকে সমগ্র পৃথিবীতে প্রচার ও প্রসারের জন্য প্রয়োজনীয় উপায় উপকরণ, দৃষ্টান্তস্বরূপ মিডিয়া ও অন্যান্য মাধ্যম, যার সুবাদে সংবাদ প্রচার করা যায় তা তখন প্রকাশিত হয় নি। আল্লাহ তা'লার প্রতিশ্রুতি অনুযায়ী হ্যারত মসীহ মওউদ (আ.)-এর যুগে এ সকল উপায় উপকরণ হস্তগত হয়েছে, যার মাধ্যমে অর্থাৎ মিডিয়া, টেলিভিশন, প্রেস ইত্যাদির মাধ্যমে ইসলামের বাণীকে পৃথিবীর এক প্রান্ত হতে অন্য প্রান্তে পৌছানো সম্ভব হচ্ছে। ইসলামের প্রকৃত শিক্ষা সমস্ত জগতে প্রচার ও প্রসারের কাজটি সম্ভবপর করার জন্যই একান্ত নিজ অনুগ্রহে আল্লাহ তা'লা এ যুগে আহমদীয়া জামা'তকে এসব উপকরণ দান করেছেন। এ কারণে জামা'তের প্রতিটি সদস্য, সে পৃথিবীর যে কোন এলাকার অধিবাসীই হোক না কেন, তার উচিত এই নতুন উপকরণের পর্যাপ্ত ও যথাযথ ব্যবহার নিশ্চিত করা। জামা'তের সদস্যগণের সার্বিক চেষ্টা করা উচিত যেন ইসলামের বাণী সকল দিকে পৃথিবীর প্রতিটি ভূখণ্ডে পৌছে যায়। এভাবে তারা খোদা তা'লার সেসকল কল্যাণেরও অধিকারী হবে, যা আল্লাহ তা'লা এ যুগে আহমদীয়া জামা'তের সাথে সম্পৃক্ত করেছেন।”

জুমুআর খুতবা থেকে সরাসরি উপকৃত হওয়ার জন্য নতুন প্রযুক্তি ব্যবহার করার কথা বর্ণনা করতে গিয়ে হ্যায় আনোয়ার (আই.) বলেন:

“এ ছাড়া আপনাদের হাদয়ে সকল ধরণের দ্বিধাদৰ্শ ও সন্দেহ-সংশয় থেকে মুক্ত এ পূর্ণ ও অটল বিশ্বাস থাকা উচিত যে, হ্যারত মসীহ মওউদ (আ.)-এর ইস্তেকালের পর আল্লাহ তা'লা স্বীয় প্রতিশ্রুতি অনুসারে এবং রসূল করিম (সা.)-এর ভবিষ্যদ্বাণী অনুযায়ী সত্য ও প্রকৃত খিলাফত ব্যবস্থা প্রতিষ্ঠা করেছেন। এই খিলাফতের পূর্ণ আনুগত্য ও অনুসরণ করা আপনাদের জন্য আবশ্যিকীয়। খিলাফতের আনুগত্য এবং যুগ-খলীফার দিক-নির্দেশনার ওপর আমল করার একটি গুরুত্বপূর্ণ মাধ্যম হলো MTA, যা আল্লাহ তা'লার এক মহান অনুগ্রহ ও অনুকম্পার নির্দর্শনস্বরূপ প্রতিষ্ঠিত মাধ্যম। তাই আপনারা যেখানেই থাকুন না কেন, আমার জুমুআর খুতবা শোনার সর্বাত্মক চেষ্টা আপনাদের করা উচিত, তা যে কোন উপায়েই হোক না কেন। সেটি টেলিভিশনের মাধ্যমেই হোক, ল্যাপটপের মাধ্যমেই হোক কিংবা আপনাদের সেল ফোনের মাধ্যমেই হোক। এ যুগে এই অযুহাত করা বৈধ হবে না যে, সে শিক্ষা কিংবা বার্তা শোনার সুযোগ পায় নি। প্রচার ও প্রসারের আধুনিক উপায় উপকরণের সুবাদে কেবল একটি বাটনে চাপ দিয়ে প্রতিটি জিনিস পর্যন্ত খুব সহজেই পৌছা সম্ভব হচ্ছে। তাই বিভিন্ন উপায় উপকরণের মাধ্যমে আপনারা আমার খুতবা পেতে পারেন। খুতবা MTA-তে শুনতে পারেন অথবা MTA-এর ওয়েব সাইট থেকে

ডাউন লোড করতে পারেন তাছাড়া MTA-এর ‘অন ডিমান্ড’ সেবার মাধ্যমেও আমার খুতবা শ্রবণ করতে পারেন। এ ছাড়া MTA এর অন্য কিছু অনুষ্ঠানও আছে যা দেখা আপনাদের জন্য একান্ত আবশ্যিক। সেই সকল অনুষ্ঠানের মাধ্যমে আপনাদের ধর্মীয় জ্ঞান বৃদ্ধি পাবে এবং এভাবে খিলাফতের সাথে আপনাদের সম্পর্ক পরিপন্থ ও দৃঢ় হবে। নিজেদের জ্ঞান বৃদ্ধি করার আরেকটি মাধ্যম হচ্ছে আল ইসলাম ওয়েব সাইট, যেখানে জ্ঞান বৃদ্ধির জন্য ব্যাপক উপকরণ বিদ্যমান। আপনাদের মধ্য থেকে যারা পরিপন্থ বয়সে পৌছেছেন, তাদের নিজেদেরকেও এ সকল উপায় উপকরণের সাথে সম্পৃক্ত করার যথাসাধ্য চেষ্টা করা উচিত। এর মাধ্যমে আপনারা যেখানে নিজেদের জ্ঞান বৃদ্ধি করবেন সেখানে খিলাফতের সাথে নিজেদের সম্পর্ক দৃঢ় করার জন্যও এ সকল উপকরণ ব্যবহার করুন আর ধর্মকে জাগতিকতার ওপর প্রাধান্য দেয়ার দায়িত্ব পালন করুন। এ যুগে টিভি, ওয়েব সাইট এবং ইন্টারনেট ইত্যাদিতে অগণিত এমন অনুষ্ঠানমালা বিদ্যমান যা সব সময় একজন মানুষের দৃষ্টি নিজের দিকে আকর্ষণ করে। এগুলো এক অকূল সাগরতুল্য। আপনি যদি বলেন, আমি প্রথমে আমার জাগতিক কাজ সম্পন্ন করব তারপর টিভিতে বা স্ট্রিমিংয়ের মাধ্যমে MTA দেখব, তাহলে মনে রাখবেন আপনার কখনো MTA দেখার সময় হবে না। এসব উপায় উপকরণ আপনার জ্ঞান বৃদ্ধির জন্য কল্যাণকর বলে প্রমাণিত হবে। কিন্তু নিজের দায়িত্ব পালন করার জন্য আপনাকে অবশ্যই যেকোন অবস্থায় ধর্মকে প্রাধান্য দিতে হবে। নিজেদের জাগতিক ব্যক্ততা ও জাগতিক কর্মপরিকল্পনার ওপর ধর্মকে প্রাধান্য দিতে হবে।”

(ন্যাশনাল ওয়াকেফানে নও ইজতেমা যুক্তরাজ্য, ০১ মার্চ ২০১৫;

আল ফযল ইন্স্টারন্যাশনাল, ২২ জুলাই ২০১৬)

MTA-এর মাধ্যমে সারাবিশ্বে আহমদীয়া খিলাফতের সাথে জামা’তের সদস্যদের যে দৃঢ় সম্পর্কবন্ধন রচিত হচ্ছে সেটির উল্লেখ করতে গিয়ে হ্যুর (আই.) একবার বলেন:

“এ যুগে আল্লাহ তা’লা আমাদের জন্য বিভিন্ন বিষয়কে সহজতর করে তুলেছেন। একটি হচ্ছে নিজেদের শিক্ষাদীক্ষা এবং খিলাফতের সাথে সম্পর্ক দৃঢ় করার জন্য প্রত্যেক আহমদীর MTA দেখা ও এর অভ্যাস গড়ে তোলা আবশ্যিক। দ্বিতীয়ত তবলীগের জন্য MTA এবং ওয়েব সাইটে যেসব অনুষ্ঠান রয়েছে, সেগুলো সম্পর্কে অন্যদেরকে বলা উচিত। অনেক সময় বন্ধুদের সাথে বসে প্রোগ্রাম দেখার সুযোগ আসে, সে সুযোগও কাজে লাগানো উচিত। বন্ধুদেরকে এসম্পর্কে বলা উচিত। আমার কাছে এখনো এমর্মে অনেক চিঠি আসে যে, যখন থেকে আমরা MTA-তে নিয়মিত শুধু জুমুআর খুতবাই শোনা আরম্ভ করেছি, জামা’তের সাথে আমাদের

সম্পর্কবন্ধন দৃঢ় হচ্ছে। আমাদের ঈমানে দৃঢ়তা সৃষ্টি হচ্ছে। সুতরাং বর্তমানে MTA এবং alislam ওয়েব সাইট হ্যারত মসীহ মওউদ (আ)-এর বাণী প্রচার এবং সকল আহমদীর শিক্ষাদীক্ষার পাশাপাশি খিলাফত ও জামা'তের সাথে সম্পৃক্ত হওয়ারও মাধ্যম। কাজেই প্রত্যেক আহমদীর জন্য আবশ্যিক হলো এর সাথে সম্পৃক্ত হওয়ার চেষ্টা করা।”

(খুতবা জুমআ, ০৮ মার্চ ২০১৬, বায়তুল ফতুহ, লগুন;
আল ফযল ইন্টারন্যাশনাল, ২৫ মার্চ ২০১৬)

জামা'তের সদস্যগণের নিজেদের সংশোধন এবং ব্যবহারিক অবস্থার উন্নয়নের নিমিত্তে জুমুআর খুতবার উপকারিতা বর্ণনা করতে গিয়ে এক খুতবায় হ্যুর (আই.) নিম্নোক্ত ভাষায় নসীহত করেন:

“যেমনটি আমি বলেছি, আহমদীয়া খলীফাগণ নিঃসন্দেহে ব্যবহারিক অবস্থার উন্নতির প্রতি দৃষ্টি আকর্ষণ করে আসছেন। আমিও জুমুআর খুতবা ইত্যাদির মাধ্যমে সেই দুর্বলতা দূর করার প্রতি দৃষ্টি আকর্ষণ করে থাকি আর পূর্ববর্তী খলীফাগণও করেছেন। এছাড়া জামা'তের সকল শ্রেণি ও সকল বয়সের আহমদীদেরকে শক্তির আক্রমণ থেকে রক্ষা করার উদ্দেশ্যে সেসকল দিক-নির্দেশনার আলোকে জামা'তের অঙ্গসংগঠন এবং জামা'তী ব্যবস্থাপনাও বিভিন্ন কর্মপরিকল্পনা হাতে নিয়ে থাকে। কিন্তু যদি আমাদের প্রত্যেকেই নিজের ব্যবহারিক সংশোধনের প্রতি দৃষ্টি দেয়, ধর্মের শক্তিদের আক্রমণকে ব্যর্থ করার জন্য দাঁড়িয়ে যায়, বরং ধর্মের শক্তিদের সংশোধনের দৃঢ় প্রত্যয় নিয়ে দণ্ডায়মান হয়, কেবল প্রতিহত করাই নয়, বরং আক্রমণ করে তাদের সংশোধনের নিমিত্তে খোদা তাঁলার সাথে একটি বিশেষ সম্পর্ক স্থাপন করে, তাহলে আমরা কেবল ধর্মের শক্তিদের আক্রমণকে প্রতিহতই করব না বরং তাদের সংশোধন করে তাদের ইহকাল ও পরকালকেও সুনিশ্চিত করতে পারব, অধিকন্তে সেই ফিতানকে ধ্বংস করতে পারব যা আমাদের নব প্রজন্মকে নিজের নেতৃত্বাচক প্রভাবের অধীনস্ত করার চেষ্টা করছে। এর মাধ্যমে আমরা আমাদের নতুন প্রজন্মকে রক্ষা করতে পারব আর আমরা আমাদের দুর্বলদের ঈমানের সুরক্ষাকারীও হব। এরপর সেই ব্যবহারিক সংশোধন একজন থেকে অন্যজনে সম্ভগারিত হতে থাকবে আর এই ধারা কিয়ামত পর্যন্ত অব্যাহত থাকবে। আমাদের কর্মের সংশোধনের ফলে তবলীগের পথ ক্রমশঃ উন্নোচিত হতে থাকবে। নতুন আবিষ্কারাদি পাপ প্রসারের পরিবর্তে প্রতিটি দেশে এবং প্রতিটি অঞ্চলে খোদা তাঁলার নাম ছড়ানোর মাধ্যমে পরিণত হবে।”

(খুতবা জুমুআ, ০৬ ডিসেম্বর ২০১৩, বায়তুল ফতুহ, লগুন;
আল ফযল ইন্টারন্যাশনাল, ২৭ ডিসেম্বর ২০১৩)

খোদার প্রতিশ্রুতি পূর্ণ হওয়া অবশ্যভাবী

ইলেক্ট্রনিক ও সোশাল মিডিয়ার মাধ্যমে যেখানে তবীলগ ও তরবিয়ত-সংক্রান্ত বিষয়ে উল্লেখযোগ্য অগ্রগতি সাধিত হয়েছে সেখানে আহমদীয়তের শক্রূণ্ড বিভিন্ন নৈরাজ্য ছড়ানোর নিত্য-নতুন অপচেষ্টা আরম্ভ করে দিয়েছে। এ প্রসঙ্গে হ্যুর (আই.) বলেন: “হয়রত মসীহ মওউদ (আ.)-এর সাথে আল্লাহ তা’লার বহু প্রতিশ্রুতি রয়েছে, এসব প্রতিশ্রুতি পূর্ণ হচ্ছে এবং হতে থাকবে, ইনশাআল্লাহ্।

জামা’তকে আল্লাহ তা’লা কীভাবে বিস্তৃত করছেন সে-সংক্রান্ত কিছু ঘটনা আপনাদের শোনাব কিন্তু যুবতীদেরকে আমি বিশেষভাবে বলব যে, ইন্টারনেটের কারণে এবং মানুষের কথায় মজে কেউ কেউ মনে করে যে, জামা’ত উন্নতি করছে না, আর তাদের পক্ষ থেকে বিভিন্ন প্রকার নৈরাশ্যকর কথা আরম্ভ হয়ে যায় আর শক্র ও বিরোধীরা আমাদের মাঝে নৈরাশ্য ছড়ানোর চেষ্টাও করে। মিডিয়া, বিশেষ করে ওয়েবসাইট ইত্যাদিতে অনেক বাজে প্রকৃতির কথাবার্তা আলোচিত হয়ে থাকে, যার ফলে মাথায় নৈরাশ্য দানা বাঁধে আর এরপর তারা ধর্ম থেকে দূরে সরে যেতে আরম্ভ করে। তাই কোনপ্রকার নৈরাশ্যকর ধারণা যাতে সৃষ্টি না হয়, সে বিষয়ে সজাগ থাকবেন।”

(লাজনা ইমাইল্লাহ জার্মনির বার্ষিক ইজতেমায় মহিলাদের উদ্দেশ্যে ভাষণ,
১৭ সেপ্টেম্বর ২০১১; আল ফযল ইন্টারন্যাশনাল, ১৬ নভেম্বর ২০১২)

وَالنِّسْرِ رِتْلَشْرَا

ইসলাম ধর্মের সত্যিকার বাণী সারা বিশ্বে বিস্তৃত করার ক্ষেত্রে অধুনা আবিক্ষারাদি ও প্রচারমাধ্যমের আধুনিক সব মাধ্যম খুবই সহায়ক ও লাভজনক প্রমাণিত হচ্ছে। হ্যুর (আই.) তাঁর খুতবা ও বক্তৃতায় ঐশ্বী সাহায্যের নির্দশন, ঐশ্বী কৃপা ও সাফল্যের কথা বহুবার উল্লেখ করেছেন। এ বিষয়টি উপস্থাপন করে কুরআনের বরাতে হ্যুর (আই.) একবার বলেন:

“আমাদের স্মরণ রাখা উচিত, খোদা তা’লা সসীম শক্তির অধিকারী (কোন সত্তা) নন। নবীর সাথে কৃত সব ওয়াদা ও বিজয়ের প্রতিশ্রুতি নবীর যুগে তার জীবদ্ধায় যদি তিনি পূর্ণ করতে চান তাহলে করতে পারেন কিন্তু পরবর্তীদেরকেও আল্লাহ তা’লা সেই সকল বিজয় ও কৃপার অংশীদার করতে চান। অতএব এযুগের দ্রুতগতিসম্পন্ন মাধ্যমগুলো আমাদের দৃষ্টি এদিকে আকর্ষণ করে যে, আমরা যেন এর সঠিক ব্যবহার করি এবং এগুলোকে কাজে লাগাই এবং সাহাবীদের পদাঙ্ক অনুসরণের মাধ্যমে যুগ-ইমামের সাহায্যকারী হয়ে যাই আর তার সাহায্যকারী

হিসেবে তাঁর মিশনের বাস্তবায়নের প্রতি দৃষ্টি নিবন্ধ করি। দ্রুতগতিসম্পন্ন মাধ্যমগুলো এ দিকে দৃষ্টি আকর্ষণ করছে যে, এই গতিময়তাকে খোদার পুরস্কার জ্ঞান করে তা যেন আমরা ধর্মের জন্য ব্যবহার করি।

আল্লাহ্ তা'লা যদি **وَالنَّيْرِتِ نُشَرِّأُ** (সূরা আল মুরসালাত: ৪) বলে থাকেন আর যারা বাণী ভালোভাবে প্রচার করে তাদেরকেও যদি সাক্ষী হিসেবে উপস্থাপন করা হয়ে থাকে তাহলে (স্মরণ রাখবেন!) এটি সেই বাণী যার জন্য খোদা তা'লা মহানবী (সা.)-কে প্রেরণ করেছেন। অধিকস্ত ধর্মের সেই পূর্ণ ও সম্পূর্ণ পুনরঞ্জিবনের জন্য এযুগে হ্যরত মসীহ মওউদ (আ.)-কে পাঠিয়েছেন, যা কিয়ামত পর্যন্ত প্রতিষ্ঠিত থাকবে।

অতএব প্রচার প্রসারের এ যুগে খোদা তা'লা আধুনিক সব মাধ্যম সহজলভ্য করেছেন তবে মহানবী (সা.)-এর সাহাবীদের কাছে বর্তমান যুগের এ আধুনিক উপকরণগুলো ছিল না। তা সত্ত্বেও তারা ইসলামের তবলীগের দায়িত্ব সর্বোন্নতভাবে পালন করেছেন। বর্তমান যুগে এসব মাধ্যম আমাদের হাতের মুঠোয় আর মহানবী (সা.)-এর নিষ্ঠাবান দাসের যুগের জন্য এটিই অবধারিত ছিল। আল্লাহ্ তা'লা এর আগাম সংবাদও দিয়ে রেখেছেন। এ আয়াতটি একটি ভবিষ্যদ্বাণী যার উল্লেখ এভাবে রয়েছে যে, **وَإِذَا الصُّفْفُ نُشَرِّتُ** (সূরা আত্মক্রমার: ১১) অর্থাৎ যখন বইপুস্তক ছড়িয়ে দেয়া হবে। সুতরাং প্রধানত এযুগটি হলো পুস্তকাদি প্রকাশ ও প্রচারের যুগ, যা কিনা মসীহ মওউদ (আ.)-এর যুগ। এটি এ (ভবিষ্যদ্বাণীরই) পূর্ণতা যে, হ্যরত মসীহ মওউদ (আ.) আধ্যাত্মিক ভাগারের এক অমূল্য সম্পদ আমাদের জন্য রেখে গেছেন যা তাঁর (আ.) যুগেই প্রকাশিত হয়েছিল। তাঁর সাহাবীরা তা প্রসারের ক্ষেত্রে অসাধারণ ভূমিকা পালন করেছেন। আমরা সাহাবীদের ঘটনায় পড়ি যে, কোন সাহাবী কাউকে কোন বই পড়ার জন্য দিয়েছেন, সে পড়ে আর তার হন্দয়ে তা দাগ কাটে আর এভাবে ধীরে ধীরে মানুষ আহমদীয়া জামা'তে প্রবেশ করতে থাকে। ত্যাগের সেই প্রেরণা নিয়ে এসব সাহাবী এ কাজ করেছেন; যেভাবে ইসলামের প্রথম যুগে সাহাবীরা করেছিলেন। এর ফলে এসব লোক তথা এই সাহাবীরা খোদার (সে) প্রিয়ভাজনদের অন্তর্ভুক্ত হয়েছেন যাদের নামে শপথ করা হয়েছে। হ্যরত মসীহ মওউদ (আ.)-এর সাহাবীরাও মহানবী (সা.)-এর সাহাবীদের অনুরূপ ভূমিকা পালন করেছেন যার ফলে তারাও খোদার নেকট্যপ্রাপ্ত লোকদের অন্তর্ভুক্ত হয়েছেন।

এখন খোদা তা'লা এসব পুস্তক প্রকাশ এবং বিরোধীদের আপত্তি খণ্ডনের জন্য পূর্বের চেয়ে অনেক বেশি মাধ্যম বা উপকরণ দান করেছেন যা অধিক গতিসম্পন্ন।

বইপুস্তক পৌছতে সময় লাগত কিন্তু এখন এখানে কোন সংবাদ বা বার্তা প্রকাশ পেতেই তা অপর প্রান্তে পৌছে যায়। এখানে প্রিন্ট অর্ডার দিয়ে অপর প্রান্তে বের করে নেয়া হয়। আজকে হ্যারত মসীহ মওউদ (আ.)-এর পুস্তকাদি, কুরআন করীম এবং অন্যান্য ইসলামী সাহিত্য ইন্টারনেট ও টিভির মাধ্যমে প্রচারিত হওয়ার ক্ষেত্রে নতুন মাইলফলক অতিক্রম করছে। প্রচারমাধ্যমে বর্তমানে যে গতি বিদ্যমান তা আজ থেকে কয়েক দশক পূর্বে ভাবাই যেতো না। অতএব ইসলামের প্রচার ও সুরক্ষাকল্পে ব্যবহারের জন্য খোদা তাঁলা আমাদেরকে এসব সুযোগ দান করেছেন। এটি খোদার কৃপা যে তিনি এযুগে আমাদের জন্য আধুনিক আবিক্ষারাদি সহজলভ্য করে তবলীগ বা প্রচারের কাজ সহজতর করে তুলেছেন। সুতরাং বৃথা কার্যকলাপে সময় কাটানোর পরিবর্তে এসব সুযোগসুবিধার অপব্যবহার করার পরিবর্তে আমাদের উচিত এগুলোর যথাযথ ব্যবহার করা এবং এগুলো কাজে লাগানোর চেষ্টা করা। পৃথিবীতে যারা মুহাম্মদী মসীহৰ বাণী প্রচার করছে আমরা যদি সেই শ্রেণির অংশ হয়ে যাই তাহলে আমরাও সেসব লোকের মাঝে গণ্য হতে পারি যাদের নামে আল্লাহ তাঁলা (এ আয়াতে) শপথ করেছেন।

MTA-র অনুষ্ঠানে আমি তাদের এটিই বলেছিলাম যে, MTA'র প্রত্যেক কর্মী, সে পৃথিবীর যেখানেই বা যে প্রান্তেই কাজ করব্ব না কেন, সে হ্যারত মসীহ মওউদ (আ.)-এর বাণীকে পৃথিবীর প্রান্তে প্রান্তে পৌছানোর কাজ করছে। একাজ আল্লাহ তাঁলাই যেভাবে তিনি নিজেই তাকে অবহিত করেছিলেন যে, ‘আমি তোমার প্রচারকে পৃথিবীর প্রান্তে প্রান্তে পৌছে দিব।’ অতএব তাঁর বাণী যাতে পৃথিবীর সকল প্রান্তে পৌছে তিনি এর বিভিন্ন মাধ্যমও সৃষ্টি করেছেন। সুতরাং এটি ঐশ্বী তকদীর আর এসব আবিষ্কা এরই সাক্ষ্য দিচ্ছে।”

(খুতবা জুমুআ, ১৫ অক্টোবর ২০১০, বায়তুল ফতুহ, লঙ্ঘন;
আল ফযল ইন্টারন্যাশনাল, ০৫ নভেম্বর ২০১০)

আধুনিক যোগাযোগমাধ্যম ও গণমাধ্যম শিল্পের নিয়ন্তুন উন্নতি ও অগ্রগতির কারণে আহমদীদের দায়িত্বও বৃদ্ধি পাচ্ছে। এবিষয়টি বর্ণনা করতে গিয়ে একবার ভ্যুর (আ.) নিম্নলিখিত দিক-নির্দেশনা দেন। (আহমদী মহিলাদের সরাসরি সম্বোধন করতে গিয়ে ভ্যুর এ দিক-নির্দেশনা প্রদান করেছেন):

আল্লাহ তাঁলা এযুগে আমাদের জামা'তের কল্যাণের জন্য আধুনিক যোগাযোগমাধ্যম ও মিডিয়ার ন্যায় প্রচারমাধ্যম সহজলভ্য করে দিয়েছেন। পৃথিবীর সকল প্রান্তে ইসলামের বাণী প্রচারের জন্য এসব মাধ্যম খুবই গুরুত্বপূর্ণ প্রমাণিত হচ্ছে; যেমন MTA-এর মাধ্যমে আমাদের জামা'তের বাণী পৃথিবীর

সকল প্রান্তে পৌছে যাচ্ছে। কিন্তু একারণে আমাদের দায়িত্ব আরো বেড়ে যায়, কেননা যারা আমাদের বার্তা শুনছে তারা এটি জানার জন্য আমাদের প্রতি চেয়ে থাকবে যে, আমাদের কথার সাথে কাজের সামঞ্জস্য আছে কিনা? তারা যদি দেখে, আমরা যে শিক্ষা উপস্থাপন করছি তা সত্য কিন্তু আমাদের নিজেদের ব্যবহারিক অবস্থায় দুর্বলতা রয়ে গেছে তাহলে তাদের ওপর এর ইতিবাচক প্রভাব পড়ার পরিবর্তে নেতিবাচক ও ক্ষতিকর প্রভাব পড়ার আশংকা দেখা দিবে। তারা আমাদের বাণী হয়ত শুনবে, কিন্তু এটি অনুভব করবে যে, পুরোনো আহমদীদের ব্যবহারিক মান যেমনটি হওয়া উচিত তেমন নয়, তখন তারা নিজেরাই হয়ত ইসলামের বাণী প্রচার আর ইসলামী শিক্ষানুসারে আমল করার দায়িত্ব নিজেদের কাঁধে নিয়ে নিবে। এমন পরিস্থিতিতে আমাদের জামা'ত অর্থাৎ হ্যারত মসীহ মওউদ (আ.)-এর জামা'তের উন্নতি ও সাফল্যের মুকুট সে সকল নবাগতদের মাথায় শোভা পাবে আর যারা পিছিয়ে থাকবে তারা এসব কল্যাণরাজি হতে বাধিত হয়ে যাবে। অতএব যারা পিছিয়ে থাকবে আপনারা তাদের অন্তর্ভুক্ত না হয়ে যারা আহমদীয়াতের সত্যতা প্রচারে অগ্রগামী থাকবে তাদের অন্তর্ভুক্ত হোন আর তা কেবল নিজেদের কথার মাধ্যমে নয় বরং কর্মের মাধ্যমে হোন। আপনারা সেই আলোর উৎস হয়ে যান যার ক্রিয় ইসলামের সত্যতাকে আরো উজ্জ্বলভাবে প্রতিভাত করে।

(লাজনা ইমাইল্লাহ যুক্তরাজ্যের বার্ষিক ইজতেমায় মহিলাদের উদ্দেশ্যে ভাষণ,

২৫ অক্টোবর ২০১৫; আল ফযল ইন্টারন্যাশনাল, ২৫ মার্চ ২০১৬)

নব যুগের আবিক্ষারাদিকে সর্বোত্তমভাবে কাজে লাগিয়ে আমরা আমাদের শিক্ষামূলক, প্রচারমূলক ও তরবিয়তি দক্ষতা বৃদ্ধি করব আর যুগ-খলীফার সর্বোত্তম সাহায্যকারী হয়ে ইসলাম-আহমদীয়াতের দায়িত্ববান সন্তান হিসেবে কর্মক্ষেত্রে ক্রমাগতভাবে এগিয় যাব- আল্লাহ তা'লার কাছে আমার এ দোয়াই থাকবে। আমীন!

সোশাল মিডিয়া (Social Media)

আধুনিক যুগে সোশাল মিডিয়ার দায়িত্বজ্ঞানহীন ব্যবহারের কারণে সমাজে ছড়িয়ে পড়া চারিত্রিক ব্যাধি হতে রক্ষা পাওয়ার জন্য আমীরগুল মু'মিনীন হ্যারত খলীফাতুল মসীহ আল খামেস (আই.)-এর প্রজ্ঞাপূর্ণ দিক-নির্দেশনা ও স্বর্ণেজ্জুল উপদেশাবলী সম্বলিত উপায় এ পুষ্টিকায় উপস্থাপন করা হয়েছে। অধিকন্ত সেসব দায়িত্বাবলীর কথাও এতে অন্তর্ভুক্ত করা হয়েছে যা সোশাল মিডিয়া ব্যবহারকালে একজন আহমদীর দৃষ্টিতে রাখা চাই। একইভাবে সোশাল মিডিয়ার প্রজ্ঞাপূর্ণ ব্যবহারের মাধ্যমে আহমদী প্রজন্মের মানসিক, নৈতিক ও আধ্যাত্মিক প্রশিক্ষণের প্রতি দৃষ্টি আকর্ষণ করা হয়েছে।

(কেন্দ্রীয় লাজন্মা সেকশন কর্তৃক প্রকাশিত)

Social Media

(সোশাল মিডিয়া)

This book is a compilation of wisdom-filled exhortations and beautiful advice from our spiritual leader, Hazrat Khalifatul Masih the V (May Allah be his Helper) on ways to safeguard ourselves from the moral ills spreading in the society due to the irresponsible use of Social Media in the current age. This book also presents the responsibility of Ahmadis while using Social Media, drawing attention to the judicious use of Social Media for intellectual, moral and spiritual training.

(Published by Lajna Imaillah Bangladesh)

ISBN 978-984-991-279-8



9 7 8 9 8 4 9 9 1 2 7 9 8